

扶

張紅紅

大曆中才人張紅紅善歌曲出册譜

代面

北齊蘭陵王體身白皙而美風姿乃著假面以對敵數立奇功齊人作舞以効之號代面舞

阿婆舞

鄭修出妓以宴趙紳而舞者年已長伶人孫子多獻口號云相公經文復經武常侍好今兼好古昔日曾聞阿武婆今日親見阿婆舞出金華子

吉留馨

膠東有異人不知姓氏常歌舞于市稱吉留馨後于市

中白日乘雲而去金華子

玉窈窕

迎娘歌喉玉窈窕蠻兒舞帶金威建楊妃外傳

記曲娘子

張紅紅善歌每聽新声一遍即能記其節奏後入宮號記曲娘子羯鼓錄

動梁塵

漢時有魯人虞公善雅歌發声清哀盖動梁塵劉向別錄

拓枝舞

拓枝舞本拓跋氏之舞後人鄙之易曰拓枝遊齋閑覽那得言佳

郭訥觀妓人歌言佳石崇問其曲訥不知崇笑曰卿不

識曲那得言佳曰譬如見西施何必識其各姓然後知美郢粲晉紀

緩歌長舞

緩歌長舞彈箏吹笛

樹梨

爾朱榮酒酣耳熱必自匡坐唱虜歌爲樹梨晉梨之曲飛鳧啼鳥

庾肩吾舞詩飛鳧袖始拂啼鳥曲未終

危柱促管

殷勤訴危柱慷慨命促管謝靈運詩

長袖善舞

韓子曰長袖善舞多錢善賈

隱雙蛾

何敬容舞詩因風且一顧揚袂隱雙蛾

鄭舞

二八齊容起鄭舞楚詞

擊甕扣缶

擊甕扣缶彈箏搏解而歌嗚嗚者真秦之聲也

葆佾

陳階葆佾所以障舞人也王元長詩序

戚奏翹舞

戚者斧也翹者舞名同上

倚瑟歌

文帝使慎夫人鼓瑟上自倚瑟而歌注猶今之以歌合

曲也

白紵山

歌動白苧山舞迴天門月李白詩

踏歌声

李白乘舟將欲行急聞岸上踏歌声

一道夜歌

郎聽採菱女一道夜歌歸李白詩

唱鷓鴣

秋浦清溪雪夜對酒客有唱鷓鴣者詩云客有桂陽至能吟山鷓鴣李白詩

吳歛越吟

吳歛越吟歛音俞吳都賦

采蔭歌

榜人奏采蔭之歌七命

過雲

薛青撫節悲歌声振林木響過行雲

白雪

博物志白雪是天帝使素女鼓五絃琴曲名以其詞高入遂寡和

翹袖舞

西京雜記戚夫人善爲翹袖折腰之舞

獨速舞

孟郊詩銅斗飲江酒拍手銅斗歌儂是拍浪兒飲則拜浪婆脚踏小舷頭獨速舞轉莎東坡云齊聲爭唱浪婆

詞

折盤

怨西荆之折盤注舞曲名南都賦

妍唱

有懷妍唱敬接末曲雪賦

頓足舞

頓足起舞抗音高歌閑居賦

嘯門

嘯十五章

嘯有十五章有深溪虎高柳蟬空林鬼巫峽猿下鴻鵠  
古木鳶之類峨嵋嶺陳道士善長嘯作霹靂聲坐客驚慄  
封氏見聞記

蹙口声

毛詩箋曰嘯者蹙口而出声也

慨慷

中矯厲而慨慷又乃慨慷而長嘯並嘯賦

羣鳴號

又似鴻鴈之將縱羣鳴號乎沙漠同上

聲驛驛

聲驛驛而響連驛驛声連貌

與笳同音

薛訪車前年十四能轉喉引声與笳同音笳簫也

舒嘯

登東臯而舒嘯舒發也緩也歸去來詞

樂人門 百戲附

藏鈎

荆楚歲時記云歲前爲藏鈎之戲辛氏三秦記云漢昭帝毋鈎弋夫人手拳而國色今人藏鈎亦法此鈎亦作摠

悖孥兒

明皇宮中有容兒弄鉢頭邠娘羯鼓要娘歌悖孥兒舞張祐各有詩

長入人

唐黎園長入人許小宮求教坊判官注每日在至尊左右曰長入

崖公

今日崖公其蜺斗散樂人呼天子爲崖公歡喜爲蜺斗

擊鞠

鞠音菊古者以毛實皮蹙而不擊後世以杖擊丸或于驢馬之上當言毬不當言鞠也唐書音訓

均工

樂工也河間獻王樂語有五均之官

薛校書見時官稱號門

音監

樂府音監景武注音音監監主樂人也

俳兒優子

俳兒優子言辭無度非所以導仁義示雍和也郝處俊傳

音声人

唐每歲閱司農戶容儀端正者歸太樂與前代樂戶摠  
各音聲人

高繩伎

梁有高繩伎蓋今之戲繩者也有舞輪伎蓋今之戲車  
輪者也

緣竿伎

梁有緣竿伎又有獼猴緣竿伎

擲到伎

擲到伎到行而舞也

透三峽伎

透三峽伎蓋今之透飛梯

跳劍伎

跳劍伎並出自梁朝

窟礮子

亦曰魁礮子作偶人以戲本喪樂漢末用之于嘉會

乞寒

乞寒外蕃之樂裸露形體澆灌衢路鼓跳躍而索食唐  
張說上言遂罷其戲

潑胡

張說言乞寒潑胡未聞典故裸體跳足盛德何觀揮水  
投泥失容斯盛

撥頭舞

西域胡人爲猛獸所噬其子求獸殺之爲此舞以象之  
都都知見武部將帥門

都盧

非都盧之善綠孰能超而究升太康地里制都盧國其人善綠高

擊壤戲

周處風俗記擊壤者以木爲之前廣後銳長四尺三寸其形如履將戲先側一壤于三四十步外以手中壤擊之

歌曲名門

綠腰

琵琶錄康崑崙彈新翻羽調綠腰注卽錄要也本自樂工進曲上令錄出要者乃以爲各言綠腰誤也

曲高寡和

宋玉對楚襄王曰陽萎白露朝日魚麗合商吐角絕節赴曲國中唱而和之者不過數人蓋曲弥高而和弥寡襄陽耆舊傳

陌上桑

竹家槽裏新聲足舊曲新傳陌上桑

紫雲迴

玄宗嘗夢仙子十餘輩御卿雲而下各執樂器懸奏之曲度清越一仙人曰此神仙紫雲迴今傳授陛下爲正始之音上覺命玉笛習之盡得其曲明皇雜錄

得寶子見后妃門

凌波曲

玄宗夢凌波池中龍女製凌波曲上

雨霖鈴

上至斜谷霖雨涉旬於棧道雨中聞鈴聲因採其聲爲  
雨霖鈴曲以寄悼貴妃馬同上

水調

隋煬帝開汴河自造水調出杜牧揚州詩

鬱輪袍

王維素爲岐王所知善琵琶將應舉告王爲地王曰子  
舊詩可錄數篇乃作一琵琶曲因引維至一貴戚家自  
彈貴戚問何曲名曰鬱輪袍大愛之因出其詩曰此非  
伶人乃能文之士遂爲黃綠是年爲舉首也

謫仙怨

月皇幸蜀妃子旣死一日登高山望秦川謂高力士曰

吾聽張九齡言不至于此遣使祭之吹笛爲曲號曰謫  
仙怨劇談錄

菩薩蠻

唐太中初女蠻國貢獻其人皆危髻金冠瓔珞被體故  
謂之菩薩蠻遂製曲以爲名者也杜陽編

一斛珠

會夷使至封玳珠一斛賜妃妃不受以詩報上上悵然  
命樂府度新聲號一斛珠

睢陽曲

晉太康地記睢陽方十三里梁孝王築之鼓倡節杵而  
後下和之者稱睢陽曲今踵以爲故今之樂家睢陽曲  
是其遺音



夢江南

曲始自李德裕鎮浙西日爲亡妓謝秋娘作後改曰望江南亦曰夢江南

荔枝香

楊妃生日小部奏新曲因南海進荔支到因名荔枝香小部者梨園法部所置

懊儂歌

石崇綠珠所作有綠布澀難縫一曲

桃葉歌

王子敬妾名桃葉緣於篤愛所以作歌

上声歌

此因上声促柱得名所謂哀思之音不合中和者也

碧玉歌

碧玉晉汝南王妾名靈芝之作歌

三州歌

三州歌諸商客數由巴陵三江口往還日共作此歌

採桑

因三州曲作採桑

玉女行觴

玉女行觴曲名煬帝所造也

明之君

明之君漢代鞞曲也梁改其曲詞以歌君德

河陽

隋庾信聽歌詩協律新教罷河陽始學歸但令聞一曲

餘聲三日飛

羽觴行

魏明帝易古詩名曰羽觴行用爲上壽曲

獨酌謠

獨酌謠古樂府沈炯作

估客歌

估客歌云恒隨鷁首舫屢逐雞潮鳴

楚妃歎

楚妃歎曲名

清商曲

蘇子卿詩欲展清商曲謂秋聲而多思也

海錄碎事卷第十六

海錄碎事卷第十七

宋 泉州刺史葉廷珪 類集

明 河南僉憲劉鳳 重校

農田部

農門

蔗蓑

選蔗蓑致功必有豐殷注蔗耘草蓑瘞田也 張茂先詩

焚枯魚

田家何所有酌醴焚枯魚 應瑒詩

東菑

連陰盛農節臺笠聚東菑 謝玄暉詩

把鉏犁



不能効沮溺相隨把鋤犁 王仲宣詩

白丁

隋書樂平公主曰李敏一白丁耳

斗酒自勞

田家作苦斗酒自勞 楊惲書

穀父蚕毋

續仙傳三川飢有青衣童子語人曰世人厭棄五穀地  
司已收五穀之神矣可相率祈謝穀父蚕毋當致豐穰  
也

土膏黑

律續春耕土膏黑 李賀詩

墮身從事

今農墮身從事而有租稅之賦 漢文帝詔

敖民

四民陳力受職故邑無敖民地無曠土注敖謂逸游也  
漢志

地着

理民之道地着為本 漢食貨志

受田歸田

民年二十受田六十歸田七十以上上所養也十歲以  
上上所長十一以上上所強也 食貨志

獲如寇盜

力耕數耘收穫如寇盜之至 食貨志

工巧奴

趙過使大農置工巧奴爲作田器

食貨志

寥翹

餉婦寥翹布領寒牧童擁茸蓑衣濕

力耕

乏牛故以力耕

金釵負米

竹枝辭山上層層桃李花雲間煙火是人家銀釧金釵來負米長刀短笠去燒畬

翔貴

穀價翔貴注猶鳥之回翔言不離于貴也若暴貴稱騰踊之類

漢食貨志

農爲春

秦皇但求蓬島藥豈思農爲春

李白詩

耘耔

耘除草耔附根也因耨隴草漬其土以附根

煥山封水

煥山封水保爲家利許氣反

草馬

杜畿爲河東教民畜牝牛草馬

始爲牛耕

趙過始爲牛耕實勝耒耜之利

齊民要術

作耨犁

皇甫隆爲燉煌教民作耨犁所省庸力過半得穀加倍

機春

機春潺湲力吹簸颺颺精韓退之詩

農節

連陰盛農節耕時也謝玄暉詩

擊壤歌

逸士傳堯時老人擊壤歌曰日出而作日入而息鑿井而飲耕田而食帝何力於我哉

田奴

俗諺云耕則問田奴絹則問織婢

五穀門薯芋附

黃獨

杜詩黃獨無苗山雪盛本草楮魁江東名土芋江西名土卵食之如芋魁

天河生

康巢縣令塲畢膳夫經以芋頭爲天河生出談助

芋牆

閣皂山僧勤種植收芋甚多杵之如泥造塹爲牆後遇飢數十口俱活

四種

兗州穀宜四種注黍稷稻麥也

自然穀

扶海洲上有草名蒔其實食之如大麥名曰自然穀亦曰禹餼山海經

稻孫

稻經穫再生者名稻孫番禺雜記

五穫穀

管子云恒山五穀之所蕃熟四種五穫焉

粟奴

折粟米法取簡粟米一石加粟奴五升舂之粟奴能令馨香

濟陽九

狗蹲鴟之沃則以爲世濟陽九言可以救飢也

吳都賦

禾稻門黍粟附

育育

彼黍離離彼稷育育注生長貌

劉越石詩

芊芊

稻栽肅芊芊黍苗長離離皆長茂貌

潘安仁詩

時苗

長嘯歸東山擁耒耨時苗

潘安仁詩

蟬鳴稻

廣志有蟬鳴稻七月熟

青芊稻

廣志有青芊稻六月熟

重思

雜俎鄴都稻名重思其米如石榴子粒稍大味如菱亦以上獻仙官杜瓊作重思賦曰霏霏春暮翠矣重思靈氣交被嘉穀應時

黏稻

字林云糯黏稻也秔稻不黏者說文秔稻卽糯也

雨稻

述異記夏禹時天雨稻古詩云安得天雨稻飼我天下民

食心螟

爾雅食苗心螟食節賦食葉蝻食根蝨

重秬香秬

華蔣重秬滢臯香秬吳都賦

木禾

西膜之所謂木禾注粟之類長五尋大五尺圍山海經

並根穗見萬情門

丹泉粟見歌舞門

五梁禾

王莽種五梁禾於殿中先嘗鶴髓毒冒犀玉二十餘物  
漬種此黃帝穀仙之術也注五梁禾即五色禾谷本玉  
德是

箭子稻

箭子稻歲供京師

再熟稻

鄉貢再熟之稻國稅八蚕之繇魏都賦

苗生欲孤

呂氏春秋苗其弱也欲孤其長也欲相與俱其熟也欲  
相扶

杏實禾善

師曠占術杏多實不蟲者來年秋禾善五木者五穀之



先欲知五穀先視五木擇其本盛者來年多種之萬不失一也

九熟

抱朴子曰南海有九熟之稻

豆麥門

麥合合

梁鴻詩麥合合今方禿

秣麩

說文云大麥秣也小麥麩也

得時菽

呂氏春秋云得時之菽長莖而短足其莢二七以爲族

豆神

春秋佐助期云豆神爲靈植長七尺大目通於時節

宿麥

章帝詔比再得時兩宿麥潤澤宿舊也麥經歲始熟

無麥

建初五年詔書云春秋書無麥苗重之也莊公七年秋大水無麥苗何休注曰不書穀至麥苗獨書人食最重也

成麥

後漢詔書云重以蝗蟲滋生害及成麥

燕麥

燕麥一名雀麥本草云生故墟野林下苗似小麥而弱實似穰麥而大

天麥毒

顯德中齊有人病狂每歌曰踏陽春人間二月雨和塵  
陽春踏盡秋風起腸斷人間白髮人又歌曰五雲華蓋  
曉玲瓏天府由來汝腹中惆悵此情言不盡一丸蘿蔔  
火吾宮後遇一道士作法治之乃云每夢中見一紅衣  
少女引入宮殿皆紅多召紫州小姑令歌道士曰此正  
犯天麥毒女卽心神小姑卽脾神也按醫經蘿蔔治麩  
毒故曰火吾宮卽以藥兼蘿蔔食其疾遂愈 出洞微志

祈麥實

三月祈麥實麥者五穀之先見者故急祈而祀之也夏

小正

戎菽

戎菽大豆也一名荏菽詩云藝之荏菽是也

蚕織門

嬾婦驚

古語促織鳴嬾婦驚

八繭蚕

將餒吳王八繭蚕 李賀詩

網車

竹裏繰絲挑網車 李賀詩

蚕蠕蠕

越婦未織作吳蚕始蠕蠕 李賀詩

煙素素

羸女机中煙素素 李賀詩

國家圖書館, NATIONAL CENTRAL LIBRARY, TAIWAN, R.O.C.

海金府事 卷二  
冷水絲

食柘之蚕其絲以冷水繅之謂之冷水絲可爲琴瑟絃  
蓋縻絲之類 零陵總記

金蚕銀繭

南齊時有盜發桓温女冢有金蚕銀繭

枯桑

枯桑知天風海水知天寒

馬頭娘

蜀中寺觀多塑女人披馬皮謂之馬頭娘以祈蚕 亦異

流黃机

顧野王陽春歌蒯門寒未歇爲斷流黃机又云銀機使  
客至柘彈婉童歸

再眠蚕

再眠蚕言將老也

啞軋

机絲弄啞軋 杜詩

帝女桑

未染仙人杏偏柔帝女桑 王禹玉皇后閣春帖

女兒蚕

搜神記人家女思其父語所養馬若得父吾將嫁汝馬  
迎得父後見女輒怒父怪之女語其故父殺馬曝皮于  
庖中一日皮忽卷女飛去桑樹間俱爲蚕其繭厚大今  
世謂蚕爲女兒古之遺語也

諸暨三如

海金石事 卷之九  
圖經諸暨出三如如綿之桑言縻桑文如綿可作碁局  
如拳之粟如絲之苧

耕勞織擾

淮南子曰耕之爲事也勞織之爲事也擾擾勞之事而  
民不舍者知其可以衣食也

勸農桑門

春鳧耕稼

昔在金天勤于民事命春鳧以耕稼召夏鳧以芸鋤秋  
鳧所以收斂冬鳧於焉蓋藏

杏花葛葉

杏花葛葉耕穫不愆月令云杏花生種百穀呂氏春秋  
云葛始生於是耕也 王元長策秀才文

美農臺

九域圖興元有美農臺漢中記云漢太守桓宣每登以  
勸農

農扈春

宋之問吾君不事瑤池樂時雨來看農扈春

田疇門

綠疇

言歸望綠疇國語注一井爲疇 謝玄暉詩

清畊

田中爲隴廣尺深尺停水潤田畊古犬反 王元長策文

潮鹵

薄地也音赤 王元長策文

海錄 卷十七  
潮田

以潮水溉田曰潮田

番禺雜記

一稜田

陸龜蒙詩我本曾無一稜田生涯唯有空漁船

十萬步

陸龜蒙自敘有田奇十萬步

手實

自占其一產之實而里籍之

高仰田

倪寬請穿鑿六輔渠以益溉鄭國之傍高仰之田

緣山濱水

緣山濱水以廣田畜

畷田

洞庭霜橘畷田粟歲計猶堪比徹侯畷力周切田不耕  
燒種也

三熟

荊州記城南六里有溫泉其下流數千畝常十二月下  
種明年三月新穀登一年三熟

田一廛

揚氏處岷山之勝有田一廛有宅一區揚雄之先也

贈田

果州合州等處無平田農人于山隴起伏間爲防潴雨  
水用植稷稷稻謂之贈田俗鳴雷鳴田蓋言待雷而後  
有水也戎州亦有之

雷鳴田 見上

稼芒芒

芒芒其稼參參其穡

穡參參 見上

無晚歲

良田無晚歲言早得收穫也

區田

二畝十斛謂之良田不知區可百餘斛汜勝之田農書曰上農區田大區方深各六寸相去七寸一畝三千七百區丁男女治十畝至秋收三斗粟畝得百斛也區為侯反一曰謂區隴而種非漫田也

屯田門

宜禾都尉

宜禾都尉後漢明帝置屯田伊吾廬城

田曹郎

屯田太康中謂之田曹郎

農部郎

魏有農部郎亦屯田之事

豐年門

黃雲覆車 見雲門

玉燭

尸子曰四時之氣和謂之玉燭

歲豆

曉澌猶未破歲豆已知豐 王禹玉喜雨詩

登歲

登歲之功既不可希頗爲老農而值年灾 陶淵明

餘糧栖畝

餘糧栖畝而不收言鳥之栖宿也

賑濟門

失稔

陰陽愆候九穀失稔

年灾 見豐年門

道殣

馬融傳米穀踊貴道殣相望音覲飢餓死爲殣

飢荒門

養贍官

王莽末歲飢荒流民入關者數十萬人置養贍官以稟之

嗟來之食

齊大飢黔敖爲食於路以待餓者而食之有餓者蒙袂  
輯屣貿然來黔敖左奉食右執飲曰嗟來食揚目而  
視之曰予惟不食嗟來之食以至于斯也 禮記

半菽

今歲飢民貧卒食半菽軍無見糧臣瓚注謂士卒食蔬  
菜以菽雜半之菽豆也 漢書

烏面鵠形

侯景之亂所在荒飢其絕粒久者烏面鵠形



海錄辟事

卷第十七

卷十七



海錄碎事卷十八

宋 泉州太守葉廷珪 類集  
明 河南僉憲劉鳳 重校

文學部上

經門

韋編鐵槌

北堂書抄孔子晚喜易韋編三絕鐵槌三折

跌宕

江文通賦腕畧公卿跌宕文史注放逸也坡詩云圖書跌宕悲身老

紬書

司馬遷為太史令紬書史記石室金匱之書注紬謂綴



集之音膏

語典詰

房景先作五經疑問百餘篇其語典詰

中五經

劉向校中五經秘書注言中者以別於外也

三五六經

三五六經載籍之傳三皇五帝也相如封禪文

襲六為七

猶兼正列其義被飾厥文作春秋一藝將襲舊六為七

據之無窮六六經也封禪文

舊三為一

宜命賢哲作帝典一篇舊三為一襲以示來人摛之

極揚雄劇秦美新論

綠字經

檢經求綠字憑酒借紅顏李德裕詩

脫簡間編

經或脫簡傳或間編注間差也劉子駿書

八象

結繩闡化八象成文八象八卦也潘安仁詩

五典

五典為笙簧三墳為珠玉抱朴子

歲製

既景煥於圖書方歲製於史牒

史門

竹素傳

不羨山河賞惟希竹素傳王曹詩

丹冊

俱啓丹冊並圖青史任彥升表

史匠

能雕琢文書者謂之史匠王子年拾遺記

瓠史

梁有僧南渡賣一胡蘆有漢書班固真本宣城太守蕭琛得之謂之瓠史

墨兵瀆

孫樵爲史書曰墨兵瀆博物志

美隨日落

李彪乞脩史表云東觀中圯冊數有關美隨日落善因月稀故曰一日不書百事荒蕪

一日不書見上

筆削

有司請定法削則削筆則筆救時務也注削謂有所刪去以刀削簡牘也筆謂有所增益以筆就而書也漢志

着脚唐史

柳彥謨舉進士精通國書時人推重謂之着脚唐史齊藁

張說檢校并州長史脩國史勅齋藁即軍中論撰

乘車

檣杵乘車擅一家之稱乘車晉記事之書也

古史考

譙周作古史考二十五篇以糾司馬遷之謬談

儒學門

樸儒

鳴玉豈樸儒憑軾皆俊民 樂府

寒鄉士

僕本寒鄉士出身蒙漢恩 鮑明遠詩

耳學

沈慶之曰家人不如下官耳學

才筆士

晉中興書云於時才筆之士孫綽為之冠

老學

師曠對晉平公云少而學者如日之陽長而學者如日之央老而學者如秉燭之光 說苑

書樓

唐李該聚書至萬卷手不釋卷世號李書樓

白面書生

沈慶之諫宋文帝北侵曰為國譬如為家耕當問奴織當問婢今伐國而與白面書生謀之事何濟

雞跖

呂氏春秋曰善學者若齊王之食雞也必食其跖數千而後足

棄觚

西京雜記傳介子嘗棄觚而歎曰大丈夫當立功異域

何能坐事散儒

儒林丈人

高貴鄉公嘗與司馬望王沉裴秀鍾會講宴東堂名秀為儒林丈人沉為文籍先生望會亦有名號時獨望在外特給追鋒東堂每有集會奔馳而至

魏志

文籍先生

見上

經神學海

鄭康成為經神何休為學海

拾遺記

白士

羊祐與弟書曰既定邊事當肉巾東洛歸故里為容棺之墟以白士而受重位何能不以盛滿受責乎

宿士

宜求宿士有志業者

南史

勸學從事

諸葛亮為益州牧命譙周為勸學從事後徙曲學從事

蜀志

經學為家

孔臧集序云臧仲尼之後遷御史大夫辭曰臣代以經學為家乞為太常專脩家業漢武遂用之

藍之染素

魏魚豢曰學之資於人也猶藍之染於素乎

道德平林

御六藝之珍駕游道德之平林

思立賦

典籍習

結典籍以為晉驅儒墨而為禽思玄風

操觚

操觚木也古人用之以為筆文賦

散帙

散帙開書帙也杜詩云散帙壁魚乾

章句之徒

章句之徒坐而守之亦無所患解嘲

家稷契

家家自以為稷契人人自以為臯夔解嘲

術藝場

娑娑術藝之場休息篇章之圃賓戲

耆儒碩老

耆儒碩老抱其書而遠遊禮官博士卷其舌而不談言

秦時也劇秦美新

通方士

小物按遠圖寧知通方士李太白詩

青溪學

南史齊劉瓛字子珪學徒不敢指斥呼為青溪學

忍飢面

秦韜玉公行云却笑儒生把書卷學得顏回忍飢面

仁經義緯

敦穆於闡庭言以仁義為經緯王仲宣碑

博學門

是正

來敏精於倉雅訓詁好是正文字

麟角

北史文苑傳云學者如牛毛成者如麟角

三餘

冬者歲之餘夜者日之餘陰雨者月之餘任彥升策

集螢映雪

集螢映雪車胤孫康任彥升表

編蒲緝柳

溫舒少貧牧羊澤中截蒲寫書孫敬貧居太學編柳簡

以為經任彥升表注

忍飢誦經

我幾年來忍飢誦經豈不知屠沽兒有酒食耶

半表豹

謝靈運嘗云若殷仲文讀書半表豹則文才不減班固言其見書少也

理窟

張憑勃宰為理窟

縑蒲

搜研鈔素招據縑蒲繁休伯歲

五總龜

說苑云龜千歲能與人言似取此意然此事本出顏真卿所撰殷踐猷墓碑云顏元孫韋述賀知章陸象先與踐猷凡五人相聚故云五總龜此史氏已失於略也

備作借書

國家圖書館 NATIONAL CENTRAL LIBRARY, TAIWAN

匡衡好學邑有富民家多書與之傭作而不取直曰願借主人書讀耳遂博覽羣書

賈長頭 見時號雜名門

五經無雙

五經無雙許叔重後漢許慎

五經縱橫

五經縱橫周宣光後漢周舉

五經紛綸

五經紛綸井大春後漢井丹也

五經後興

五經後興魯叔睦後漢魯丕也

五經筭

梁任昉字彥昇

五經庫

隋房暉遠

九經庫

唐谷那律

經史筭

梁許懋

石經

北齊陸義

人物志

唐書李守素通姓氏號肉譜任天策府倉曹參軍或謂虞世南倉曹此名豈雅目耶世南曰今以倉曹爲人物



志可乎

肉譜 見上

賣餅家

魏書司隸鍾繇不好公羊而好左氏謂左氏為太官公羊為賣餅家

易聖

唐衛大經邃於易人謂之易聖又耳目記云唐昭宗時有董賀者精卜筮人謂之易聖

註記桂壁

任耒學無常師河洛祕奧非正典籍所載皆注記於桂壁及園林樹木慕學者爭趨寫之時謂任氏為經苑

經苑 見上

書癡

唐書竇威諸兄詆為書癡

書厨

陸澄南齊人欲撰宋書不成讀易三年不解意義王儉戲云書厨

幕府書厨

十國紀年朱遵度避耶律德光之召挈妻孥携書雜商賈奔楚王待之甚薄杜門却掃諸學士每為文章先問古今首末於遵度時人號為幕府書厨

書窟

孟景翌字輔明嗜學行輒載書隨所坐之處不過容膝四面卷軸盈滿時人謂之書窟

書庫

公孫景茂隋時人

書簾

晉左丞傅迪廣讀書而不解其義唐李德淹貫古今不能屬辭皆號書簾

宿讀

後魏闕駟二史羣言經目則誦時人謂之宿讀

宿儒

五代後蜀劉暠高王昭圖年德俱長時號宿儒

不如寫書

張參為園子司業手寫九經每言讀書不如寫書國史

書倉

書倉已耗墨守不堅段成式書

書品策塚

貫穿策塚窮綜書品段成式書

牖中窺日

支道林言北人看書如顯處視月南人學問如牖中窺日注學廣則難周而識闇學寡則易覈而智明

天閣寶秘

何憲博涉該通羣籍畢覽天閣寶秘人間散逸無遺漏焉

柳篋子

柳璨遷左拾遺時以其博奧目為柳篋子

肘後楚辭

肘後楚辭

卷一八

李賀贈陳商詩云楞伽堆案前楚辭繫肘後

杜武庫

杜預人號為武庫言無所不有

涉獵

賈山涉獵書記不能為醇儒生涉如涉水獵如獵獸言  
歷覽之不精專

學鏡千古

學鏡千古智周萬妹 李白文

漢聖

劉臻精於兩漢書時人稱為漢聖

佃漁六學

佃漁六學網羅百氏

曾耕掌錄

曾耕無補掌錄徒勤注古人云曾耕舌耕而趨進又無  
紙以掌記事

枕經籍書

枕經籍書紆體衡門 班孟堅賓戲

勤學門 情附

書淫

劉峻好學時謂之書淫

百遍

敏揔五行勤逾百遍 段成式書

勤逾抱犬

勤逾抱犬博擬食雞 余知古書

燃松節

顧歡少貧夕則燃松節讀書或燃糠自照

燃糠

見上

學三冬

方朔自言年十三學三冬文史足用注貧子冬日乃得學

橫經籍書

橫經籍書制作不倦李白文

鈔書不輟

柳公綽自舉進士至方面嘗鈔書不輟九經三史一鈔

南北史再鈔

中宵鐘

南史丘仲孚少好學讀書嘗以中宵鐘鳴爲限

黃妳

黃妳言書卷怡神如妳媪有人讀書把卷即睡梁人因呼書卷爲黃妳

行尸走肉

後漢任末每言不學者雖存謂之行尸走肉耳拾遺記

類俳倡

枚臯不通經術談笑類俳倡

文章門

質儻

楚辭云何文肆而質儻下介切俠也

一囊錢

後漢趙壹詩云文籍雖滿腹不如一囊錢

高藻

蔚彼高藻如玉如蘭注藻文也

嘉藻

謝宣遠答詩云輕率酬嘉藻長揖媿吾生

庶子春華

陸厥詩春華與秋實庶子及家臣邢顛為平原侯植家丞防閑以禮與植不合庶子劉楨有才華而植重之人問之以為采庶子之春華忘家丞之秋實家丞亦家臣也

經奇

劉楨卓犖之人而文最有氣所得頗經奇

筆如椽

王珣夢人以大筆如椽與之覺而語人曰此當有大手筆俄而孝武帝崩哀冊謚議皆珣所草

文章林府

文賦游文章之林府

漱芳潤

文賦漱六藝之芳潤

沈辭浮藻

沈辭佛悅浮藻聯翩

思風言泉

思風發於曾臆言泉流於唇齒文賦

游睢渙

過高唐者效王豹之謳游睢渙者學藻績之絲

官體

徐摛為晉安王綱侍讀屬文好為新變春坊盡效之官體之號自茲而起矣

蕙樓

齊王融啓摘藻蕙樓暢藝蘭苑

白地文

風神已負青雲器藝業兼携白地文

風流座

紅賤色奪風流座白紵辭傾翰墨場 耿緯詩

硯焚筆閣

構思而君齒硯焚酒翰而元常筆閣 四六集

世誠玉軸

世誠玉軸子雲鈿 四六集

不枯之岸

處無價之場率然占玉立不枯之岸粗爾論珠序人文

章而云 四六集

賣賦取金

賣賦取金著書求米 四六集

我輩語

孫興公示天台賦范滂期每至佳句輒云應是我輩語

深而蕪

孫興公云潘文淺而淨陸文深而蕪

無裁製

孫興公道曹輔佐才如白地明光錦裁爲負販袴非無  
文采酷無裁製

遺後出

或問顧長康君筆賦何如嵇康琴賦顧曰不賞者作後  
出相遺深識者亦以高奇見賞

季緒詆訶

季緒詆訶子建潤色 四六集

丹碑翠碣

丹碑翠碣 四六集

劔閣之銘

劔閣之銘刀州之夢

紙墨爲貴

謝莊作殷淑妃哀策文宋文帝臥覽讀處坐流涕曰不  
謂當今復見此才都下傳寫紙筆爲之貴

倚待

荊州信云倚待謝朓執筆便成文無加點倚待如立俟  
也

捷偈

捷偈飛箱荅新詩倚杖論

根柢

潘安仁文章瑰瑋友人謂潘詞林繁茂根柢衍密不然  
何妙秀美發如斯

後輩推

高鳳詞華後輩傾推杜詩云詞華傾後輩

驢鳴狗吠

朝野僉載梁庾信初至北方文士多輕之將枯樹賦示之自後無敢言時溫子昇作韓陵山寺碑信讀而寫其本曰唯有韓陵一片石可共語薛道衡盧思道少解把筆自餘驢鳴狗吠聒耳而已

蘭摧玉折

毛伯成負才氣嘗稱寧爲蘭摧玉折不作蕭敷艾榮

蕭敷艾榮

見上

洪筆

陸士龍輩以洪筆爲粗末紙札爲良田玄墨爲稼穡義理爲繒帛以謙虛爲席薦張義讓爲帷幙行仁義爲室宇修道德爲廣宅

賣文

丁隱君歌前度相逢正賣文一錢不直虛云云今來利作採山斧可以拋身麕鹿羣

錦繡堆

唐謝延皓詩賦著名與徐寅不相上下時號錦繡堆

文章宿老

李嶠前與王勃楊盈川接中與崔融蘇味道齊名晚諸人沒而爲文章宿老

文章司命

李白上韓荊州書曰今天下以君辰爲文章司命

文陣雄帥

文陣雄帥蘇廷頌



文場元帥

文場元帥張九齡

海內文宗

陳子昂爲感遇詩三十八章王適曰是必海內文宗

章句小儒

夏侯建師事從父勝勝非之曰建所謂章句小儒破碎

大道

五版

世說桓溫領三州二刺一國於時五處皆來五版入賀  
溫在廳事版至則荅文辭燦然不相雜揉

文思奧府

山林阜壤實文思奧府屈平所以洞風騷之情柳亦江

山之助

筆之妙

吳沈友善屬文有口辨兼好武事時咸言其筆之妙舌  
之妙力之妙

天才絕

唐人以李白爲天才絕白樂天人才絕李賀鬼才絕

中和氣

張說嘗言舍人許景先之文雖無峻峰激流然屬辭豐  
美得中和之氣

三多

學者當取三多看讀多持論多著述多三多之中持論  
尤難爲文須辭相稱不然同乎按檢無足取小說

文章風尚

元和之後文章則學奇於韓愈學澁於樊宗師歌行則學放於張籍詩則學矯激於孟郊學淺於白居易云學淫糜於元稹俱號元和體大抵天寶之風尚黨大曆之風尚浮貞元之風尚蕩元和之風尚惟皆因而倡之國史補

心織

盛事云王勃能文請者遺之金帛盈積人謂勃心織而衣筆耕而食翰林志

點鬼部

王揚盧駱有文名人議其疵曰揚好用古人名謂之點鬼部駱好用數對謂之算博士諸集拾遺

夢墨 見夢寐門

澁體

唐徐彥伯為文多變易以鳳閣為鷓鴣閣以龍門為虬戶以金谷為銑溪以玉山為瓊岳芻狗為卉犬以竹馬為篠駮以月兔為陰魄以風牛為焱犢後進效之謂之澁體也朝野僉載

吳家文字

吳融為韋昭度作文章不如意曰此自是吳家文字非是老夫改之乃愜意談數

夢腸反胃

揚雄作賦有夢腸之談曹植為文有反胃之論言勞神也抱朴子

翰動如飛

李巨川文思敏捷翰動如飛

玉上塵

天子華祭陸龜蒙文曰觸即碎潭下月拭不滅玉上塵  
摭言

下水船

裴延裕文思敏捷號下水船姚洎號上水船  
摭言

四六

四六之作起自徐庾

永明體

沈約謝朓王融等文皆用宮商分平上去入四聲時謂  
之永明體

### 大文

薛收涉歷經史有才思雖不為大文所有詩詠大致清  
遠

骯髒

枚臯為賦善於東方朔其賦有詆嫫東方朔又自詆嫫  
其文骯髒曲隨其事皆得其意嫫音欺醜也詆毀也骯  
古委字骯音被猶言屈曲也

詆嫫

見上

文章爾雅

文章爾雅注爾雅近正也  
儒林傳

嫺於辭令

嫺音

屈平明於治亂嫺於辭令

炳天章

裴生覽千古龍鸞炳天章李白詩

建安骨

蓬萊文章建安骨中間小謝又清發謝朓樓別校書叔雲李白詩

筆海

鼇弄筆海虎攫辭場李白詩

錦繡心肝

從弟令問嘗目吾曰兄心肝五藏皆錦繡耶不然何開口成文揮翰霧散

警策

三片言以居要乃一篇之警策文頭

終詩卒曲

終詩卒曲尚餘音今文賦

定五字

司馬景王令中書令作表再至不可意松竭思不能改正鍾會視其草爲定五字松大悅服

十賚文

秦少游遊仙詞云上清欲問因何至請看先生十賚文仙家十賚猶人間九錫也陶貞白有遺弟子陸敬勞十賚文

筆不停毫

許善心獻神雀頌高祖曰善心文不加點筆不停毫

文軌

杜正藏著文章體式時號爲文軌

謂爲古人

李德裕凡製文章動行於世或有不知者謂爲古人焉

鄙言累句

宋世祖好爲文章自謂物莫能及鮑昭悟其旨爲文多鄙言累句時人謂昭才盡實不然也

對鶻辭

是以對鶻而辭作暑賦彌月而不獻見西施之容歸而憎其貌者也 楊德潤歲

鸞龍之文

擗藻下筆鸞龍之文奮矣 吳季章牋

議彈其文

侯嘗好人議彈其文有不善應時改定大且反 曹子定

蕪音累氣

雖清辭麗曲間發乎篇而蕪音累氣固亦多矣 沈休文論

文體三變

自漢至魏文體三變

嗣響

張平子絕唱高蹤久無嗣響

形似之言

相如工爲形似之言二班長於情理之說

縟旨星稠

縟旨星稠繁文綺合

體裁明密

靈運之典會標舉延年之體裁明密 已上俱沈休文論

國家圖書館 NATIONAL CENTRAL LIBRARY TAIWAN R.O.C

尖新

世上文章士誰為第一人老生誇隱拙時輩毀尖新李  
裕詩

下筆不休

班固與弟超書曰武仲以能屬文為蘭臺令史下筆不  
能自休 魏文帝典論

經國大業

文章經國之大業不朽之盛事 同上

發言可詠

發言可詠下筆成篇 曹子建書

言皆破的

鄭畋遷中書舍人咸通十年王師討徐方禁庭書詔旁

午收灑翰泉涌動無滯思言皆破的同僚閣筆推之

託曲假論

邯鄲託曲於李奇士季假論於嗣宗 出江文通離別序  
著撰門

三朝記

蜀志秦宓曰孔子三見哀公言成七卷事盖有不可嘿  
嘿也劉向七略曰孔子三見哀公作三朝記七篇今在  
大戴禮

油素

人蓄油素家懷鉛筆注油素絹也鉛筆粉筆也范雲請  
為竟陵郡王子良立碑言人人欲著其德美也

鬼議神緘

海錄

段成式續雜俎序云怪非鬼議博異神緘

藏拙

魏收錄其文集遺徐陵令傳江左徐悉沉於江云吾爲魏公藏拙

字挾風霜

淮南王著鴻烈解自云字中皆挾風霜

閣筆

王粲才既高朝廷奏議皆閣筆不敢措手

屈宋作衙官

唐杜審言嘗曰吾文章合得屈宋作衙官吾之書迹合得王羲之北面

酒家南董見酒門

鬼董狐

晉于寶撰搜神記示劉琰琰曰卿可謂鬼之董狐本傳

蠟以覆車

沈約謝儼傳曰范曄所撰十志一皆託儼搜撰垂畢過曄敗悉蠟以覆車一代以爲恨

石堪共語

庾信自南朝至北方性愛溫子昇所作韓山寺碑或問信北方何如曰惟韓山寺一片石堪共語餘若驢鳴狗吠耳

文心雕龍

劉勰撰文心雕龍論古今文體未爲時所重沈約大賞之陳於几案於是競相傳焉

一官爲集

梁王筠撰其文章一官爲一集

側篇

江摠好爲側篇

新意

徐陵爲文多變舊體有新意

六作家

見碑錄門

看屋梁

蕭恭曰歷觀時人多不好歡坐眠床上看屋梁而著書豈如臨清風對明月肆意酣歌也

囚山賦

柳子厚作東坡寄王晉卿願公終不忘在苦樂時更賦

囚山篇

七蠲

後漢崔琦有七蠲如七啓七發也

便壞已書

陳壽著三國志凡六十五篇時夏侯湛著魏書見壽所作便壞已書而罷

不妄染

崔宏世善書自非朝廷文誥四方書檄初不妄染故世無遺文

悟蒙章

陸曄擬急就篇爲悟蒙章

離騷傳



淮南王安入朝獻所作內篇上愛秘之使為離騷傳且受詔日食時上注傳謂解說之若毛詩傳也本傳

為文疾

枚臯為文疾受詔輒成故所賦者多司馬相如善為文而遲故所作少而善於臯本傳

八百首

唐人說李邕前後撰碑八百首

空齋蹋壁

薛道衡每構文必隱坐空齋蹋壁而臥聞戶外有人便怒其沉思如此

放言遣辭

放言遣辭良多變矣文賦

浮天淵

浮天淵以安流濯下泉而潛浸

頓挫

彬蔚

朗暢

箴頓挫而清壯頌優游以彬蔚論精微以朗暢

燥吻

濡翰

始躑躅於燥吻終離流於濡翰

理扶質

文垂條

理扶質以立幹文垂條而結繁

遺韻

收百代之闕文採千載之遺韻已上俱文賦

朝華夕秀

謝朝華於已披啓夕秀於未振陸士衡

每錄粹事

卷之二

七

在世不錄

昔梁明太子集文選以何水部在世不錄

蜜蜂兼采

繪事以衆色成文蜜蜂以兼采爲味裴松之三國志表

偏絃

譬偏絃之獨張含清唱而靡應文賦

思軋軋

思軋軋而若抽文賦

率爾成

阮籍屬文初不苦思率爾便作成八十餘篇

良書

限圍見遷于獻書惠王王受而讀之曰良書也

點翰

點翰詠新賞開床坐所疑翰筆也選詩

死後出

司馬遷報任安書死後其書稍出

垂空文

垂空文以自見

三鼎贊

陳思王有皇帝三鼎贊

玄尚白

人有嘲雄以玄尚白解嘲

懷鈇筆

曹褒爲漢書夜則沉思寢則懷鈇筆

朝章國紀

朝章國紀曲彙備物奏議符策文辭表記素意所不蓄  
前古所未行皆取定俄頃神無滯用稱王儉如此

崇讓論

劉寔著崇讓論

錢神論

魯褒作錢神論

牀上牀

理重事複猶屋下架屋牀上施牀 劉子玄史通

圖籍門

沛王通論

後漢沛王輔作五經論時號沛王通論

醉鄉日月

皇甫嵩撰專記飲酒事

焚金篆

秦焚金篆周亡玉鏡羣言爭亂諸子相騰梁湘東王請  
立學表

玉策金繩

後漢書云神經怪牒玉策金繩關扃於明靈之府封騰  
於瑤壇之上言陰陽推步之書也

秘書四部

晉武帝分秘書為甲乙丙丁四部使秘書郎中四人各  
掌其一

碧牙籤

徐鳴蒼玉珮盡校碧牙籤制公詩

補履書

李德川舉進士不第唐則天就拜右拾遺不受著補履書十卷皆雄軻之旨時號補履先生

通玄經

王長文字德叡鄆人也徵辟不就著書四卷以擬易名曰通玄時方之楊雄

漢書刊繁

于仲文撰漢書刊繁三十卷

種樹書

李斯上書曰臣請史官非秦記皆燒之天下有藏詩書百家語者皆誥守尉雜燒之所不去者醫藥卜筮種樹

之書

秋芸

細縹兩行字芸蟄蟲蠹秋李白詩

風流罪過

北齊郎基性清儉在官惟頗令人寫書潘子義遺之書曰在官寫書亦是風流罪過

酉陽

梁湘東王書酉陽之逸典荊州記小酉山上石穴中有書千卷相傳秦人於此學因留之

不語先生

牛牟日曆以白居易六帖為不語先生談助

防邊龜鑑

姚仲孫集前世禦戎料敵之策名曰防邊龜鑑

郊祀總儀

郊祀總儀呂公縛集

禮閣新編

王子融集本朝禮爲禮閣新編五十卷

三聖政範

孫甫進三聖政範十三事大略以祖宗故事校今日之治有所不逮則論述以爲諷諫

弋法

蒲葦子弋法四篇

劍道

劍道三十八篇

日昃書

日昃書二十四卷曆書也

天歷

天歷大歷十八卷

易旗

任良易旗七十一卷

堪輿金匱

五行家書也許慎云堪天道輿地道也

龜書

南龜書皆卜筮之書也

嚏耳鳴

嚏耳鳴雜占十六卷

昭明子

昭明子釣種生魚鼈八卷

請雨

請雨止雨二十六卷

稗官

小說十五家千三百八十篇小說家者流蓋出於稗官街談巷語道聽塗說者之所造稗與稊稗同義

先秦舊書

先秦舊書猶言秦先謂未焚書之前

韓詩外傳

韓詩外傳韓嬰推詩人之意而作外傳數萬言

曲臺記

魯閭丘后谷說禮數萬言號曰后氏曲臺記注曲臺殿名

野老篇

藝文志野老十七篇教民耕種書

蔡葵篇

蔡葵篇農書也有一篇

汜勝之書

汜勝書十八篇亦云九穀書汜音凡

七略

劉歆總羣書而奏其七略故有輯略有六藝略有諸子略有詩賦略有兵書略有術數略有方技略注輯與集同謂諸書之摠要略者刪去浮冗取其旨要也

魯故

魯故二十五篇注故者通其指義也今流俗毛詩改故訓傳爲詁字失真耳

韓故

又有韓故齊氏故毛詩故訓等篇

雅琴篇

雅琴趙氏七篇雅琴師氏八篇龍氏九十九篇

左氏微

左氏微二篇釋其微指也又有鐸氏微張氏微虞氏微漢著記

漢著記注若今之起居注也

靈臺秘苑

靈臺秘苑周武帝詔庾季才撰一百二十卷

笑苑

詞林集太子勇令魏澹撰

中興書

羊繪爲中興書事不倫序高祖詔魏澹別成魏史

靈異記

煬帝勅許善心與崔祖濟撰靈異記十卷

旌異記

侯曰著旌異記十五卷

坐忘論

司馬子微隱居天台之赤城自號赤城居士著坐忘論八篇

蘭臺作燼

蘭臺作燼竹殿成灰言書籍散亾

雋永

削通論戰國時說士權變亦自序其說凡八十一首號曰雋永注雋肥肉也字交反永長也言其所論其美而義深長也

山栖志

劉孝標遊東陽宮紫岩山爲山栖志其文甚美

翰林志

翰林志蘇易簡獻詔藏史館

演連珠

演連珠陸機作五十首興於漢章之世班固賈逵等爲

之

物祖

劉懋字仲華撰諸器物造作之始十五卷名曰物祖

收書門

書倉

曹曾積石爲倉以藏書名曹氏書倉拾遺記

四部書

薛稷知集庫馬懷素知經庫沈佺期知史庫武平一知子庫適云四部書

墨莊

劉式死其妻聚書千餘卷指示諸子曰此汝父嘗謂此爲墨莊今貽汝輩爲學植之具胡先生作傳云



善書

河間獻王德從民得善書必為好寫與之留其真本金帛賜以招之

三本書

柳氏序訓云余家昇平里西堂藏書經史子集皆有二本一本紙墨籤束元華麗者鎮庫一本次者長將隨行披覽又一本次者後生子孫為業

紺琉璃

隋帝藏書上品紅琉璃軸中紺琉璃軸下漆軸

三十乘

張華徙居載書三十乘秘監摯虞撰定官書皆資華本以取正

數車

唐李襲譽罷揚州書數車

借書門

借書可嗤

杜預書告兒古詩有書借人為可嗤借書送還亦可嗤商芸小說

輯褫刊正

陸龜蒙借人書篇帙舛壞必為輯褫刊正

祈借

南史劉峻人有異書必往祈借

講解門

倚席不講

後漢安帝薄於藝文博士倚席不講學舍頽敗有司因  
蔬牧兒芻豎致於薪刈順帝感星言乃更修學宇

儒林先生

常爽不事工侯獨守閑青誦肄經典二十餘年時別儒  
林先生

業終

講尚書業終賜執經親授者各有差 三國志

作守門童

辰州有人射猪遂入石室見老翁問射猪對以猪傷禾  
翁即呼一童子責之曰何不謹門令猪入射者問何人  
童子曰此河上翁帝使為諸仙講易我即王弼愛子易  
未遑罰守門耳

師授門

尤著弟子

尤著弟子高業門人 余知古書

宿春重蠶

不俟宿春無難重蠶 同上

禮樂皆東

鄭玄學於馬融業成辭歸融有禮樂皆東之歎

就為列肆

漢武帝時太學生徒動至數萬郡國蠻舍悉皆充滿其  
學於山澤者或就而為列肆焉 儒林傳序

十經

周續之詣范甯受業數年通五經五緯號曰十經

人師

魏帝詔崔誕曰經師易求人師難得

藍謝青

北史李謚字永和事孔璠數年之後璠還就謚請業同門生爲之語曰青成藍藍謝青師何常在明經

在三之節

在三之節謂父生之師教之君食之

桓溫表

橫經拜手

後漢董春字紀陽學者常數百人每升堂鳴鼓三通橫經拜手請問者百人

易始師

儒林傳丁寬易家之始師

一字師

鄭谷改齊已梅詩昨夜數枝開改爲一枝齊遽起拜時以爲一字之師

舌耕

賈逵來學者不遠萬里廣有贈獻積粟盈倉或云賈逵非力耕所得乃誦經不倦舌耕也

鄉射門

罰豐

射禮置罰豐於西階下音訓古豐國之君以酒亾國故以爲罰爵之名圖其人形於下

五物

鄉大夫獻賢能之書于王退而以鄉射之禮五物詢衆

海錄碎事卷十八  
一  
廢一日和二日容三日  
四日和容五日與周禮

訛謬門

相府蓮

于司空以樂曲有想夫憐其名不雅將易之客曰南朝相府因瑞蓮製曲號相府蓮語轉訛之如此

國史補

下馬陵

董仲舒墓門人過必下馬以故號下馬陵而語訛爲蝦蟇陵

國史補

鐵勒

鐵勒本勅勒言訛也

唐書

海錄碎事卷十八

海錄碎事卷十九

宋 泉州太守葉廷珪 類集

明 河南僉憲劉鳳 重校

文學部下

詩門

詩伯

杜詩才大今詩伯張植謂機雲文章藻麗語友人曰二陸乃今之詩伯也

雜連

段成式與客連句或押惡韻或煎茗一椀爲八韻詩謂之雜連若志於不朽則汰棟韻謂之苦連

苦連 見上

覓句

杜詩覓句新知律，嵇紹新解覓句稍知音律。

鵲翻雲

鍾嶸曰：鮑參軍詩如野鵲翻雲，良馬走堤，俊逸奔放。

詩律

王仲宣流落荆南，多有名士，日間詩律，故杜詩云：詩律

羣公問

題東壁

王融見柳惲詩，嗟賞，因題東壁。南史

幾番去聲

滕白詩：幾番高吟對水流。

覺口臭

談數梁高祖重謝朓詩，曰：不讀謝朓詩，二日覺口臭。

二百年來無此詩

宋謝朓能五言詩，沈約嘗云：二百年來無此詩。

詩魔

白居易與元稹書曰：知我者以為詩仙，不知我者以為

詩魔。

詩豪

白居易以詩自名者，常推劉禹錫為詩豪。

詩史

杜子美時號詩史。

壓強韻

王筠為文，能壓強韻。

小巫

張紘見陳絃武庫賦歎曰可謂小巫見大巫神氣殫矣  
詩人命蹇

白居易書云詩人命蹇如陳子昂杜甫各授一拾遺而  
屯剝至死

芙蓉集

盧承丘作落韻詩號芙蓉集

琢玉工

陳克集聖宋九僧詩序云姚合集羣公之作爲射鵰手  
今以九上人爲琢玉工

詩社

董京逍遙吟咏嘗宿白社中

詩權

林逋詩箇句法逝去權應合封回債已還注詩權出薛  
許昌詩債出賈司倉

詩債

白樂天走筆還詩債

風騷將

命代風騷將誰登李杜壇杜牧詩

詩壇

永叔答聖俞詩云詩壇推子將

詩仙

大中皇帝弔白居易云誰教冥路作詩仙退之云爲有  
詩仙鳳沼來

詩星

盧延讓弟孟浩然云高據襄陽播盛名問人人道是詩星

詩精

賈島句圖韓子讚之云句妖詩精

詩天子

王昌齡集云王維詩天子杜甫詩宰相

詩宰相

王禹偁云杜甫且爲詩宰相

詩僻

石曼卿云幾爲物象添詩僻梅聖俞有詩僻一篇

詩戰

孫何有詩戰篇云物華如陣筆如鋒沈謝曹劉是七雄

詩飛去

楊松年談藝載陳郡袁嘏曰我詩有生氣須爲收置不爾便飛去

詩害子

高若拙後史補云王仁裕著詩一萬首朝中謂之詩害子

詩世界

丁晉公云子美集開詩世界

鬼才

世傳杜甫詩天才也李白詩仙才也李賀詩鬼才也

透齋



北窻三友

白樂天以詩琴酒爲北窻三友詩云三友迥相引循環無已時

連句

古樂府起漢武帝柏梁宴作人爲一句連以成文本七言詩蓋始於此

離合詩

起漢孔融合其字以成文

西京雜記

庾信作詩用西京雜記事旋自追改曰此吳均語不足用

豐壺

梁簡文帝卦名詩豐壺要上客鵠鼎命嘉賓

懷秋作

任昉報劉孝綽詩彼美洛陽子授我懷秋作

詩囿

情理同致摠歸詩囿

詩擅場

唐人燕集必賦詩推一人擅場郭曖回升平公主盛集李端擅場送王相鎮幽朔韓絃擅場送劉相巡江淮錢起擅場國史補

葱粲

陸機嘗置酒云三益旣歲蕤四始方蔥粲古樂府

調脂弄粉

徐仲雅李臯俱善詩徐詩富艷李多用事李謂徐曰公詩如女子喜調脂弄粉徐曰鬻明器者但塚壘死人耳

三杯

宴白鹿觀御詩序云人題四韻後罰三杯

鵝腿

有舉子以詩投汴帥王智興曰莫有鵝腿子否謂鶴膝之句也杜陽編

紅兒詩

羅虬詞藻富贍善詩與宗人隱業齊名時號三羅避亂往鄜州依李孝著有官妓紅兒善歌虬為絕句詩百篇今歌之號比紅兒詩以百物比擬紅兒而作是詩也無塵袖

崔魯才清麗而近蕩有無機集三百篇若蓮花詩曰何人解把無塵袖拂取殘香盡日憐撫言

屬意蜂蝶

李賀作歌詩屬意花草蜂蝶間竟不遠大趙璘因話錄

黃竹詩

王游黃臺之丘獵于平澤大寒雪凍乃作黃竹詩三章以哀曰我祖黃竹穆天子傳

句夢詩 見夢寐門

麥秀詩

箕子過故殷墟乃作麥秀之詩

折官職

白樂天贈楊給事不用更教詩句好折君官職是聲名

王禹玉和石昌言雪詩云官職聲名君自有何妨更絕  
郢中吟

騷苗裔

杜牧之序賀文云騷之苗裔

泣鬼神

賀知章見李白烏桕曲曰此詩可泣鬼神矣

詩人首出

玄宗見席豫禹和聖製幸溫泉詩手制褒美之曰詩人  
之首出作者之冠冕

齒宿意新

李伯藥以宗正卿致仕太宗製帝京篇命同作上歎其  
二詔曰卿何身之老而才之壯齒之宿而意之新乎

詩傳書

中散詩傳書將軍扇賣書司空曙

塞上翁書

高允作塞上翁書有混欣戚遺得喪之致

能賦詩

裴讓爲屯田主客郎中省中語曰能賦詩裴讓之

五七赤矛

張虔釗父簡嘗以孟郊詩令讀之虔釗曰五七言詩何  
如五七赤矛後爲山南節度使

歡喜詩

杜審言免官後則天召見將加擢用曰卿歡喜否令作  
歡喜詩

百一詩

應璩休璉作以刺在位意者以爲百分有一補於時政

幽憤詩

嵇叔夜收繫獄中作此詩

愁霖唱

謝瞻答靈運愁霖詩忽獲愁霖唱懷勞奏所誠

獻康樂

謝惠連有西陵遇風獻康樂詩靈運兄也尊之故云獻

共和

共和謝靈運登臨海嶠初發彊中作與從弟惠連可見  
羊何共和之一首注臨海郡名嶠山頂也羊羊璿何何  
長瑜也

濟江篇

謝靈運答惠連西陵阻風詩云傾想遲嘉音果枉濟江  
篇

瑤華音

惠而能好我問以瑤華音言遺我玉音謂詩也 謝玄暉

四愁詩

張平子不得志爲四愁詩依屈原以美人爲君子以珍  
寶爲仁義以水深雪雰爲小人

魏製晉造

江文通雜體詩序楚謠漢風旣非一骨魏製晉造固亦  
二體

感騷

海錄萃事

卷之九

後漢黨事起應奉乃慨然以疾退追閔屈原因以自傷  
著感騷三十篇

詩圖美

王筠爲詩能用強韻謝朓常見語曰好詩圖美流轉如  
彈丸近見其數首方知此言之爲實

洛生

謝安石能爲洛下書生詠

老婢聲

顧愷之字長康好吟咏自謂得先賢風制或請其作洛  
生詠答曰何至作老婢聲

龍梭

曹松贈方干詩後輩難爲措機杼先生識字得龍梭

白雲吟

同遊芳草寺見示白雲吟劉得仁詩

詩道

詩道揣量疑可進

孤律

方丁此時能秉孤律稱人能詩四六集

宮體

梁簡文七歲有詩癖長而不倦然帝大傷於輕靡時號  
宮體

細評

劍在慵閑拂詩難憶細評林逋詩

詩妖

每深

君燒陽而暴虐臣畏刑而鉅口則怨謗之氣發於譏議  
故有詩妖 漢志

雞林求市

白樂天詩雞林賈人求市頗切自云本國宰相每以千  
金換一篇其偽者宰相輒能辨別之

兩牛腰

書禿千兔毫詩裁兩牛腰 李白詩

援筆三叫

聞黃山胡公有雙白鷗蓋是家雞所伏自小馴狎胡公  
輒贈於我惟求一詩聞之欣然援筆三叫文不加點以  
贈之

重陽作

遙羨重陽作應過戲馬臺 李白詩

謝公作

我家敬亭下輒繼謝公作 李白詩

黃花句

張翰黃花句風流五百年 李白詩

詩人秀

鄭公詩人秀 李白詩

詩祖

李洞目賈閻仙爲詩祖

姑熟詠

白有姑熟十詠姑熟溪丹陽湖陵歌臺慈姥竹望夫山  
謝公宅桓公井牛渚磯

題拒陽

柳公權續文宗人皆苦炎熱之句上命題於內殿拒陽上字方圓五寸

還他第一

沈佺期工詩張說曰沈三兄直須還他第一 隋唐嘉話

非車音

傅玄雜言詩雷隱隱感交心傾耳靜聽非車音

蚶投魚

陳使傅縡聘齊以薛道衡接對之縡贈詩五十韻道衡和之南北稱美魏收曰傅縡所謂以蚶投魚耳

詩稱國手

詩稱國手徒爲爾命壓人頭不奈何

例能詩

劉禹錫寄樂天云蘇州太守例能詩

卷波瀾

東坡詩文章曹植今堪笑卷却波瀾入小詩杜甫云文章曹植波瀾濶

杼中情

楚辭杼中情而屬詩食與切舒也

華林集

應吉甫有晉武華林園集詩

長謠

覽物奏長謠盧諶詩曰引領長謠

光誦

奉承光誦末言建平王首唱為光誦而繼其末

江文通

新詩文

望慕結不解貽爾新詩文

從軍詩

王仲宣有從軍詩五首時漢相曹操征張魯桀作詩以美其事

微吟

魏武帝燕歌行云短歌微吟不能長

添了絲

每到山中閑悶時開牋却讀沈家詩欲求瑕類無求處盡是中郎添了絲

苦澁詩

杜荀鶴下第况是孤寒士兼行苦澁詩

背律體

嚴武詩臥向巴山月落時兩鄉千里夢相思可但步兵偏愛酒也知光祿最能詩第三句合用平韻乃用仄韻與律詩背矣故云

近體詩

唐以來沈宋輩律詩尤為精切故老杜集中律詩皆稱近體詩

三水部

王禹偁序孟賓子詩曰古之詩人有三水部何遜張籍與孟也

詩弟子



錦江詩弟子時寄五花牋 王建詩

中和樂職

中和樂職宣布之詩益州刺史之所作二篇詩王褒傳  
遊山九吟

集林李康字簫遠性介立不能和俗著遊山九吟起家  
為尋陽長

算博士 見算門

賦門

大山小山

淮南王安好士八公之徒咸慕其德各竭材智著述篇  
章分其辭以類相次或稱大山小山猶詩有小雅大雅  
摛隱士者小山之徒所作也

讀賦千首

或問揚雄為賦雄曰讀賦千首乃能為之 西京雜記

五經鼓吹

世說孫興公云三都二京五經之鼓吹

黃衣翁

西京雜記司馬相如將獻賦未知所為夢黃衣翁謂人  
曰可為大人賦言神仙事以獻之錫錦四疋

賦託相如

長安有度虬之亦善賦嘗為清思賦時人未之貴也託  
以相如所作遂見重於世

月露之形

隋開皇中李諤議曰魏之三祖忽人君之大道好雕蟲

海鏡碎事 卷十一  
之小技連篇累牘不出月露之形積案盈箱盡是風雲之狀

詩賦生氣

宋袁嘏少有文才嘗謂人曰我詩賦嘗有生氣須急促取不爾便飛去也

談藪

腹笥

吳子華賦一夕成于腹笥

掖言

白頭花鈿

蔣凝應宏詞爲賦止四韻遂出頃刻傳播時謂白頭花鈿滿面不若徐妃半粧

掖言

八賦

梅妃有蕭蘭梨園梅花鳳笛玻璃盃剪刀綺窻八賦

東樓賦

梅妃爲太真忌遷於上陽宮以千金禱高力士求人擬長門賦力士畏太真勢不果乃作東樓賦有嫉色慵慵妬色忡忡奪我之愛去斥我乎幽宮之語

黑蝶賦

沈麟士製黑蝶賦以寄意

蒼蠅賦

元順性蹇諤疾元徽問之遂爲蒼蠅賦

述躬賦

邢昕爲光祿大夫時言其冒竊官級爲中尉所劾免官乃作述躬賦

孤蓬賦

邢彦字神寶少時爲孤蓬賦爲時所稱

槐賦

魏文帝典論如王粲之初征登樓槐賦征思幹之玄猿  
滿卮團扇橘賦張蔡不過也

瀏亮

賦體物而瀏亮音溜清明之稱也 文賦

後宮誦讀

王褒字子淵爲洞簫賦元帝爲太子嘉褒所爲令後宮  
貴人皆誦讀之

遺榮賦

遺榮賦鍾會作

筆門

天筆

孔稚珪表聖照玄覽斷自天筆

筆一床

搜神記南朝呼筆四管爲一床

綠沉管

筆譜人有以綠沉漆管筆遺王逸少


文翰將軍

文翰將軍筆也

筆仙

汝穎有高士每夜作筆十管付其室十筆盡雖勢要官  
府督之無報也後數十年見者顏色如故時謂筆仙

麟筆



海鏡碑事 卷十九  
吳融詩偶持麟筆侍金閨

牙管

義之筆經昔人以琉璃象牙爲筆管麗飾則有之然筆  
須輕便重則蹟矣

泚筆

疑當作泚筆也

寶跗

西京雜記漢制天子筆以錯寶爲跗以秋兔毫爲之

狡兔翰

陳思王樂府墨出青松煙筆出狡兔翰

趙國毫

唐志漢諸郡獻兔毫書鴻門題唯趙國毫中用

筆偈

筆偈云圓如錐捺如斲只得入不得却言縛筆要緊一毛出即不堪用也

柔翰

弱冠弄柔翰卓犖觀羣書注云柔翰筆也左太沖詩

虎僕

博物志有獸綠文似豹名虎僕毛可爲筆

三寸弱翰

揚子雲荅劉歆書曰天子上計孝廉會者雄嘗提三寸弱翰筆以問其異語

鱗角筆

見紙門

鼠鬚筆

見上已門



墨門

二螺

陸雲與兄機書云一日上三臺曹公藏石墨數十萬斤今往二螺兄頗見之否

給香墨

東宮故事皇太子初拜給香墨四丸

上黨松心

上黨郡松心作墨

渝糜墨

漢官云尚書令僕丞郎月賜渝糜大墨一枚小墨一枚

金壺汁

拾遺記浮提國獻神通善書二人出金壺四寸中有墨

汁如淳漆洒地及石皆成篆隸佐老子撰道德經十萬言及金壺汁盡二人剝心瀝血以代墨焉

蘆阜松煙 見紙門

碧松煙

古詩云上黨碧松煙夷陵丹砂末蘭麝凝珍墨精光乃堪撥

犀紋

李庭珪父超易水人造墨尤妙其堅如玉其紋如犀

九子墨

古有九子之墨祝婚者多子 文房四譜

墨一丸

會稽太守王朗之子肅隨在郡東齋宿夜有女子自地

海鏡研事 卷十九  
中出稱是越王女臨別贈墨一九肅方注周易多有滯  
思至用此墨便覺才思通暢

紙門

銀沫冷

御牋銀沫冷長筆鳳窠斜 李賀詩

十色牋

成都出十色牋九種竹

蠲紙

出普州任土所貢

側理紙

王子年拾遺張華撰博物志武帝賜于闐青錢硯遼西  
麟角筆南越所獻側理紙南人以苔為紙其理縱橫故

名

蚕繭紙

蘭亭會者四十一人羲之制序用蚕繭紙鼠鬚筆道勁  
絕代

雲藍紙

段成式與溫庭筠詩序云予在九江造雲藍紙輒送五  
十枚詩云三十六麟充使時數番猶得裏相思

烏絲欄

宋毫間紙有織成界道謂之烏絲紙 國史補

東陽魚卵

紙取東陽魚卵墨取廬阜松煙 書訣

紙為良田

劉氏小說蔡洪赴洛人問吳中舊業曰紙為良田筆為  
鋤耒墨為稼穡義理為豐年文房四譜

赫蹏書

赫蹏書注簿小紙也

白萍文

魚子曰白萍陸龜蒙魚戲詩向日乍驚新繭色臨風時  
辨白萍文好將花下承金粉堪送天邊詠碧雲

硯門

玉蟾硯滴

西京雜記廣川王得玉蟾蜍大如拳以盛書滴

結鄰

唐李少衛公置數百硯其妙絕者有結鄰之號言與結鄰

為鄰也

蚌硯

晉袁彖贈庾冀蚌硯唐詩續硯錄

紫石潭

紫石潭硯也徐玄之夜讀書見人物如粟粒數百皆具  
甲冑一赤幘紫衣者行案上傳呼曰蚍蜉王欲觀魚於  
紫石潭顧左右取漁具入硯中獲小魚數十

真材本性

硯當用銅此真材本性也以瓦為研如以鐵為鏡耳

岩石硯

端溪所出有四岩石為甲石屋次之西坑次之後歷為  
劣岩石又分上下焉



活眼死眼

端石又有活眼死眼之別圓光相暈黃黑相間鑿精在內晶瑩可愛謂之活眼四旁浸漬不甚鮮明謂之淚眼形體略具內外皆白殊無光彩謂之死眼活眼勝淚眼淚眼勝死眼死眼勝無眼 硯錄

石虛中

文嵩石虛中傳云石虛中字居點器度方圓中心坦然若汪萬頃之量封即墨侯與宣城毛元銳燕人易玄光華陰楮知白皆同出處

墨花春

紗帷晝暖墨花春輕漚漂沫松麝薰 李賀石硯歌

金鐵池

傅玄硯賦探陰山之潛璞簡衆才之攸宜節方圓以定形鍛金鐵以爲池設上下之剖判配法象乎二儀木貴其能軟石美其潤堅加采漆之膠固含冲德之清玄

玉硯酒滴

西京雜記天子以玉爲硯以酒爲滴取其不凍

郎官樣

繁欽硯贊云腰半微入謂之郎官樣

墨海

黃帝得玉一紐治爲墨海其上篆文曰帝鴻氏之硯 文房四譜

青鐵硯 見紙門

書札門

短札

屬美謝繁翰遙懷具短札

竹素園

游思竹素園寄辭翰墨林竹素古人所用書之物

翰墨林 見上

秦篆

李斯所作小篆亦曰秦篆出書斷

鳥

古語云字經三寫鳥焉成馬

摹印

八書四曰摹印施於印璽也亦名繆篆

刀筆書

後漢注古者記事書於簡冊謬誤者以刀削而除之故

云刀筆書

金剪刀

司馬承禎字子微善篆隸迥為一體號曰金剪刀

鸞迴鵲起

鸞迴鵲起之工言書之妙也

八體書

八體書篆籀八分隸章草也草也飛白也行也

隸書

程邈幽繫雲陽獄中覃思十年益小篆方圓而為三千  
奏之始皇用為御史以為隸人佐書故曰隸書

草書

蔡邕云秦時諸侯爭長羽檄相傳馳鋒走驛以篆隸不能救急遂作赴急之書蓋今之草書也

搥胃嘔血

羊欣筆陣圖云鍾繇字元常問伯喈筆法於韋誕誕惜不與之乃自搥胃嘔血太祖以五靈丹救之得活誕死令人盜掘其墓得之由是繇筆更妙

入木

王羲之書祭北郊文工人削之入木三分 墨藪

天台丈人

羲之年三十七書黃庭經空中有語曰卿書感我而况人乎吾是天台丈人也

退筆

智永積年學書有禿筆頭數十瓮瓮皆數石後瘞之號退筆塚自製銘 尚書故實

鐵門限

人就智永求書如市所居戶限為穿乃用鐵葉裹之人號鐵門限 尚書故實

印泥畫沙

書訣墨藪張長史曰褚河南論書云用筆如印泥畫沙始不悟後於江岸見沙地平淨以錐畫字媚好可愛始信長史之言貴藏鋒也

墨猪

又云字多肉微骨者謂之墨猪

亞聖

每集卷五

漢張芝善草書韋仲將謂之草聖至張旭書類伯英時人謂之亞聖

書斷

草聖 見上

小聖

古今書法苑云宋王僧虔以爲右軍書江左中莫有及者獻之遠不及父而媚趣過之小真書窮微入聖筋骨緊密不減於父故人謂之小聖

草賢

書斷云後漢崔瑗文章蓋世善草書學書杜順媚趣過之點畫精微神變無礙利金百鍊美至天姿可謂水寒於水也三隱謂之草賢章草入聖小篆入妙

史籀

周太史作大篆十五篇

八體

八體一大篆二小篆三刻符四蟲書五摹印六署書七爻書八隸書

蠅頭細書

南史齊衡陽王子鈞嘗手自細書五經賀介曰殿下家自有墳素何用蠅頭細書

棲毫輟翰

勸則棲毫慙斯輟翰 温庭筠啟

介墨菴毫

磨餘介墨禿盡菴毫又言介墨菴毫由來未温

段成式書

鐵鉤鎖

魯直詩注世傳江南李王作竹自根至梢極小者一鉤  
勒成謂之鐵鉤鎖自云唯柳公權有此筆法

五版 見文章門

小錢師

懷素善草書伯祖惠融禪師先時學歐陽詢書世莫能  
辨時號大錢師小錢師

小鍾

鍾繇正書入神品子會正書入妙品唐李嗣真云吾家  
有小鍾正書洛神賦河南長孫氏雅所珍重用獻之草  
書數紙易之唐鍾紹繇十三代孫尤善草隸當時呼爲  
小鍾 書苑

筆虎

李陽冰善小篆自謂蒼頡後身時謂之筆虎 書苑

二王法

齊張融善草書帝謂曰卿書殊有骨力但恨無二王法  
耳答曰非恨臣無二王法亦恨二王無臣法 本傳

鐫字

魏受禪碑王朗文梁鵠書鍾繇鐫字謂之三絕鐫字皆  
須妙於篆隸故繇方得鐫刻 嘉話錄

狸骨帖

荀爽楷書嘗寫狸骨方右軍臨方至今謂之狸骨帖

借船帖

世傳王右軍借船帖最工

筆陣圖

羊欣作筆陣圖

舊觀

羲之以章草答庾亮而庾翼以書與羲之吾昔有伯英章草十紙過江遂亡嘗觀妙蹟永絕忽見荅家兄書煥若神明頓還舊觀

鶴頭蚊脚

鶴頭蚊脚二書皆漢詔版所用各象形

法書苑

屈玉垂金

竇泉又作小篆贊曰丞相斯法神慮精深釵頭屈玉鼎足垂金

法書苑

戈法逼真

唐太宗學虞監隸書每難於戈法一日書戩字召世南

補寫其戈以示魏鄭公公曰仰窺聖作內戩字戈法逼

真帝賞其鑑

法書苑

僧傑

隋僧敬脫善作方丈大字號僧傑

法書苑

伏苓芝

唐李邕善書仍自刻多假立刻字人名伏苓芝黃仙鶴之類是也

法書苑

屋漏痕

顏魯公與懷素同學草書於鄔兵曹或問曰張長史見公孫大娘舞劍始得低昂迴翔之狀兵曹有之乎懷素以古釵脚為對魯公曰何如屋漏痕魯公復問師何所得曰觀夏雲奇峰及壁折路常師之

法書苑

弄柔翰

弱冠弄柔翰 左太冲詩

飲墨水

北齊朝會後諸郡守勞訖遣陳事宜字有謬誤及書跡  
濫劣必令飲墨水一升

金生玉潤

褚遂良書字裏金生行間玉潤 墨數

落玉垂珠

梁升卿小篆如落玉垂珠

書中仙手

李邕書始變右軍行法頓挫起復李陽水謂為書中得  
仙手 書法苑

沉著痛快

吳皇象善行草書世稱沉著痛快 書法苑

銀鉤蠶尾

索靖草書絕代名曰銀鉤蠶尾 書法苑

八分

蔡文姬云臣父云割隸字八分取二分割李篆字二分  
取八分故名八分張懷瓘云本指字漸若八字分散故  
名八分 書法苑

章草

杜伯度因漢章帝所好作章草書

蛇書

魯人唐終夢蛇遶身作蛇書

一筆書

張芝所作

龍爪書

王羲之所作

虎爪書

王僧虔所作

芝笑書

漢歌芝房之曲因名之

轉宿書

司馬子韋以災惑退合作轉宿書

藁書

藁書乃草行之文董仲舒欲言災異爲之

科斗書

科斗書高陽氏作

龜書

堯因龜負圖作龜書

鐘鼎書

夏后氏作鐘鼎書

鳥書

文王因赤鴈銜書武王丹鳥入室作鳥書

蟲書

魯秋胡妻翫蚕作蟲書

殳書

殳書者伯氏所職故文記笏武記殳



刻符書

刻符書用題印璽秦始皇所作

署書

蕭何題蒼龍白虎二闕作署書自章草至此並出書斷

點翰

點翰芳春色傳盃明月光沈佺期詩

筆長三尺

高僧敬脫善書大字筆長三尺其粗如人臂乞書者一字而已

太湖精

李頎贈張旭皓首窮草隸時稱太湖精

官奴

右軍書樂毅論與子敬論後題云書賜官奴奴子敬小

字也

書芭蕉

懷素家貧種芭蕉萬株以供揮酒又漆一盤一方板書之皆穿書法苑

金昆

新論以金昆為琅晉書以黃頭小人為恭說文以人十  
四心為德詩說以二在天下為酉漢書以泉貨為白水  
真人國志以天上有口為吳宋書以召力為劭參同契  
以人負告為造皆假借依附耳家訓

改國字

則天好改新字有言國中有或或者惑也乞以武鎮之

乃改爲國復言武口中與囚何異乃改作國從或拾遺

斯翁之後

李陽冰自言斯翁之後直至小生國史補

隼尾波

草書須緩前速後字有點者字竟乃安點隸書太急則墨不入紙隸有繫石波八分至有隼尾波最爲難作書

鐵點

點欲堅重如鐵鉤欲活而有力書訣

好中更好

虞世南書體段道媚舉止不凡能中更能好中更好書

水硯城池

筆陣圖云水硯爲城池也紙者陣也筆者刀稍也墨者

甲兵也心意者將軍也結構者謀略也書訣

寶章集

武后嘗御武成殿閱書問宰相王方慶曰卿家舊法書存乎方慶遂進自右軍已下至僧虔等二十餘人書帖

後命崔融作序賜名寶章集嘉話錄

庠序門大學辟雍附

教化之宮

五經通義曰三王教化之宮摠名爲學

踐小義

尚書大傳曰稷鈕已藏歲事欲畢餘子皆學十歲始入小學見小節踐小義十八始入大學見大學踐大義

辟雍

白虎通辟者象璧圓法天雍之以水象教化流行

類官

五經通義諸侯不得觀四方故缺東以南半天子之學故曰類官

春千秋羽

春千秋羽委曠而弗陳西序東膠寂寥而誰仰任昉爲劉瓛求立館表

飲水三升

魏名臣奏曰蔣清奏學者不恭肅慢師酗酒好訟罰飲水三升

麟趾學

明帝立麟趾學在朝有藝業者不限貴賤皆聽預焉

二學兩學

二學兩學盛自虞殷

上庠

有虞氏大學爲上庠小學爲下庠

諸生束脩

諸生束脩北之皇太子只束帛一筐一疋酒脯同槐市

三輔黃圖云太學列槐百行諸生朔望會此各持鄉郡所出物賣之及經傳相議於槐下曰槐市

水四周

三輔黃圖曰辟雍水四周於外象四海也閑居賦亦謂之圓海

延國胄

右延國胄左納良逸 閩君賦

虎園

出龍樓而問豎入虎園而齒胄虎園教國子之學所也  
王元長詩序

羣書漆板

真宗幸國子監觀羣書漆板

五經師

真宗為四姓小侯立學置五經師

書檄門 素記附

挂檄

許育高節張稷以檄召許為主簿乃挂檄於門而逃

弄筆生

祖彥博佐李密為草檄深斥主闕密敗被執郎將王拔  
柱曰弄筆生有餘罪感其心 死

楯上磨墨

北史荀濟曰大丈夫會楯上磨墨作檄文

因書文

況乎千里之外因書文諭事指 韓延壽傳

科第門

射策

蕭望之以射策甲科為郎注射策者謂為難問疑義書  
之於策量其小大署為甲乙科射者隨其所取得而釋  
之以知優劣

報羅使

進士放榜後須有一人謝世名報羅使言報大羅天也

太常屈

近人下第莫嗟太常屈便憶蘇門嘯歐陽詩

天荒解

荆南解比號天荒大中四年劉蛻以是府解及第時崔  
駘作鎮以破天荒錢七十萬資蛻云

第恩子

元結少不羈年十七乃折節向學天寶中舉進士禮部  
侍郎楊浚見其文曰一第恩子耳有司得子是賴果擢  
上第

狀頭聲

鄭合敬及第後宿平康里詩曰春來無處不閑行楚閩  
相看別有情好是五更殘酒醒時時聞喚狀頭聲

題名

題名起自張莒於寺間閑遊而題姓名同年效之遂成  
故事

龍虎榜

龍虎榜時陸贄知舉

三恨

薛中郎元超曰吾不才富貴過分然平生有三恨不以  
進士擢第不娶五姓女不得修國史隋唐嘉話

一莢半

泉州文宣王廟庭有阜莢樹每州人登第則先生一莢

梁貞明中忽生一莢半其年陳述進士及第黃仁穎學究及第稽神錄

### 大通年

太和八年放榜有無名子作詩曰乞兒還大通年二十三人梳杖全薛庶准前騎瘦馬范鄴依舊蓋番羶

### 諸葉

吳興沈氏相見問葉不問房唐沈詢尚書知舉其母曰近日崔李侍郎皆以宗盟及第汝叨此選諸葉中擬放誰也

### 打毘毘

北里誌下第飲宴謂之打毘毘

名官海見祿仕門

### 飲墨

北齊策秀才於廟堂中有濫者飲墨一升文理孟浪者奪席

### 最後仙

花二八與元白同登貞元制科最居後有詩云人間不會雲間事應笑蓬萊最後仙

### 蘭成射策

庾信哀江南賦王子洛濱之歲蘭成射策之年○古周書云師曠聘周於洛陽王子晉時年十五信十五舉荊州秀才故云蘭成信小字

### 殿試

唐則天載初元年策問貢人于洛城殿

糊名

唐初擇人以身言書判六品以下集試選人皆糊名令  
學士考判

探花使

進士杏園初宴謂之探花宴差二人少俊者為探花使  
徧遊名園若他人先折得名花則二使皆被罰時記

白臘明經

張鷟號青錢學士謂萬選萬中時有明經董方舉九上  
不第號曰白臘明經朝野僉載

千佛名經

張洵東陽之孫敏舉進上不第捧登科記頂戴之曰此  
即千佛名經也雜說

五老榜

杜德祥與曹松王希羽等五人及第年俱六十餘時謂  
之五老榜摭言

夢踐積木

孫渥夢積木數百踐履其上李處士圓之曰作狀元居  
眾材之上也已而果然摭言

甲科郎

何武以射策甲科為郎

武氏三頭

武翊黃府選為解頭及第為狀頭宏詞為勅頭時謂武  
氏三頭語林

真桂枝

孟郊失意詩云真桂無直枝碧江思舊遊

榜花

唐大中以來禮部放榜歲取二三人姓氏稀僻者謂之色目人亦曰榜花 南部新書

貢樹

貢樹分香相蓮擊艷注云於貢籍之桂樹分香也 殷文圭啓

榴實登科

邵武郡庭有石榴一株士人視所實之數以為登科之信熙寧庚戌歲有雙實於木末者又有附枝而雙實者是歲葉祖洽上官均名在一二何與京兄弟同榜祖洽有詩曰不負榴花結露枝蓋謂此也

將相科

公為叅政議以進士登科擇堂吏公曰我朝設此會將相科豈可屈以吏職議乃止 言行錄

孤進還丹

金華子許棠晚年登科嘗謂人曰自得一第筋骨輕健愈於少年則知一名乃孤進還丹

策同片玉

褚遂良疏云太學高第語州進士皆策同片玉經若懸河

泥金帖

新進士以泥金書帖附家書中報登科云喜至文宗朝遂寢此儀 盧氏雜記

雨破程



鄭翽下第東歸詩花燒落第眼雨破到家程

應舉門 雜科附

爛銀袍

李涼公詩云袍似爛銀文似錦相將白日上青天 撫言

計車音

趣當鄉士薦無滯計車音

道舉

唐明皇諸州置道學生徒有差謂之道舉送課試與明經同

槐花黃

秦中歲時記進士下第當年七月後復獻新文求拔解故語曰槐花黃舉子忙

計借

漢武四年徵民有明當世之務習先聖之術者縣次給食令與計借

飛步

弱冠叅多士飛步遊秦宮 鮑明遠詩

勸駕

漢高帝詔有稱明德者長吏必身勸為之駕注謂身自往勸以車駕而遣之

樂府門

官不來

官不來古風也題皇甫湜廳

白紵歌

白紵歌云質如輕雲色如銀製以為袍餘作巾袍以光  
軀中拂塵

桃半紅

沈約詩蘭葉參差桃半紅

戰城南

其詞大略言戰城南死郭北願為忠臣出戰不得歸也

雉子班

苦寒行

懷友歎

並古樂府

甘州詞

王衍自製甘州詞令宮人歌之其詞哀怨聞者悽愴外  
轉

水調曲

外史禱杙王衍泛舟巡閱中自製水調銀漢曲命樂工  
歌之

唱黃雞

白樂天詩誰道使君不解歌聽唱黃雞與白日黃雞催  
曉丑時鳴白日催年酉時沒

江南歌

采菱調易急江南歌不緩 謝靈運

明月吹

悽悽明月吹惻惻廣陵散皆琴曲

苦寒奏

一聞苦寒奏載使艷歌傷 江文通詩

傷歌行

古樂府有傷歌行言日月代謝知友離絕傷而爲歌

長短歌

樂府有長歌行短歌行

怨詩行

班婕妤有怨詩行自傷寵移也

陌上歌

羅敷艷歌注云陌上桑出秦氏女也秦氏邯鄲人有女羅敷爲邑人王仁妻仁後爲趙王家令羅敷採桑陌上王登臺見而悅之欲奪焉羅敷乃彈箏作陌上之歌以自明

狹邪行

樂府詩有長安有狹邪行言世路險狹邪僻正直之士

無所容也

吳趨行

樂府有吳趨行云四坐並清聽聽我歌吳趨吳趨自有始請自閭門起趨步也此曲吳人歌其上風也

六引

六引緩清唱三調佇繁音六引古歌曲名

會吟

謝靈運有會吟行云會吟自有初請從文命敷注會會稽也與吳趨同意禹會諸侯於此

東武吟

樂府詩人有少壯從征伐年老被棄游於東武者不敢論功但戀君耳

白頭吟

言人相知以新間舊不能至於白首

升天行

鮑明遠樂府詩言學仙也

游子吟

請爲游子吟冷冷一何悲

江南調

劉休玄悲發江南調憂妾子衿詩注采蓮曲也

秦郎

阿翹後出宮嫁金吾衛長史秦誠爲妻誠出使新羅阿翹登樓擊方響寫恨撰小詞名曰憶秦郎誠亦於是夜傳其曲拍歸曰合之無

懊惱歌

晉石崇爲綠珠作

白日歌

張融白日歌云白日白日舒天照暉數窮無盡盛滿而衣

白雲謠

穆天子傳穆王觴王母於瑤池之西王母爲王歌白雲之謠

驄馬驅

古樂府也多述出征之勤劉孝威云一隨驄馬驅分受青蠅弔

下門關

魏叔永世樂綺窻斜影入上客酒須添門關今可下落  
耳不相嫌

馬上曲

長城公昭君詞只餘馬上曲猶作別時聲

鞠歌行

古樂府陸機序言謂蹴鞠也

迎客曲

古樂府也徐勉詞云絲管列舞席陳合聲未奏待嘉賓  
羅絲管舒舞席欵袖破唇迎上客

送客曲

袖繽紛聲委咽餘曲未終高駕別爵無算景已流空絳  
長袂客不留徐勉

夜誦

漢武帝立樂府採詩夜誦有趙代秦楚之謠注夜誦言  
辭秘故止於夜誦歌也

楚妃長別離

古樂府

大雅吟

秋江九日

白眉郎

並古樂府

王節士

陸厥有臨江王節士歌云木葉下江波連明月照浦雲  
歇山秋思不可裁復帶秋風來秋風來已寒白露驚馬羅  
紈節士慷慨上衝冠彎弓掛若木長劍竦雲端

淫豫歌

一作灑預梁簡文辭云淫豫大如服瞿唐不可觸金沙  
浮轉多桂浦忌經過

估客樂 見離別門

陽春日

徐孝嗣白雪歌所恨輕寒早不迨陽春日

桃葉歌

王獻之情人桃葉歌云桃葉復桃葉桃葉連桃根相憐  
兩樂事獨使我纏綿桃葉復桃葉渡江不用楫但渡無  
所苦我自迎接汝

舞媚娘

古樂府也又有五媚娘歌

江南弄

梁武帝辭云衆花雜色滿上林舒芳搖綠垂輕陰連手  
蹀躞舞春心舞春心臨歲腴中人望盡獨踟躕

瑟瑟辭

陳思王十一年中二徙都作瑟瑟調歌辭言轉蓬之不  
定

河畔草

青青河畔草綿綿思遠道

平調

古樂府君子行五言平調注瑟有三調清調側調也  
傷歌行

注云傷日月代謝年命道盡離絕知友傷而爲歌  
怨歌行

再探齊事

卷十九

目一

班婕妤作

短歌行

短歌行魏武帝作言人命不能得長久須及時而為樂也

還鄉怨

古樂府所載

碑碣門

碧落碑

絳州有碑篆字與古文不同頗竒怪李陽冰見而愛之驗其文是唐初而不載書者姓名碑上有碧落二字因謂碧落碑國史補

樂石

嶧山碑云刻此樂石人多不曉顏師古謂以泗濱浮磬作碑也封氏見聞記

金字銀書

謂碑銘之書也

海錄碎事卷十九

海錄碎事

卷十九

目上



國家圖書館, NATIONAL CENTRAL LIBRARY, TAIWAN, R.O.C.





海錄碎事卷第二十

武部

宋

泉州太守葉廷珪

著

武畧門

明

河南僉憲劉鳳

校

制勝兩楹

折衝樽俎間制勝在兩楹

張景陽詩

捕舌

西平田旋要馬基背張權而應衛琳謂基曰琳擊其東我擊其西不六旬天下可定斯閉口捕舌也

龍鈴

王勃太公贊豹韜攘惡龍鈴碎邪

謀成几案

謀成几案定策帷幄陸佐公石關銘



計如投水

計如投水思若轉規

陸佐公石渠銘

四座公

願與四座公靜談金匱篇謂與坐客談兵也

李白詩

五兵權

胡虜三歎息兼知五兵權

李白詩

文規武畧

文規武畧譽流朝野

席上過師

趙充國屯田十二策治湟陝中道橋令可至鮮水以制

西域伸威千里從枕席上過師十一也

本傳

將帥門

絕甘

李陵素與士大夫絕甘分少能得人之死力

緹騎

續漢志執金吾緹騎二百人注云緹赤黃色

被羽

賈復被羽先登注被負也析羽為旌將軍所執

抑揚霆電

抑揚霆電驅率貔貅

粉潰

白羽纒揮凶徒粉潰

飛騎

隋唐嘉話貞觀選才力驍捷善馳射者謂之飛騎

平亂鞬

左屬平亂之鞬右握滅逆之矢

百金士

李牧得百金之士五萬人管破敵擒將者賞百金

本兵柄

漢絳侯爲太尉本兵柄注執兵柄之本

士卒鳧藻

後漢杜詩上書今將帥和睦士卒鳧藻

水藻

著翅人

後周韓果破稽胡散其種落稽胡號爲著翅

著翅之名寧滅飛將本傳

地上虎

北齊高昂字敖曹兵趨商洛祭河伯曰河伯水中之神

高敖曹地上之虎行經所居故相沃酌

一瓜共食

北齊蘭陵王長恭爲將每得一瓜必與將士共之

舉左旃

唐殷文圭投知己啟云將軍之舉左旃襲武者咸思効  
勇公子之虛右席彫文者競願呈才注漢衛青拜大將  
軍開幕府舉左右旃招武士得前將軍趙充國後將軍  
公孫敖等魏信陵君無忌招賢士虛右席得侯嬴朱亥  
等

虛右席見上

十二牙旗

自魏初大將行兵惟長孫嵩拒宋武及奚斤征河南獨給漏刻及十二牙旗

鶻入鷓羣

文宣謂高思好曰汝擊賊如鶻入鷓羣

養虺成蛇

爾朱榮討元顥欲迴師高道穆曰可謂養虺成蛇悔無及矣

羊將狼

諸將皆與上定天下梟將也今乃使太子將之無異使羊將狼皆不肯為用

故等夷

諸將皆陛下故等夷

掃境內

掃境內以屬將軍

讐伏

諸將讐伏注失氣也之涉反

小飯

韓信令其裨將傳餐曰今日破趙會食注小飯曰餐音破趙後乃當共飽食也

効首虜

諸校効首虜休皆賀

畔敵

將軍今乃有畔敵之名大為中國羞注畔敵謂不敢當

敵也

且戎幕

寄深且戎幕望重必台司李白詩

應星文

羽林十二將羅列應星文霜仗懸秋月蜺旌卷夜雲李白

詩 天將

王維燕支行漢家天將才且雄來時謁帝明光宮

雄戟

乃命上將授以雄戟

自潤入

自永和間羗叛十餘年間費用八十餘億諸將多斷盜  
空原私自潤入

都都統

唐國子祭酒李涪刊誤云先帝時俳優恃恩寵為都知  
各乞其請一日大合樂樂工誼譁上召都知止之三十  
人並進上曰止召都知何為畢至梨園使至曰三十人  
皆都知遂命李可及為都都知後僖宗至蜀王鐸仗節  
鎮滑臺且統關東諸將遂有都都統之號

憺隣國

名聲暴於夷貊威稜憺乎隣國注徒濫反陳留人語恐  
言憺李廣傳

不耦

請宿將嘗留落不耦謂無功也霍去病傳

禪王

得右賢王裨王十餘人猶言裨將也頻移反衛青傳

票姚

霍去病為票姚校尉服虔曰音飄搖師古曰票類妙反姚羊召反勁疾之兒也本傳

彌節

將軍其率師東轅彌節白檀以臨右北平盛秋言秋高防入寇也亡俾反李廣傳

攬戾執猛

高臣武將皆能攬戾執猛破堅摧剛南都賦

奉成規

言奉承天子之成命也潘安仁書

擁旄

擁旄為漢將

整戎綱

整戎綱列輕武七命

長轡遠御

長轡遠御妙畧潛授孫子荆書

料敵如神

穆宗問韓充破賊期對一月可破二旬克帝喜曰料敵若神

乘軺建節

乘軺建節奉疆場之任丘希範書

戎重

總茲戎重丘希範書

董統

董統庸揚掃除凶逆董督也陳孔璋檄

爪牙信布

爪牙信布腹心良平漢贊

雲興之將

雲興之將帶州颶起之師跨邑辨下論

忠規武節

忠規武節未見如此其著者也辨下論

置科左右

曹仁少時不修行檢及長為將嚴整常置科於左右

以從事

詩書將

帝命詩書將壇登禮樂卿崔少常出鎮夏州杜牧詩

軍旅門征役檄書附

五家兵

齊桓既得管仲修齊國政連五家之兵注國語曰管仲制國五家為軌十軌為里四里為連十連為鄉以為軍令

押至

軍書交馳而輻湊羽檄重迹而押至音習狎之狎

從軍樂

王仲宣詩從軍有苦樂但問所從誰

戎旃

契闊戎旃從容讌語旃旌也契闊勤苦也言從軍也

白徒

唐書六軍宿衛之士皆市人白徒

露布

古者文書不封而明告中外者皆曰露布自元魏以來專為捷書寫以練帛建於漆竿

布槽

布槽征行飼馬取其輕便

梅林饒子

魏武行役失道三軍皆渴乃令日前有大梅林饒子甘酸可解渴聞之口皆出水遂得前進

雞毛系檄

漢高祖曰吾以羽檄召天下應劭曰以雞毛系檄魏武

奏事曰今邊有警輒露檄插羽檄以木簡為書赤三寸急之意也

馬首靡託

雞鳴戒旦則飄爾晨征日薄西山則馬首靡託趙景真書

披榛覓路

披榛覓路涉澤求蹊趙景真書

朝霞啟暉

朝霞啟暉太陽戢曜趙景真書

蹴崑崙

蹴崑崙使西倒蹋太山使東覆趙景真書

三五見醫十門

東平樹



東平之樹堅成陽而西靡蓋山之泉聞絃歌而赴節劉  
標書

露板

封氏見聞記露板露布之別名

戰陣門

懸狐尾

唐會要吐蕃以累世戰沒爲甲門臨陣奔北者懸狐尾  
於其首以表狐之性怯

將指

刁踐拒吳靈姑浮以戈擊闔廬傷將指將其一屢還注  
是五指也

除狼

孫堅破董卓軍或謂袁術曰堅若得洛不可復制此爲  
除狼而得虎也

輪臺

貳師軍至輪臺不下攻數日屠之

雲騎

雲騎亂漢南言如雲之多 王粲詩

一校

一校之隊言偏師也 曹子建表

偏舟

偏舟之任注亦偏師也吳水戰故云 曹子建表

先登羽

將秉先登羽豈敢聽金聲 王仲宣詩

一舉勲

率彼東南路將定一舉勲王仲宣詩

灌殘熒

祖君彥為李密檄云瀉滄海而灌殘熒舉崑崙而歷小

知

縱金鼓劉孝標出塞詩

連夜

昏軍鳴戰鼓連夜數更聲

蓬乾就火

乾就火雲薄承陽李義山賀破賊表

投杯杖鉞

推枕援旗投杯杖鉞李義山文

胡鼓

朝暗戎塵夜喧胡鼓

噎澁水

投秦坑而盡沸噎澁水而不流言破敵也

靈鉦

裁舉靈鉦亦抽金僕言用兵也李義山文集

一把子人

侯景望梁軍曰一把子人何足打

劣容脚指

胡藩從征司馬休之以刀頭穿岸劣容脚指徑上遂破之

効級

効級獻所得首級也

蓬轉隊

劉昶黨與三百人其驍捷者號餓鶻隊武力者號蓬轉隊

挑戰

挑茶了切謂身獨戰不復須衆也高祖紀

猪突豨勇

王莽募囚徒人奴擊匈奴名猪突豨勇

黃驄年少

黃果從軍征討乘黃驄衣青袍每先登陷陣時人號爲黃驄年少

甲不去身

傅豎眼爲西征都督梁軍所在拒塞豎眼三日中轉戰二百餘里甲不去身頗致九捷

中堅

光武與敢死三千人衝其中堅注凡軍事中軍將最尊居中以堅銳自輔故曰中堅也光武紀

追北

北幽陰之處故爲退敗奔走爲北說文云北乖也史記樂書曰紂爲朝歌北鄙之音朝歌者不時北者敗也鄙者陋也高祖紀

銜枚

銜枚止言語喧囂也周官有銜枚氏枚狀如箸橫銜之

縵繫於項縵者結礙也繫繞也蓋爲結紐而繞項也縵音獲繫音頡高祖紀

踏籍

兵相踏籍音臺登躡也或作踏

一首級

人首級師古曰本以斬敵一首拜爵一級故謂一首爲一級霍去病傳

坐收虜

漢兵即度幕人馬罷匈奴可坐收虜耳衛青傳

喋血

今已誅諸呂新喋血京師大頡反字當作蹀謂屢涉之耳蹀信傳

百下百全

奮精兵誅不軌百下百全之道也

雷鼓嘈嘈

雷鼓嘈嘈喧武昌雲旗獵獵過潯陽李白詩

九區

殺氣橫千里軍聲動九區李白詩

鼓僮

左傳鼓僮可也言敵人在僮崑險處未成列可鼓而擊之也

羽隊

屯羽隊於外林注持箭者七命

舉麾讚獲

叩鉦鼓枝舉麾讚獲七命

詔敕戰攻

後漢高異傳云以詔敕戰攻輒不其意私心決斷未嘗無悔

霆擊

今既發兵宜縱先至者深入霆擊

肉籬

周齊每以騎戰驅中國人爲肉籬

風卷秋籜

風卷秋籜言用兵之易如此

兩矢電矛

天送天狼電矛驅海若

雷輜蔽路

雷輜蔽路萬有三千餘乘言兵車之衆如雷聲也班固

朱旗絳天

朱旗絳天玄甲耀日班固

豐鼓染鍔

斬溫禺以豐鼓尸日逐以染鍔班固

老上龍庭

躡冒頓之區落焚老上之龍庭班固

嚴鼓

嚴鼓未通凶渠泥首趙宣子曰嚴鼓一通步騎士悉至

陸佐公銘

禽廬九

折簡而禽盧九傳檄以下湘羅廬江九江二郡名湘羅  
二水名 陸佐公銘

壺鑄瓶甒

凶醜闕地而攻子命宄浚塹寔壺鑄瓶甒以偵之鑄音  
雷甒音武 潘安仁詩

雷戰鼓

高貴鄉公出雲龍門雷戰鼓

蚌蛤浮翔

陳思王上書云今東有覆敗之軍西有 殲沒之將主使  
蚌蛤浮翔於淮泗驪鬪謹譁於林木  
戎士承平

夫豈無謀戎士承平言不習戰而敗 潘安仁詩

順時發

我君順時發桓桓東南征 王仲宣詩

馬溢肥

軍中多飫饒人馬皆溢肥 王仲宣詩

溺驂

北拒溺驂鏑西戡收組練注春秋感精符曰強傑竝侵  
戰兵雷合龍門溺驂宋均曰龍門魯地名也時齊與宋  
鄭戰敗相殺血溺驂馬 謝玄暉詩

曝奔鯨

長蛇固能剪奔鯨自此暴善本作暴

蟾蜍

蟾蜍之斧禦隆車之隧注猶轍也 陳孔璋檄

燭飛蓬

若舉炎火以燭飛蓬覆滄海以沃燦炭

陳孔璋檄

兵器門

犀渠

傳曰犀渠盾也唐書云吳人家鶴膝而戶犀渠

七重犀

劍懸三尺鞘鎧有七重犀

六屬鎧

文犀六屬鎧寶劍七星光

胡祿

胡祿以皮為器中可以地聽

鑊蛇鱗

蕃甲鑊蛇鱗

丈八蛇矛

丈八蛇矛左右盤

出劉曜載記

水犀甲

夫差水犀之甲三千水犀之皮有珠甲山犀則無

蝦蟇車

劉勳攻豫州以大蝦蟇車載士蒙以牛皮三百人推以塞塹破之

蘭錡

武庫焚兵設在蘭錡注錡音蟻架也受它兵曰蘭受弩

日錡

西京賦

霜刃染

霜刀染剛鏃潤

吳郡賦

揆懸刀

揆懸刀騁絕伎注弩牙後刀一名機

射雉賦選

溪子巨黍

溪子巨黍弓弩名

開居賦

礮石

礮石雷駭激矢蠱飛普兒反

開居賦

金鍊

金鍊照海浦金甲也

顏延年詩

賜夷甲

越絕書勾踐被賜夷之甲帶步光之劍

亡矢遺鏃

無亡矢遺鏃之費

過秦論

泰一鋒

武帝伐南越告禱太一以牡荆畫幡日月北斗登龍以象太一三星為太一鋒命曰靈旗為兵禱則太史奉以指所伐國注牡荆荆之無子者皆潔齋之道天文志天極星其一明者太一也旁三星三公也畫一星在後三星在前為泰一鋒也

刑法志

渠荅

為之高城深塹且蘭石布渠荅蘭石霄石也渠荅鐵蒺藜也

晁錯傳

長鍛

鉏耨棘矜不敵於鉤戟長鍛山列反

過秦論



矛端生火

矛端生火此兵氣也以火用兵

白猿啼

丈八蛇矛出隴西彎弧拂箭白猿啼 李白詩

白鵲旗

斬胡血變黃河水梟首常懸白鵲旗 李白詩

首鎧

首鎧兜鍪也又鎧若蓋反甲之異

齊斧

首領不足以膏齊斧注云可以整齊軍旅也

蕭斧

蕭斧越斧也 出魏都賦

衡輶

衡輶息於朔野兵車也蒲萌反 辨云論

霹靂車

魏太祖為發石車擊紹樓皆破袁紹眾號曰霹靂車

鞮鞞生蟣虱

長楊賦鞮鞞生蟣虱介冑被霑汗

弓矢門

羊頭鏃

箭鏃三鏃者謂之羊頭鏃 方言

步又

步又釋名受矢器也

大弔

海錄

退之詩大弨挂壁無由彎詩彤弓弨今韻畧弨弓弛兒  
綠沉弓

唐太宗出獵詩珣戈夏服箭羽騎綠沉弓  
路弓乘矢

路弓乘矢路大也四矢曰乘  
蹶張

申屠嘉以材官蹶張從高帝擊項籍師古曰今之弩以  
手張者曰擘張以足蹋者曰蹶張本傳

穀騎  
穀張弩也西漢

大黃  
黃自以六黃射其裨將注云黃肩弩也黃肩即黃間李廣

傳

彎弓明月

劍決浮雲氣弓彎明月輝李白集

攫王弩

攫王弩摧狼狐洗清天地李白集

竹弦弓

附國卽漢之西夷也用弓長六尺以竹爲弦

角端弓

鮮卑出原羊角端牛以角爲弓所爲角端弓者也郭璞  
注爾雅原羊似吳羊而角大漢書音義曰角端似牛可  
爲弓

電箭

蒼梧王畫齊高帝腹爲射的引滿將射之左右王天恩  
諫曰領軍腹大是佳射棚而箭便死後無復射不如以  
電箭射之

婁矢

婁婁國弓長四尺如弩矢用楛長八寸亦名爲鏃肅慎  
之國也 魏志

弦驚

傷禽惡弦驚倦客惡離聲 鮑明遠詩

雙鞬

雙鞬佩雙鞬象弧插彫服注鞬居言切盛弓也服盛箭

夏服

右夏服之勁箭左烏號之彫弓 七發

忘歸矢

忘歸矢箭名 七啟

飛鋒

動觸飛鋒舉挂輕曾注箭也 七啟

殼金機

殼金機馳鳴鏞金機弩牙也 七命

積射士

漢書發積射士注積與迹同古字通用言尋迹而射之  
鵲角

箭插鵬翎闊弓盤鵲角輕

九年成

闕子曰宋景公使弓工作弓九年成公曰矢遲對曰目之精力竭矣獻弓三日乃成公登箕山而射矢踰西霜之山集彭城之東餘力逸徑飲羽於石梁也蘇秦傳注

時力距來

蘇秦傳天下之彊弓勁弩皆韓出谿子少府時力距來皆射於六百步之外注韓有谿子弩又有少府所造二種弩時力謂作之得時力距來謂能距來敵也

餓鳴叫

曹景宗曰吾騎快馬如龍拓弓弦作霹靂聲箭如餓鳴耳後生風鼻頭出火南史

八牛弩

初得八牛弩以射楚軍矢達十里之外文選子

矰紅

西京賦注授射矢長八寸其絛名矰紅

素支

歷素支而冰裂注素支月支皆射括名也補白馬賦

繁弱

左攬繁弱右接忘歸注新序曰楚王載繁弱之弓忘歸之矢以射兕于雲夢稽叔夜詩

左的

控弦破左的右發摧月支左的射的也月支射括也邯鄲淳藝經云馬射左邊爲月支三枚馬蹄二枚曹子建

射質

毛詩發彼有的注的射質也

海金... 甲兵門... 卒附

雲車

尋邑圍昆陽雲車十餘丈

號百萬

項羽兵四十萬號百萬沛公兵十萬號二十萬高祖紀

梟騎

北陌燕人來致梟騎助漢注梟健也又勇也高祖紀

武彘精兵

如使狂夫叫呼於東崖匈奴飲馬於渭水京師雖有武

彘精兵未能窺左足而先應者也注窺音跬跬半步也

音不舉足也音口婢反息夫躬傳

三屬甲

上身一髀禪一脛繳一漢志

尺籍伍符

士卒盡家人子起田中從軍安知尺籍伍符汪尺籍所  
以書軍令伍符軍士五五相保之符信西漢

闕鞏甲

闕鞏之甲武王所以克商闕鞏國名左傳

螳螂之衛

薄戍縣幕無異蛛蝥之網弱卒瑣甲無異螳螂之衛都

賦

材官

漢選能引強蹶張材力武猛者以為輕車騎士材官如  
有寇警平地用車騎山阻用材官水泉用樓船

釋甲執冰

左傳釋甲執冰言無戰志冰箭筈可以取飲也

涅面

朱全忠攻滄州劉仁恭悉發男子十五以上爲兵涅其面曰定霸都之兵

七萃士

雲屯七萃士魚麗六郡兵虞子陽詩

裹糧坐甲

左傳裹糧坐甲固敵是求正義曰用則被之於身不用則坐之於地

後之

將士絕無後者求其親戚以後之

虎豹騎

曹純督虎豹騎從太祖圍南皮

鐵林騎

西邊呼鐵鷄子爲鐵林騎東齊記事

綠沉甲

隋文賜張大淵綠沉甲獸文具裝

旗鼓門

援枹

張戾曰師之耳目在吾旗鼓進退從之乃援枹而鼓枹也

靈夔鼓

黃帝以靈夔爲鼓聲聞百里物類相感志

隕銅丸

元帝置鞀鼓殿下自臨軒檻上隕銅丸以擿鼓聲中嚴鼓之節注隕下也擿投也史丹傳

嚴鼓

李奇曰莊嚴之鼓節也晉灼曰疾擊之鼓也師古取李史丹傳

潭潭村鼓

潭潭村鼓隔溪聞永叔詩

逢逢

不踏曉鼓朝安眠聽逢逢送之詩

靈鼙鼓

靈鼙鼓徒河反上林賦

管壘門

高俎

項王為高俎置太公其上李奇曰軍中果櫓方面人謂之俎也高祖紀

轅門

軍行以車為陳轅相向為門故曰轅門高祖紀

戲下

諸侯罷戲下各就國注謂軍之旌麾也許宜反亦讀曰麾漢書通以戲為麾見竇田傳高祖紀

君子營

石勒陷冀州其衣冠人物集為君子營

刁斗

李廣將兵行無部曲行陣不擊刁斗自衛注刁斗以銅作鐃受一斗晝炊飯夜擊待行夜名曰刁斗鐃音譙

鼓一通

凡軍行日出日沒時過鼓千槌三百三十三槌爲一通鼓音止角音動吹十二聲爲一疊角音止鼓音動如此三角三鼓爲昏明畢之擗陟瓜反

角一疊 見上

地聽

凡備敵令人枕空胡祿臥有人馬行三十之里外東西南北皆響見於胡祿中名曰地聽

驃騎幕

黃若獨爲吳州總管遺壽州總管源雉詩曰交河驃騎

幕合浦伏波營勿使麒麟上無我二人名

碁詩

別管碁詩 潘安仁詩

柳市

周亞夫爲將軍次細柳注在昆明池南今有柳市是也一宿曰宿再宿曰信過信曰次 本傳

盜賊門

封豨

吳爲封豨長蛇楚人謂猪爲豨 吳都賦

姦回內鬪

姦回內鬪兵纏紫微音備 魏都賦

假氣游魂



假氣游魂迄于四紀言吳蜀僭位逋誅也孫子荆書

魚游沸鼎

魚游沸鼎之中燕巢飛幕之上丘希範書

脫耒為兵

脫耒為兵裂裳為旗晉紀論

鉗子

漢成帝鴻嘉三年天水冀南山大石鳴聲隆隆如雷民俗名曰石鼓石鼓鳴有兵是歲廣漢鉗子劫畧吏民自號曰山君注鉗徒也

為之囊橐

為之囊橐注言容止盜賊若囊橐之盛物也

空道

樓蘭姑師小國當空道攻劫漢使注空即孔也江南野史周世宗下江北不能安撫百姓相與起義處處保聚謂之白甲子以禦周師

大羣盜

武帝以法制御下好尊用酷吏郡國二千石為治者大抵多暴酷吏民益輕犯法東方盜賊滋起大羣攻城邑小羣掠鄉里

踏榆賊

河間邢杲反眾至十萬先是河南人笑河北人好食榆葉故齊人號之為踏榆賊

歷山飛

煬帝時賊帥魏刀兒自稱歷山飛眾十餘萬

無端兒

唐高祖以十二人破草賊號無端兒數萬

遊艇子

隋既平陳南海有五六百家居水爲二舍號曰遊艇子  
揚素傳

虎子狼孫

舊唐書王廷湊贊曰鴟鵂爲怪必取其昏人君失政爲  
盜啟門牙旗金鉞虎子狼孫茫茫黔首於何叫闐

飛燕

黑山賊張燕剛悍捷速過人故軍中號曰飛燕

鼓樓

起於北史李崇牧兗州州多盜賊崇乃材置一樓

懸鼓其上以擒盜賊

兵法門

建甌

漢書秦形勝之國其以下兵於諸侯猶高屋建甌水也

前馬

減竈驅前馬銜枚進後兵

合拳

兵法有合拳之喻出陸贄奏論言兵勢貴合也

兵春秋

兵春秋三篇藝文志

先見敗徵

宋義論武信君必敗數日果敗軍未戰先見敗徵可謂

知兵矣項羽傳

羊狠狼貪

宋義令軍中曰猛如虎狠如羊貪如狼強不可令者斬為項羽請救趙故項羽傳

軍興制

今聞其乃發軍興制謂以軍法從事司馬長卿

浮囊

行兵遇大水無舟梁以渾脫羊皮吹氣令滿繫其孔束版下浮度曰浮囊

天鉞

城中氣出東方其色黃名天鉞不可攻走不逐飛

虞詡說任向罷郡兵令出錢數千二十人共市一馬以討羗其言曰兵法弱不攻強走不逐飛今虜皆馬騎日行數百里來如風去如絕弦以步兵追之勢不能及

韓雲

韓雲如布趙牛楚日宋車魯馬衛大周輪秦行人魏鼠齊縫衣越龍蜀困兵書也

卒逃歸

兵法卒逃歸斬之一日家人不捕執及不言於吏盡與同罪

玉鈐篇

兵法有玉鈐篇

軍糧門

軍糧門

卷之二

七

發輶

往者數不料敵而師至於折傷再三發輶則曠日煩費  
威武虧矣注輶摧也淮南子曰內郡輶車而餉音而攏  
反

取給贏

魏武之初九州雲擾攻城畧地保此懷民軍旅之資權  
時調給于時袁紹軍人皆資棧棗袁術戰士取給贏蒲  
半菽  
士卒饑餒半菽不充

水戰門

金翅艦

東世祖使華皎造大艦金翅等三百許艘爲水戰之具

帆蓋海

蘇定方討百濟自成山海至熊津江口揚帆蓋海相續  
而至賊遂敗績

木客

勾踐使樓船卒二千伐松栢爲桴曰木客

巴蚺卒

楊素伐陳遣巴蚺卒數千乘五牙四艘以檣竿碎賊十  
餘艦遂大破之

樓船將軍

南越反楊僕爲樓船將軍有功

黃頭郎

鄧通以濯船爲黃頭郎師古曰濯能持濯行船也音直

孝切土勝水其色黃故刺船之即皆著黃帽因號曰黃頭郎

### 黃龍艦

楊素造大艦名曰五牙上起樓五層高百餘尺容戰士八百人次曰黃龍置兵百人自餘平乘舩艦等各有差

### 木狗

高頰討尉遲迥爲橋於沁水賊於上流縱大棧頰預爲木狗以禦之

### 龍舟鳳舩

隋煬帝造陸士澄往江南採木造龍舟鳳舩黃龍赤艦等數萬艘舩舩也音曰宿

### 飛靈艦

孫權乘飛靈大船

吳都賦

### 舟蓋長川

泛舟蓋長川陳卒被隰峒王仲宣詩

### 臨江塞要

若恃水戰臨江塞要

### 大小翼

越絕書伍子胥水戰兵法內經曰大翼一艘廣一丈五尺二寸長十丈中翼一艘廣一丈三尺五寸長五丈六尺小翼一艘廣一丈二尺長九丈

### 御龍舟

魏文帝黃初五年爲水軍親御龍舟循蔡穎浮淮幸壽春

受降門

和欺

青州刺史桓和詒東昏出戰因降梁武帝先是俗語謂密相欺變者為和欺於是梅虫兒茹法珍等曰今日敗於桓和可謂和欺矣

阪上走丸

必相率而降猶如阪上走丸也刪通傳

質館

鄧太后令築南北兩部質館注築館以受降質

如受敵

耿秉擊車師受降如受敵

禽虜

王朗為會稽太守兵敗降孫策使人詰責朗自稱禽虜對使者云云又言申脰就鞅躐足入絆

申脰就鞅見上

犒軍門

牢賞

應劭言多其牢賞注牢廩食也

中酒

項羽既饗軍士中酒師古曰飲酒之中也

守禦門

徼循

秦有中尉掌徼循京師如淳云所謂遊徼循禁備盜賊也徼工鈞反

結草之固

方岳無鈞石之鎮關門無結草之固

晉紀總論

勝負門

以一爲十

國淵子尼破賊以一爲十太祖問之日夫討外寇多斬之數欲大武功也

箭輪

孟明之敗匹馬箭輪無反者

傷敗踵係

傷敗踵係羽書日聞

吉語

陳濕曰不過五日有吉語聞

載路

峰俘載路牛羊滿山

白骨交衢

肝腦塗地白骨交衢

潘安仁詩

衛兵門

羽林騎

漢武初置建章營騎後更名羽林騎言爲國羽翼如林之盛顏注如羽之疾如林之多

熊騎

煬帝所領軍士名熊騎光宅年改鷹揚騎

鷹揚騎

見上

巖郎

羽林郎一名嚴郎言禦侮嚴除下也

緹騎

漢改中尉為執金吾緹騎二百人同條之中斯最壯矣



國家圖書館, NATIONAL CENTRAL LIBRARY, TAIWAN, R.O.C.



海錄碎事卷第二十一

宋

泉州太守葉廷珪

類集

明

河南僉憲劉鳳

重校

政事禮儀部

官政門

霜滂

陳君賓為鄧州刺史時喪亂之後諸州並遇霜滂唯君賓一境獨免

虎犹民

郭文能馴暴虎曰撫我則后虎猶民也虐我則噬言民犹虎也

神仙傳

乘驛問政



後漢顯宗器重北海王興每有異政輒乘驛問之

政猶張琴瑟

新序曰臧孫行猛政子貢非之曰夫政猶張琴瑟也大絃急則小絃絕矣是以位尊者德不可以薄官大者治不可以小地廣者制不可以狹民衆者政不可以苛

左建外易

史記趙良謂商君曰教之化民也深於命民之効上也捷於令今君又左建外易非所以爲教也

霹靂手

裴琰之爲同州司戶叅軍時刺史李崇義初輕之先是州中之舊案百餘道崇義促琰之命書吏數人連紙進筆頃刻而就詞翰甚美崇義大驚曰公何忍藏鋒以成

鄙夫之過也是知名號爲霹靂手

唐史

吏安則人自靜

朱浮上書漢明帝云事久則吏自重吏安則人自靜

銓選門

三銓

吏部尚書一人吏部侍郎二人分爲三銓尚書中銓兩侍郎分爲東西兩銓

流內

通典曰隋制九品自太師始焉爲之流內

四才三實

具負故事吏部擇人以四才三實四才謂身言書判三實謂德行財用劬勞

百家譜

南史御史中丞王僧孺改定百家譜後王弘劉湛並好其書弘曰對千客不聞其犯一人諱湛為選曹始撰百家譜以助銓序

斜封

唐中宗朝安樂太平諸公主用事東西置兩銓恣行請託或有斜封受官預用來秋闕

甲午制

晉書王戎領吏部初為甲午制

賣官門

賣官

公革弼爵賣官三代無有起於秦漢之權利

以貲為郎

張釋之與兄仲同居以貲為騎郎如淳曰漢注貲五百萬得為常侍郎本傳

行錢

豪富郎或行錢得善部楊惲傳

散俸

後魏明帝輸粟八千石賞散俸六千石散伯四千石散子三千石散男

冗官門

堂厨食利人

先是兩省以江淮富人給文牒周遊天下稱堂厨食利人諸道公燕居大將之上李德裕罷之獻替錄

竈下養

更始所授官爵或有膳夫庖人時語曰竈下養中郎將爛羊胃騎都尉爛羊頭關內侯公羊傳曰炊烹爲養

赦宥門

需宥有三

國朝之制凡需宥三曰大赦曰曲赦曰德音宋元憲云德音非可名制書乃臣下奉行制書之名天下自爲德音非也唐常袞集赦令一門謂之德音

牛車散載

留臺奏請收李彪孝文明無此事遣左右慰勉之聽以牛車散載送之洛陽會赦得免

德號

出德號省刑罰如言德音也 上林賦

迴霜收電

重蒙陛下愷悌之宥迴霜收電 陸士衡表

起偃爲豎

起偃爲豎化屍爲人言減刑之恩如此

籥動

王充論衡赦令將至則繫室籥動

削丹書

苟削丹書得夷平民丹書罪藉也 陸士衡表

貢士門

白袍子

或有朝士譏宋濟曰近日白袍子何太紛紛濟曰由緋

袍紫

充秀州閭

劉嶽舉秀才與其父書曰此歲賢人充秀州閭可謂得人

署行議年

與廉舉孝歲貢于外署行議年日夕干

計考

詔曰今之計考古之貢士也

賦租門

奉公吏

何武弟顯家有市籍租常不入市嗇夫來商捕辱顯家顯怒欲以吏事中商武曰以吾家租賦不為眾先奉公

吏不亦宜乎

廩假

後漢 稅租助郡國廩假注廩給

詬和

縣省司刑官 之詬租吏

斗租吏

斗租吏李賀詩

馬口錢

漢元鳳年詔令民無出馬口錢

口錢

宣帝行幸河東減天下口錢

橘柚稅

越多橘柚有稅謂之橙橘戶

戶口門

游戶

諸葛亮曰荊州著籍者少凡有游戶皆使自實

隱丁脫卒

上作通天臺未有人王仲舒為中尉脫卒得數百萬注

隱漏未為卒也

左戶右戶

北齊分戶部為左戶右戶左戶主天下計戶口右戶主

天下公私田宅課

朱出墨入

周蘇綽始制文案程式朱出墨入及計帳戶籍之法

刑法門

摳撫

蕭何摳撫法令宜於今者作律九章乃著令

三尺法

客謂杜周曰君為天下決于不循三尺法注以三尺竹

簡書法律也 本傳

次骨

杜周為中丞大言重遲而內深次骨注云其用法刻深

至骨 本傳

秋荼

傷秋荼之密綱注茶葉繁密刑苛如之 王元長弟秀才文

誅始

幽執囹圄當為誅始 陸士衡表

餌之

李陵既頹其家聲僕又餌之 蚤室音二 次也 司馬馬一十長

科律

劉劭定科律作新令十八篇

僕區之法

左傳楚文王作僕區之法

正經三百

正經三百孔父創其威儀大法三千蕭何設其條貫

城旦舂

前漢音義髡鉗為城旦舂城旦者晝日伺夜夜暮築長城舂者婦人犯罪不任軍役之事故但令舂以食徒者

熏胥

蔡邕云下獲熏胥之辜前書云史遷薰胥以刑音義云相熏蒸得罪也

文致

以文飾咄致人於罪

一切之法

一時之法乃切物不容舒縮也

綱目不踈

劉公幹以失敬罹罪魏文帝問曰卿何以不謹於文憲  
顧答曰臣誠庸短亦由陛下綱目不踈

小加弘潤

賈充初定律令與羊祜共咨太傅鄭冲冲曰臯陶嚴明

之旨非僕闇懦所探羊曰上意欲令小加弘潤耳冲乃粗下意

長流

世俗呼治獄叅軍爲長流蓋帝王世紀云帝少昊崩其神降於長流之山於祀主秋秋官司寇主刑罰長流之職故取秋帝所居爲嘉名焉出家訓流一作留

鶴頭杻

隋書刑法志有鶴頭杻

法防

法防繁多則苟免之行興杜林之言

萬病丸

律有不應爲法家易爲附麗謂之萬病丸御史臺試補

一吏今斷索引法乃爲不應爲從重問之乃日中丞要重則上下添雜端要重則旁邊注幕府燕閒錄

枷有三脫

王悅爲蓋屋鎖將軍士犯令杖而枷之百日廼脫未百日脫者有三我死則脫爾死則脫天子之命則脫由是後無犯者國史補

孟青

侯思止謂決囚大棒爲孟青朝野僉載

鬼薪白粲

取薪給宗廟爲界薪坐擇米使正白爲白粲皆三歲刑也西漢

五笞



惠帝六年令女子年十五以上至三十不嫁五筭注漢律人出一筭二百二十錢唯賈人與奴婢倍筭今使五筭罪謫之也

欲腐

景帝中四年赦徒作陽陵者死罪欲腐者許之注宮刑也丈夫割勢不能復生子如腐木不生實

鈇左趾跌

敢私鑄鐵器鬻鹽者跌左趾注鈇足鉗也徒計反鬻古煮字

骹正法

皇帝骹天下正法而許大王甚厚骹古委字曲也

金選品

甫刑云罰小過赦薄罪贖金選音刷鍍也其十一銖卽一十五分

大辟

尚書正義辟罪也死是罪之大者故謂死刑爲大辟倍差

犯槐刑

尚書正義其罰倍差者倍之又有差則不啻一倍也齊景公有所愛槐令曰犯槐者刑傷槐者死有醉而傷槐者且加刑焉出宴子春秋

令式跽人

令式跽人不可以成官政出河間王傳

具五行

漢興大辟有夷三族之令當三族者皆先黥劓打左右趾笞殺之梟其首菹其骨肉於市謂之具五行韓信彭越皆受此誅

笞髡

景帝時當笞髡無得更人

蒙草

楚懷王使屈平造憲令蒙草未定上官大夫見而欲奪之不與因讒曰平爲令衆莫不知王怒踈平

史記

李法

李法曰壁壘已定穿窬不由路者殺注李者法官也總主征伐刑戮之事故稱其書曰李法天文志李右用將

漢罪秦

言秦漢遷流罪人於南方以禦魑魅

金科玉條

金科玉條言法令也

洿瀦刑

洿瀦刑豔沒之刑寢焚瘞懸沉之禮備

負殺羊

魏後法巫蠱者負殺抱犬沈諸泉

麟趾格

後魏有麟趾格益律令格

權令

北齊定律令其不可爲定法者別制權令二卷與之並

行

大律

律周司憲大夫拓拔廸奏新律謂之大律

贖刑

書曰金作贖刑謂誤而入刑出黃金以贖

三居

書五流有宅五宅三居謂有三等之居大罪四裔次九州之外次千里之外也

門房

後魏有門房之誅謂其族屬

痕瘡

口過人不以義而見痕者與痕人之罪鈞惡不直

以杖手歐擊人破其皮腫起青黑而無創瘢者律謂之痕瘡痕音移瘡音鮪

玉科金書

玉科重輕金關墨綬金書去取更由冊筆謂刑法輕重在手也

桎梏

拳者兩手共一木桎梏兩手各一木在手曰桎在足曰梏中罪不拳手足各一木下罪又去桎也

黑索

縲黑索纒繫也古人有罪用黑索纒繫之

民在鼎矣

趙鞅鑄刑鼎著范宣子所為書仲尼曰民在鼎矣何以

尊法謂棄禮徵書也

十鼠同穴

三官駁鮑勛罪依律罰金二片帝大怒曰勛無活分而汝等敢縱之收三官以下付刺姦當十鼠同穴

里端之籍

無假里端之籍而惡子咸誅歌錄鴈門太守行云外行益政內懷慈仁移惡子姓偏著里端謂以法令著於里間也惡子賊也

兩端

上論古今科律法宜一正不宜兩端使姦吏得容

鴈門

懸首於木

懸首於木曰梟

漢書注

顯誅隱戮

羣談者受顯誅腹議者蒙隱戮

陳埴

改磔

景帝改磔曰棄市勿復磔注磔張其尸也弃市殺之於市取刑人於市與衆弃之也

斬首宀冑

今日斬首宀冑何知程李

灌夫傳

魚肉之

令我百歲後皆魚肉之乎言食噉之

灌夫傳

系頸蠻犀

為

上

身與嗣竟罹齊斧

乘露車

陳制死罪將決乘露車著二械加拳手至帝殿二二械及拳手焉

白刃加頸

羗叛和帝問段熲熲曰狼子難以恩結唯當白刃加頸

耳

獄訟門

揮鞞

王元長策秀才文或揚旌求士或設簾待賢注禹治天下以五聲為銘於篋曰教我以道者擊鼓以義擊鐘以事振鐸語以憂擊磬語以求揮鞞

棘林

棘林多夜哭之鬼春秋元命包云樹棘槐聽訟其下王元長策秀才文

歌雞鳴

于公少女緹縈詰闕歌雞鳴之詩上書救父王元長策秀才文

吏訊

卒從吏訊言下獄也鄒陽書

嬰金鐵

其次剔毛髮嬰金鐵受辱司馬子長書

圓門

抱痛圓門合憤獄戶李斯書

關三木

關三木

魏其大將也衣赭關三木

司馬子長書

清室

絳侯囚清室七淨切

司馬子長書

安南象

僉載安南有象能辨曲直有鬪訟者象顛之有理者卽過無理以鼻卷之擲空中數丈以牙接之

夏臺

風俗通云

曰夏臺殷曰羑里周曰囹圄賓王獄中詩

曰端憂

廬

漢書云

星杓曰賤人之牢牢中星實則囚多虛則

若盧獄

前漢若盧獄屬少府後漢和帝置若盧獄官漢舊儀云主鞠將相大臣也

牢戶

獄閉也後漢書云終填牢戶

銀鑄

後漢董卓收崔烈付郡獄錮之銀鑄鐵鎖說文云銀鑄鎖也前書人犯鑄錢以鐵鎖銀鑄其頸銀音郎鑄音當

飲章

蔡邕被告下獄自陳曰臣爲楚毒所迫促以飲章注飲謂隱也謂隱其告人姓名以問也章則表也

胥靡

楚王戊與吳通謀申公白生諫不聽胥靡之注胥相靡隨也聯繫使相隨而服役之猶今之役囚徒以鎖聯綴之楚元王傳

事白

張敖事白得出白明也

深探其獄

公孫弘疑淮南有畔逆計深探其獄注謂窮其根原也淮南王傳

請室

白冠釐纓盤水加劔造請室而請罪耳注請罪之室司馬子長書

證左

三長史使吏捕案張湯左田信等注左證左也謂之左者言除罪人正身之外又取其左右者考問之也

書獄

張湯爲兒鼠盜肉湯取鼠具獄磔堂下父觀文辭如老獄吏遂使書獄

造獄

律無妻母之法聖人所不忍書此經所謂造獄者也師古曰非常刑名造殺戮之法王尊傳

無證之辭

告案無證之辭暴揚難驗之罪

共工獄

劉輔諫立趙婕妤囚於掖庭獄徒繫共工獄少府之屬

官也亦有詔獄本傳

暴治理官

宜暴治理官與眾共之暴白也

丹棘

恨予在丹棘不得看素旗沈佺期在獄中聞友人死

頌繫

有罪當盜械者皆頌繫如淳曰頌容也言見寬容但處曹吏舍不入陞牢也

畫地為牢

畫地為牢勢不可入削木為吏議不可對西漢司馬

圜墻圜犴皆獄也

斷獄門

日報

雖黥罪日報其執不止報論也

宿訟

宿訟兩讓而同歸疑獄得情而弗喜

奏當

奏當之成雖臯陶聽之以為死有餘辜當謂處其罪也枚事傳

貞字署

有沙門訟田梁武帝大署貞字有司未辨劉顯曰貞字文為與上人帝忌其能出之

去酒省食

杜綏為太常治諸陵縣每冬月封具獄日當去酒省食



官屬稱其有恩

問平反

雋不疑尹京兆每行錄囚還母輒問有所平反活幾人  
耶有則喜笑爲飲食無則怒不食反音幡言幡罪人辭  
使從輕也

薦舉門

七薦

吳越春秋子胥與吳夫差王論兵七薦孫子遂以爲將

負朝廷

甄琛嘗謂朝士曰琛行不愧時但未薦李謚以此負朝  
廷耳

自同寒蟬

後漢杜密曰劉勝位爲大夫知善不薦聞惡不言隱情  
狗已自同寒蟬注寒蟬喻寂默也

推轂士

其推轂士及官屬丞吏誠有味其言也鄭當時傳  
毀稱

京房曰古帝王以功舉賢則萬化成末代以毀稱取人  
故功業廢

議禮門

國客

象胥凡國大喪詔相國客之禮儀注謂諸侯使臣來弔  
者也

容典

後漢范曄論曹褒曰漢初叔孫通頗采經禮參酌秦法雖適物觀時然先王之容典蓋多缺矣

先問儀適見對見門

### 九閣

後漢百官志漢家禮儀叔孫通所草制在隨律令在禮官藏於九閣

### 東觀集禮

東觀集禮曹褒撰次自天子至於庶人冠婚吉凶終始制度爲五十篇奏東觀集禮

### 禮家聚訟

班固欲廣集諸儒共議禮制度得失帝曰作舍道傍三年不成議禮之家名爲聚訟昔堯作大章一夔足矣

### 曲臺記

七畧曰宣帝時行射禮博士后倉爲之辭至今記之曰曲臺記曲臺行射禮之所任彦升行狀

### 祭祀門

### 請比隣

後漢張忠署孫寶爲主簿遂祭灶請比隣

### 俎實

顏延年釋奠詩昭事是肅俎實非馨

### 王衷

以薦王衷以荅神祐顏延年

### 蘭湯

浴蘭湯兮沐芳華采衣兮若英九歌

電醮

千鐘電醮子曜反言酒醮如電疾也七命

酎金

漢武帝因八月嘗酎金令諸侯出金助祭所謂酎金也

上丁

釋奠通禮儀纂云上丁者取丁寧盡恭之意也

上辛

通禮儀纂云上辛必以辛者取其齊戒日新也

寓錢

寓錢據唐臨冥報錄自唐以來始用之謂之寓錢言其可錢形象于紙也

餼牽

殺之曰餼生致曰牽

魚菽祭

常之毋有魚菽之祭何休曰齊俗婦人首祭事言魚豆者示薄陋無所有也

方明

太甲以冬至祀先王于方明注覲禮諸侯覲天子爲壇十有二尋加方明于其上孟康曰方明者神明之象也以木爲之四方尺畫六采東青西白南赤北黑上玄下黃

熙事

熙事備成言福熙之事備成也漢志齋房歌

孝熙

大矣孝熙四極奚臻注熙福也漢房中歌

廸嘗

登城甫田百鬼廸嘗廸進也房中歌

蓄釐見鬼神門

河龍共鯉

河龍共鯉醇犧牲注河龍夏之所賜考也供鯉給廚故云

百末旨酒

百末旨酒布蘭生師古以百草花末雜酒故香具美事見春秋繁露房中歌

新菜可汙

新菜可汙也爾雅

鬱金酒

梁元帝明堂齋宮詩香浮鬱金酒烟繞鳳凰樽藝文類

鳳凰樽見上

會龍甗

日月會於龍甗注甗丁邁反十月時也國語日月會於龍周家於是常祀也東京賦

逆釐

感動天地逆釐三神言迎福於天地人之神也甘泉賦

礼神圖

集乎礼神之囿登乎頌祗之堂為歌頌以祭祀神祗故曰頌祗堂

頌祗堂見上

擁神休

擁神休明尊號 甘泉賦

樵蒸

甘泉賦樵蒸焜上炬火也禮供祭祀之薪蒸曰日薪細白蒸

祕祝

文帝除祕祝注祕祝之官移過於下國家諱之故曰祕祝

祝釐

詔先王望祀不祈其福右賢左戚先民後已令祠釐皆歸福於朕躬朕甚愧之釐福也音僖

中雷

五祀門戶井灶中雷注古者完居故名室中為中雷

祠盛山

齊自太公以來祠盛山以迎日出音成

泮凍涸

秦并天下祠名山大川春以脯酒為歲禱因泮凍秋涸凍冬塞禱祠涸下故反塞音賽

竹宮

武帝用事甘泉圓丘天子自竹宮而望拜注竹宮去壇三里郊祀志

紫幄

紫幄注饗神之幄也帳上四下而覆曰幄 房中歌

馬社馬步

禮仲春祭馬祖仲夏祭先牧仲秋祭馬社仲冬祭馬步

檀柘移

一羞蘋藻驟移檀柘言移歲月也

神祖

白虎通其工之曰脩好遠遊舟車所至足迹所達無不窮覽故祀以爲神祖祖者祖也卽行之義

鴻祀

東晉哀帝欲與殿前鴻祀侍中劉遵言此唯出大傳不在六籍劉向鄭玄雖爲其訓自後不同前代以來並無其式注以鴻鴈來爲候或曰鴻大也

請晴

謂祭爲請晴服赤幘朱衣

十日

開元禮大祀中祀十日小祀筮日

齋禁

莫懷齋禁暫無聊謂差祠事也

天君

又祭天神號天君

元神

告成大報受釐元神天帝也呂安觸醜賦云奏元神下告皇祇顏延年

祭器門

圭瓚

圭瓚鄭司農於圭頭爲器可以挹鬯裸祭謂之瓚

盛盆樽瓶

藏文仲燔柴灶夫子譏之曰盛于盆樽于瓶

死亡門

脩文郎

顏回死為地下脩文郎老杜詩脩文地下郎又云脩文地下深

典午

譙周嘗書版示文立日典午忽兮月酉沒兮典午謂司馬也月酉八月也至八月而司馬文王崩

下世

秦穆光下世三臣皆自殘曹子建詩

朝霜

天地無終極人命若朝霜曹子建詩

遺挂

潘安仁悼亡詩流荒未及歇遺挂猶在壁謂平生服用之物

九逝

九逝非空思七襄無成文顏延年詩

長夜臺

翼々飛輕軒駸々策素旗按轡遵長薄送子長夜臺陸士衡

溘死

寧溘死以流亡注奄也離騷

酒藏吏

戴洋死五日而蘇說死時天使其爲酒藏吏

八威觀主

貞觀中西京道士張惠元忽謂門人曰吾被天書徵爲  
八威觀主居數日無疾而終

羽翼幽沉

羽翼幽沉巧墁朽暗

百歲行人

百歲行人九泉歸客

九旆殘日

九旆殘日五蓬悲風

太夜

夜街輝窮泉漏澤

化死

莊子曰無怛化化死也

武檐石折

後漢武檐石折任文公曰噫西州智士死我乃當之後  
三月果卒

歲至龍虵

鄭玄字康成病夢孔子告之曰起起今年歲在辰來年  
歲在巳旣悟以讖合之知命將終注巳爲虵辰爲龍歲  
至龍虵賢人嗟

萬人墳

唐韋溫夢被攝一人曰彼墳至大功須萬人至期果卒  
促界



悼賈傅之秀朗紆遠轡於促界

猿穴壞山

孔融臨終詩云河潰蟻孔端山壞由猿穴

上天衣

亡人座上作魂衣謂之上天衣

長殤

十六至十九爲長殤十二至十五爲中殤八歲至十一爲下殤七歲已下爲無服之殤

終死

君子曰終小人曰死死之言漸也事卒爲終消盡爲湯

孩抱中物

王戎喪子悲不自勝山簡曰孩抱中物何至於此

載牛車

張湯死其母載以牛車有棺而無槨

三日霧

帝王世紀伊尹卒天霧三日

樹稼

唐書寧王憲病時寒凝霜封樹或以爲春秋雨木冰卽此亦名樹稼憲曰俗諺樹稼達官怕吾其死乎果薨

白瑤宮

李賀卒母夢賀言上帝建白瑤宮令作記又剗疑虛殿使某纂樂章今爲神仙中人甚樂也物類相感志

金蟬質絹

李元忠卒以金蟬質絹乃得斂焉陸機演連珠

陸履亡簪

江漢之君悲其陸履少原之婦哭其亡簪

不慙遺

孔丘卒哀公誅之曰昊天不弔不慙遺一老俾屏 予一人言天不善于魯不早遺一老慙且也

絕命書

伍被謂淮南王曰臣竊悲大王棄千乘之君將賜絕命之書為羣臣先身死于東官也 伍被傳

絕命辭

息夫躬初待詔數危言高論自恐遭害著絕命辭後數年繫獄死如其文 本傳

物故

前以降及物故兄從蘇武還者九人注謂死也言其同于鬼物而故也

大故

含憂虞喪服之以大故注謂死也

綠雲迎

人吹玉簫去天借綠雲迎

松下塵

李白詩昔好盃中物今為松下塵言其人死也

屬纊

疾困屬纊以候氣注纊新綿置于口鼻也

破瓜年

談苑呂洞賓嘗謁張洎自言呂渭之後洎四子温恭倫

讓、爲海州刺史洞賓乃海州房贈洎詩云功成當在  
破瓜年而洎以六十四卒破瓜乃二八是其證也

畏刑

死而不弔二畏壓溺王肅曰犯法獄死謂之畏尔雅曰  
畏刑者也

七七

人死每七日然香散花哭盡哀而止盡七七而罷至百  
日三年亦如之人皆奉佛之字同于天竺此林邑國也

舊草

何逝沒之相尋魯舊草之未異懷舊賦

歎逝賦

歎逝賦陸士龍作

大暮

寤大暮之同寐注大暮長夜也嘆逝賦

歸骨

終歸骨兮山足之死矢兮靡它寡婦賦

朝暮盪至

朝暮盪至握手何言恨賦

齋志沒地

齋志沒地注齋持也上

脩夜不暘

入脩夜之不暘言死上

寂蔑

殂落固云是寂蔑終如斯陸韓卿詩

不可為諱

恐卒然不可為諱謂死也司馬遷書

長逝者

長逝者魂魄私恨無窮上

早世即冥

誰謂不痛早世即冥誰謂不傷葉繁中零曹子建詩

菁華隱沒

菁華隱沒芳流歇絕顏延年詩

不愁留

愁魚斲反曾不愁留梁摧奄及

興山止篔

篔簹如何興出止篔言死也

埋玉樹

庾亮死曰埋玉樹着土中使人情何能已

區區木

格乎上下者藏于區區之木光于四表者翳乎苴取尔之

土

喪弔門

弔客

吳志虞翻仲翔忤孫權徙交州死以青蠅為弔客

輟春

任助哭范雲詩輟春哀國均注秦五殺大夫秦人皆輟

春不食以思之

帶地川

逝矣經天日悲哉帶地川

留謁

夜臺無曉日沽酒與何人又一本云戴老黃泉下還應  
釀大春夜臺無李白沽酒與何人

弔鶴

李白哭王炎詩海內故人泣天涯弔鶴來

葬送門

車千乘

劇孟毋死客送喪車千餘乘

車萬兩

孔光葬送車萬餘兩

下里物

茂陵富人以數千萬陰積貯炭葦諸下里物昭帝大行  
時方上事暴起用度求辨田延年奏言商賈或豫其方  
上不能器物欲以求利非民臣所當爲請沒入縣官注  
死者歸葬蒿里葬地故曰下里

柩車

輜在庭設祖奠於輜東輜柩車也

執披

輜出升車執披有執前後披執紼者引輜出

聖車

將卜葬主人乘聖車詣宅兆所

朱壽之器

梁商薨詔賜東園朱壽之器注壽器棺木也

空木

魂氣散何之枯形寄空木

葬近要離

衆葬梁鴻近要離墓曰要離古烈士伯鸞清高可令棺近

晨會

鄭子僑卒將葬公孫揮與裨竈晨會焉注會葬事焉

蒿里行

蒿里傳亦曰蒿里行

挽柩歌

雄露送王公貴人蒿里送士大夫庶人挽柩者歌之亦呼為挽柩歌

送葬歌

左傳齊將與六戰艾陵公孫夏使其徒歌虞殯杜預曰送葬歌也

聖周

禮記有虞氏瓦棺殷人聖周周人棺槨釋文音稷治十為軌四周於棺

明旌

銘明旌也以死者為不可別已故以其旗識之

輕車介士

安世薨天子贈印綬送以輕車介士輕車戰車也

容車介士

祭遵薨賜容車介士出後漢

素旃

何以述德表之素旃曹植魏文帝詩

珠襦玉匣

漢帝及侯王送死皆用珠襦玉匣高芸小說

比葬七臨

馮素弗為宰輔及死馮跋哭之慟比葬七臨之素弗跋第也

輜輶車

楊素薨給輜輶車班劍二十人前後部羽葆鼓吹

溫明秘器

裴叔業卒給東園溫明秘器

幅巾墓

齊兵令以幅巾葬曰奢非桓文儉非王孫

凝笳

凝笳翼高蓋其声凝咽也謝玄暉詩

廣柳

龍幌板廣柳前驅矯輕旗禮記飾棺居龍帷振容飾幌幌蒙也音荒在傍曰帷在上曰幌皆所以飾柳也輿棺之車其蓋曰柳陸士衡挽歌

四葬

扶南國有四葬水葬則投之江流火葬則焚為灰燼土葬則瘞埋之鳥葬則棄之山野

薤露詩

中閨且勿誼聽我薤露詩死生各異儉祖載當有時陸

士衡挽歌

薤行

薤露歌亦曰薤行

靈輜

陸士龍挽歌舍爵兩楹位啟殯進靈輜喪車也音而

駸駸

陸士衡挽歌翼々飛輕軒駸駸策素旗按轡遵長簿送子長夜臺

重輓

嘆息重輓側輓楚觀切棺也

輜軒

陸士衡輜軒喪車也陸士衡

魂輿

魂輿寂無響但見冠與帶魂車也陸士衡

六紼

杜預要集凡挽天子六紼諸侯四大夫二士一

復土

復土漢書音義下棺訖復以穿壙土填塞故云

寧極

權相吳善注先生碑云寧極于露仙館寧極美墓也

埋一枝

九泉大夜埋吾一枝祭妹文

萬鬼隣

已化一棺之土將為萬鬼之隣四六集



瞻帷

瞻帷喪車之帷

就木

就木入棺也左氏云又二十五年則就木矣

襄事

襄事襄成也成其葬事左傳

輻車

輻車音溫本以開闔溫涼得名後遂專為喪車

鯖車

鯖音青喪車也殯則謂之鯖車葬則謂之柳車

柩不入郵

唐法喪柩不得入郵

喝邊簫

謝希逸誄鏘楚挽於槐風喝邊簫於梅霧注喝鳴也

題湊既肅

題湊既肅虛筮既辰注題湊梯木向內也謝希逸詩

葬樂池

盛姬亡穆王乃殯姬於穀丘之廟葬於樂池之南謝希

逸誄

遵吉路

遵吉路兮凶歸

喪事淮約

喪事淮約用過乎儉蔡伯喈碑

會葬千人

陳太丘死會葬千人以上

塚墓門

汲塚

汲魏地也冢襄王家也晉太康二年汲縣民不準盜發古冢獲書皆竹簡素絲編素一絲

冥漠君

謝惠連祭古冢號之爲冥漠君

象初連山

霍去病冢象初連山本傳

過家上塚

岑彭南還津鄉有詔過家上塚

杳冥君

薛稷爲杳冥君銘其略云時代攸徂寧窮姓氏久歇火風爰歸地水

柏下人

諸人共遊周家墓柏下詩云感彼柏下人

換金校尉

曹操置發丘郎將摸金校尉所過隳突無骸不露

文冢

劉蛻文冢銘在梓州

叢鄉

富鄭公於徐州葬遺骸爲一大塚曰叢冢有人過除夜迷失道入一村落居民甚衆問之曰此名叢鄉富鄭公所建乃其冢也去月瑣高議

宮人斜

唐內人墓謂之宮人斜四仲遣使祭之見春明退朝錄

石押衙

汴都之南百餘里有周公墓、前一石人能為怪人或遇之多稱魯校書或石押衙洞微志

葬玉埋香

王溪編事王蜀時秦州節度使王承儉築城獲瓦棺中有石刻曰隋開皇二年渭州刺史張崇妻王氏銘文有深、葬玉鬱、埋香之語法喜苑

石賢士

有田家毋於墓前石人下以肉祭之云此石人能愈疾故來謝人皆禱之疾多愈因號石賢士謝氏見聞記

宿草

曾子曰朋友之墓有宿草而不哭焉注宿草陳根也師心喪三年朋友期可

神道

後漢中山簡王薨詔大為修冢塋開神道注云墓前開道

黃壚

選曹子建詩常懼顛沛抱罪黃壚注黃壚墳墓也

始寧墅

謝靈運有過始寧墅詩蓋其祖父所葬并有故宅

流藹

陸士衡詩悲風鼓行軌傾雲結流藹注流行藹蓋也

玄廬

重阜何崔嵬玄廬竄其間注墓也

萬鬼隣

陸士衡詩昔居四民宅今託萬鬼隣

白楊

荒草何芸芸白楊亦蕭蕭淵明詩

松銘

駕言出遠山徘徊泣松銘潘岳

狐兔塵

鮑昭蒿里歌聲我長恨意歸爲狐兔塵

哀隴

梁昭明太子作虞山招直治碑云遠望仙雍則高墳蕭

女旁臨齊女則哀隴蒼茫

黃坡

夫差女詩云悲怨成疾沒身黃坡

虎丘

闔廬所葬有金精之異故名虎丘

千人石

虎丘澗側有平石可容千人坐謂之千人石俗傳因生

公講法于此

埏中

埏音延墓道也

芻靈

芻靈草人也

榮瓏

上音榮墓域也秦晉間謂冢爲瓏

玉鳧

闔閭葬銅棺三重傾池六尺玉鳧之流扁諸之劍若以鳥出越絕書

封冢

宣帝思張賀恩欲封其塚爲恩德侯置守塚二百家師古曰身死追封故曰封冢

髀體黃漢

溫韜在耀州發掘唐帝諸陵殆盡授代歸闕或憂其嗣之子曰使一髀體黃漢足了一年言得金偶人也  
青松宅

鮑溶詩謂墳爲青松宅

並枕樹

三吳記潘章夫婦死葬冢木交枝號並枕樹

福德田

史氏唐開元人也捨高原之田十餘頃爲衆人葬地名曰福德田

女正人

益州記荔枝灘東南山頂上有一塚唯生女正人郡國志云樊道縣王女塚是也其縣屬戎州

民塚

在番禺縣郡國志云盧循龍廣州民死三萬循葬之共塚名之曰民塚

宋玉墓

宋玉墓在宜城縣

青犬塚

青犬塚在寶應縣北十五里古老云漢時張氏好飲一日出市醉還倒臥草中野火作犬于淮水戰帶泥水四面展草火不能害犬力疲而死主人以家人禮葬之

蓬穎蔽塚

蓬穎蔽塚穎塊也言塊土上生蓬蓋小塚也

燕銜土

臨江閔王榮被徵自殺葬藍田燕數萬銜土置冢上百姓傳之

京兆阡

京兆尹曹氏葬茂陵民謂其道爲京兆阡原涉慕之廼買地開道立表曰南陽阡人不肯從謂之原氏阡涉父爲南陽太守故云游俠傳

方中

方中謂廣中也出前漢

銘旌志石

將掩壙施銘旌志石於壙門之內

掃墓望喪

後來之士立身從政縱不能爲子高間以待封豈可令毋掃墓而望喪乎

古萋林

古萋林在下邳有大冢徐君墓延陵掛劍處

塚成鱗

千年松柏下稠疊塚成鱗

旌表石

葭萌縣漢樂卿石羊墳有旌表無書字年號亦無

荒塹

暫啓荒塹長局幽隴墓中道也劉夫人墓志

魚山

陳思王植初登魚山臨東阿喟然有終焉之志遂營為墓

生居冢

生居冢在海康縣西北舊經云昔有人避難鑿池深千丈上累爲冢下爲隧道以入全家居之

行楸

岌岌雙表列列行楸行胡郎反楸墓也懷舊賦

柏森森

柏森森墳纍纍上

蔓草縈骨

蔓草縈骨拱水歛魂恨賦

昭丘

昭丘楚昭王墳也方言冢大者爲丘

謚誄門

極其思致

何法盛晉中興書顏延之爲始安郡道經潯陽常飲淵明舍自晨達昏及淵明卒爲誄極其思致淵明詩

文君作誄

西京雜記司馬相如死文君爲作誄

作誄者四十人

晉郗超死貴賤操筆作誄者四十人

柳下惠妻作誄

柳下惠死妻自作誄門人不能損一字列女傳

碑銘門

六作家

王縉好與人作碑志有送潤毫者悞叩其兄右丞維門  
維曰六作家在那邊盧氏雜記

豐碑

公室視豐碑言視者時僭天子也豐碑者斷大木爲之

形如石碑於樽前從四角樹之穿中於間爲鹿盧下棺  
以絳繞天子六絳四碑前後各重鹿盧也禮

十五字碑

唐裴敬撰李太白墓碑銘云貴盡皆然名存則難乃予  
重宮作李翰林碑十五字而已

作鎮石

秦王俊薨王府僚佐請立碑上曰欲求名一卷史書足  
矣何用碑爲若子孫不能保家徒與人作鎮石耳

樹碑表墓

樹碑表墓昭銘景行蔡伯喈碑

石誌

吳均齊春秋王人曰石誌不出禮典起宋文帝元嘉顏



延年爲王琳石誌劉夫人墓誌注

中河墜月

齊文獻王薨年四十九薨武帝勅王融爲銘云半岳摧  
峯中河墜月帝流涕曰此正吾欲言也

不了語

老卒推倒退之淮西碑曰碑文有不了語謂不述李愬

瘞玉

瘞玉勒成安金垂烈

忌諱門

洛雜

漢以火德王天下都洛陽以洛字旁有水水尅火遂改  
統注

隨隋

隨以魏齊不遑寧處文帝惡之去走單書隋字

小小不具

符生有目疾其不足不具少無缺傷殘毀偏隻之言皆  
不得道太醫令程延合安胎藥問人參好惡并藥分多  
少延曰雖小小不具自可堪用生以爲譏已鑿延目出  
而後斬之

詛盟門

銅棺誓

長沙有銅棺山湘中記云程普闕羽分界於此共鑄銅  
棺爲誓相侵者以銅棺着之

明誓

丹青著明誓千載不相忘 阮嗣宗詩

指白水

指白水而旌信 援青松以示心 絕交論

憂制門

承諱

文選楊荊州誄曰承諱 怛注云在遠聞喪曰承諱

編冠素紕

祥而編注云編冠素紕也 紕避支反 檀弓

徒月

是月禫 徒月樂注言禫明月可以作樂 上

草上殘息

上殘息復過今酷言丁父母憂也 袁昂傳

### 孝隱士

何黯字子哲居父母憂幾至滅性世以為孝隱士 謂其弟徽為小隱士

服舍

易王薨未葬太子建嗣居服舍注倚廬 聖室之次也

還膊

原涉父死讓還南陽 賻涉父為南陽太守

聖室

齊縵服累塹為聖室 剪蒲為席不緣

一溢米

父母之喪食粥朝一溢米 暮一溢米 注二十兩曰溢 一溢為一升 二十四分升之一也

倚廬墓所

田德懋丁父艱高祖降璽書曰知在窮疾哀毀過禮倚廬墓所負土成墳宜自割抑以禮自存也

瘡巨鬻深

瘡巨鬻深不勝荼毒

實氣摧魂

實氣摧魂扣心泣血

衣裳外除

衣裳外除心哀內疚禮記曰親喪外除鄭玄曰日月已竟哀不忘也李翰曰謂除脫衣服也

憂心如醒

長懷永慕憂心如醒

家艱

歷試無効且有家艱謂有父母憂也

順變

喪禮自初喪至終每變必異

內憂

內憂毋喪也

私艱

予既有私艱岳遭父憂故云懷舊賦

至艱

生人之至艱荼毒之極哀寡婦賦

苦席

易錦茵以苦席言居喪也同上

險冢

臣以險冢夙遭閔凶陳情表

倚庐

注倚墻至地而爲之無楣柱也

起復門

外墨

張說姚崇碑敦踰起復衰麻林墨宋棘內變毀禮中權  
通議所貴

奪服

桓焉以母憂賜牛酒奪服

起令視事

三彪上言如有遭父母喪者皆得終服若無

厥官則優旨慰喻起令視事但綜理所司出納敷奏而

已國之吉慶一令無預帝覽稱善尋施行焉

官舍設靈

傅咸繼母喪以無兄弟自陳詔乃使於官舍設靈

攝事

張華爲度支尚書母憂詔令攝事決成伐吳之計

素甲觀兵

李雄母死欲申三年之禮任回諫曰昔武王素甲觀兵  
晉襄墨經從戎

公除

宋庾蔚之謂公除是公家除其喪服

金革奪情

韋冲丁母憂俄而起爲南寧州總管詔曰知在難疾且月亦多金革奪情盖有通式宜自抑割卽請往青

墨緣從事

令狐熙丁父憂河陰之役詔令墨緣從事

賻贈門

法贈

何並病作先令書以告子恢吾生素餐日久死雖當得法贈勿受

賻贈

白虎通士貨賄曰賻車馬曰賙玩好曰贈衣被曰襚春秋說題辭曰知生則賻知死則贈

出自机杼

後漢王丹其友人喪親丹懷緘一疋陳之主人前日如丹此緘出自机杼

百金稅

朱建母死辟陽侯廼奉百金稅注贈終者之衣式苟反其字從衣

祭奠門

寒冰乾飯

顧憲之遺令云范史雲烈士之高亦奠以寒冰乾飯

祭幄七十

唐辛雲京葬中使及諸節度祭者七十幄

禪月掩魄

寶舟輟棹禪月掩魄李白祭璿和尚文

祖奠

輜在庭設祖奠於輜東輜樞車也檀弓

瓜表餘犀

瓜表餘犀犀瓜瓣也祭古塚文

絮酒一卮

會葬者屯車千乘懷賢者絮酒一卮

椒醕蘭羞

椒醕方新蘭羞將錯挽詞文

酸風

酸風去路遙鄭文肅挽詞王禹玉用李賀酸風

苦月

寒照苦月隴暗積愁雲裴將軍挽歌

釋巾

邢邵釋巾為魏宣武挽郎

寵悼

吳兢永泰公主挽詞畫綬哀榮備遊軒寵悼彰

白虎捧箭

許遠守睢陽有祭文云太一先鋒蚩尤後殿蒼龍持弓

白虎捧箭

華屋

生存華屋處零落歸山丘子建詩

楚挽

謝都督挽歌云楚挽繞廡

海錄碎事卷第二十一



國家圖書館, NATIONAL CENTRAL LIBRARY, TAIWAN, R.O.C.

清金石錄

卷三

四

海錄碎事卷第二十二上

宋

泉州太守葉廷珪

類集

明

河南僉憲劉鳳

重校

鳥獸草木部

飛鳥門

水穀公


陸龜蒙詩一生無事煙波足唯有沙邊水穀公

共命鳥

老杜道林寺行云蓮花交響共命鳥釋氏書有共命鳥  
二首而一身

結遼鳥

結遼鳥唐會要林邑國有之謂之吉了鳥能人語





波斯鷺

波斯國有鷺鳥噉羊 出梁史

周周

周周尚銜羽蛩蛩亦念飢周周鳥名重頭屈尾飲于河則必顛常銜其羽然後得飲 阮嗣宗

歸飛翼

仰瞻凌霄鳥羨爾歸飛翼 陸士衡詩

聾聾

陸龜蒙詩魚鳥空聾聾左思賦魚鳥聾聾乃物蠢生也上語彪反下魚乞反

摩天游

寒蟬在樹鳴鶴鵠摩天游 王仲宣詩

出林翮

遲遲出林翮未久復來歸 淵明詩

殼卵

譬猶殼卵始生翰毛鳥子也 口角反陳琳檄

木客鳥

異物志廬陵有木客鳥大如鵲云是木客化作鳥

庶鳥

龍生鳳鳳生鸞、生庶鳥

鷓鴣鳴

鷓鴣鳴日向南不北逃間鳴懸胡蘆繫頸

甲孜

甲孜晚鳥沉幽語歷刺烟皇露病梢 林逋詩

鳥曰

張祐詩杜鵑花發杜鵑叫鳥曰花生鳥曰啼

鷄頭鵲

東坡謝人牛尾狸泥深厭聽鷄頭鵲酒淺欣嘗牛尾狸  
注蜀人謂滑、為雞頭鵲

好鳥

好鳥鳴岩岨吳筠與朱元思書自富陽至桐廬奇山異  
水天下獨絕好鳥相鳴嚶、成韻

介鳥

雜介鳥也尔雅疏

薄天飛

翔鳥薄天飛選詩

晴交

鶴以声交鵲以意交鳩鵲以晴交而孕尔雅疏

巢南枝

胡馬嘶北風越鳥巢南枝選詩

風翔雨舞

爾雅疏風翔則風雨舞則雨霜飛則霜露翳則露注曰  
風禽鳶類越人謂之風伯翔則大風商羊一名雨鷗鷗  
飛則霄霜露禽鶴也鶴之馴養於家庭者飲露則飛去

朝朝夜啜

林鳥朝朝水鳥夜啜尔雅疏

野義豢搏

鴛鴦野則義豢則搏水鴛澤則羣擾則逐尔雅疏

右掩左雄

爾雅曰鳥之雌雄不可別者以翼右掩左雄左掩右雌鄭時箋云陰陽下之義也

離渠

爾雅疏鵠鴿一名離渠頸下黑如連錢故杜陽謂之連錢

連錢見上

鳥擇木

鳥則擇木木豈能擇鳥耶左傳

沸河

禽經云淘河在岸則魚沒沸河在岸則魚出淮南子云鳥有沸波令大雕飛水上扇魚令出沸波攫而食之

鳩逐婦

語曰天將雨鳩逐婦蓋鳩陰則屏逐其匹晴則呼之

毅鳥

禽經鵠毅鳥也鷗信鳥也

巧婦

巧婦鳩性拙鷓性巧俗呼巧婦一名工雀取茅爲窠至精密以麻紮之刺鞮然又一名鞮雀

鞮雀見上

脩鷓短鳧

沈約郊居賦秋鷺寒鶩脩鷓短鳧鷓鷓也

一宿鳥

毛詩傳鳩一宿之鳥箋云一宿者一意於所宿之木也

冠鳥

禽經冠鳥性勇帶鳥性仁纓鳥性樂冠鳥若鷹是也帶鳥若練鵲是也纓鳥若緩鳥是也

脂餅

舊說鳥雀尾上有肉高有穴者名脂餅每引嘴取脂以塗翅毛則悅澤雨露不能濡

一為鴟

禽經曰鶴生三子一為鴟鳩生三子一為鴟

蔥鶯

魯都賦綠鶯蔥鶯言鶯色青

韓朋鳥

搜神記韓朋大夫妻美宋康王奪之夫妻皆自死王怒

埋之其塚相望經宿忽有梓木枝連於上有鳥如鴛鴦

棲其木人謂之韓朋鳥

青鷗

春山有白鳥青鷗執犬羊食鹿豕

報春鳥

顧渚山茶記山中有鳥如鸚鵡色蒼每至正月二月作聲云春起也至三月四月春去也採茶人呼為報春鳥

王母使

翩翩三青鳥毛色奇可憐朝為王母使暮歸三危山陶淵明詩

蚊母鳥

江南有蚊母鳥夏月夜鳴吐蚊叢葦間又蚊樹枇杷熟

則皮裂蚊紛然而出 國史補

### 重明集

祇支國獻重明鳥似鳳而小云能獲妖災國人每掃戶以望其集 拾遺記

### 三青鳥

龜山西王母有三青鳥主爲母收食 出山海經

### 鷓鴣南翥

鷓鴣雖東西廻翔開翅之始必先南翥其鳴自呼薄杜又本草云自呼鈎輶格磔故李羣玉詩云方穿詰曲崎嶇路又聽鈎輶格磔聲 嶺表異錄

### 鬼車

鴉又名休鷓夜飛晝伏能拾人爪甲以爲凶凶則鳴於

屋上故人除爪甲必藏之又名夜遊女好與嬰兒爲祟又名鬼車又名魚鳥能入人屋收魂氣其頭有九爲犬所噬一首常下血滴人家則凶故聞其聲則擊犬使吠以厭之休鷓晝目無見夜則目鳴陳藏器引五行書除手爪埋戶內此鳥乃姑獲鬼車之類也姑獲夜飛晝藏一名天帝少女一名夜行遊一名隱飛好取人小兒養之今小兒衣不欲夜露爲此物愛以血點其衣爲誌卽取兒也 嶺表異錄

### 翡翠

廣志翡色赤翠色紺江淹翡翠賦云彼二鳥之奇麗

### 大蒼

馬融書晚秋涉冬大蒼出籠黃棘下兔毛以乾葵大蒼

鷹也

題肩

詩疏隼鷓也齊人謂之題肩

林鳥同心

林鳥同心池魚比目 梁元帝駕鴛鴦賦

一生分

金鷄玉鵲不成羣紫鶴紅雉一生分上

鷓鷯壓火

鷓鷯江東人家養之以壓火災故摯虞賦云見水則喜睹火則憂

食短狐

臨海異物志鷓鷯食短狐其在溪中無毒氣

六紛員

漢房中歌云赤鴈集六紛員注言赤鴈之數六也 真音云

撥穀鳴

日出撥穀鳴田家催鋤犁 李白詩

五色毛

羣鳳憐容鳥差池相哀鳴各拔五色毛意重太山輕 李白詩

吟晴日

谷鳥吟晴日江猿嘯晚風 李白詩

紅翠

皮日休羅浮山紅翠數聲瑤室響注紅翠鳥名也浮山有璇房瑤室七十二

孝順鳥

鄭箋鳩鳥之謹想者人皆愛之則是謹愨者孝順之鳥也

求偶鳴子

山鷄晨羣野雉朝雝求偶鳴子悲號長嘯

竹林

竹林靜啼青竹笋竹林鳥名也

媚蝶乳鶯

媚蝶乳鶯劉子儀

田鵲題鳩音第桂

臨海異物志題鳩也春三月鳴晝夜不止音聲自呼俗言取梅子塗其口兩邊皆赤上天自言乞思至當麥子

熟鳴乃止耳

車覆粟

論語疏公冶長辨鳥雀語云喑喑嘖嘖白蓮水邊有車覆粟車脚淪泥犢牛折角收之不盡相呼其啄遣人驗之果然

金吾鳥

漢武帝更中尉為執金吾師古曰金吾鳥名也主辟不祥天子出行職先導以備非常故執此鳥之象因以名官

杜宇

望帝禪位於鯀靈升西山隱焉時適杜鵑方鳴俗思帝思號為杜宇以誌其隱去之時或曰杜鵑望帝精魂所

化

苦姑

南海有苦姑鳥聲如人音多懷悽愴異物志謂之苦鳥

黑鳥

夏小正云十月黑鳥伍黑鳥鳥也伍謂飛乍高乍下也

翡翠

張揖上林賦注翡翠大小如雀雄赤曰翡雌青曰翠

剛蟲

東京賦剛蟲搏鷲注鷹豺之類也

鴻儔鵠侶

鴻鵠羣飛故有儔侶蜀都賦曰鴻儔鵠侶

奇鶴

奇鶴九頭音倉鳥也江賦

雲飛水宿

雲飛水宿弄吭清渠蜀都賦

鳩鷓

鳩鷓鷓也

人舌

山海經黃山有鳥其狀如鴉青羽赤喙人舌能言注舌似小兒舌

桑飛

鷓鷓方言曰桑飛

離鷓

嚶若離鷓鳴清池琴賦



薄天遊

琴賦眇翮、道薄天遊注薄迫也

思婦

思婦鳥名也

田鶴沙鵝

田鶴遠相叫沙鵝忽爭飛謝玄暉詩

蒿下飛

青鳥海上遊鸞斯蒿下飛阮步兵詩

排空

淮南子云鳥排空而飛

佩善芳

王元長詩序云佩善芳善芳頭若雄鷄佩之令人不寐

注遠國異鳥名

獨足鳥

梧州新寧縣所出啄脚皆赤藻縵相輝

金足鳥

出梧州廣寧縣羽翰如玉啄脚如金其鳥自呼商羊

自呼商羊

見上

音声子

鳥名出興州百舌之類也

錦駝鳥

錦駝鳥出秋浦如吐綬鷄見李白詩

惜春鳥

惜春鳥大不踰燕其声曰莫摘花果人謂之護山鳥

擣藥鳥

不見其形但聞其聲如杵臼敲磬人謂之葛仙翁擣藥鳥

雲韶部

雲韶部有二種亦謂之音聲鳥

音聲鳥見上

波鴻

波鴻水鳥也

鷗鷺門

鷺出鼓中

吳王夫差時有雙白鷺飛出鼓中而入雲也古今樂錄隨潮鷗

南越志漲海有鷗鳥隨潮上下

昆明鷺

樂府王僧孺咏鷺詩願識昆明鷺乘流飲復棲鷺目成

變化論曰鷺目成而受胎鶴影接而懷卵鴛鴦交頸野鵲傳枝

絲禽

鯉錦衝風擲絲禽掠浪飛陸龜蒙詩絲禽鷺也

帶絲禽

帶絲禽白鷺也

葭下食

蘇子卿咏鷺云非貪葭下食懷恩自遠歸

春鋤

鷺一名春鋤步於淺水好自低昂故曰春鋤亦謂之獨春

燕門

吳宮燕

吳宮燕宮人晉瓜以記更來

西飛燕

東飛伯勞西飛黃姑阿母時相見

僵燕

涸魚思雨潤僵燕望雷蘇李紳詩

差差燕

灼灼海棠誰復折差差燕子又還飛王禹玉詩

燕妬

范質云有二燕巢舍下其雌為猫所搏其雄別偶一燕哺食如故數宵諸雛墮地死剖之則有羨慕盈於嗉中蓋為繼燕所害凡有血氣者未嘗無憎愛嫉妬之心也

鷺鳥

燕一名天女一名神女一名鷺鳥

鶯門

黃袍

黃鶯一名黃袍

閔女歌

鶯唱閔女歌瀑懸楚練帔

蠻蠻

山海經崇丘山有鳥狀如鳧一翼一目相得乃飛名曰蠻蠻郭景純云此比翼鳥也爾雅謂之鵙鵙

黃鸝留

爾雅釋云離黃倉庚也鳴則蚕生毛詩草木疏云黃麗留或謂之黃栗留幽州人謂之黃鶯一名商庚一名鶯黃一名楚雀齊人謂之搏黍關西謂之黃鸝留也關而東謂之倉庚關西謂之黃鸝留也

鶯簧

清浮酒蟻醅初撥暖入鶯簧舌漸調

鴻鴈門

點點鴻

江湖今日還勞結目送歸飛點點鴻林逋

旅鴈

旅鴈同洲宿寒鳧夾岸飛張正見詩

舒鴈

鵞一名舒鴈江東呼爲鵞

客鴈

蘆洲客鴈報春來李義山

鴈噙噙

鴈噙噙而南游離騷

鴈子

太液池中鳧雛鴈子布滿克積

單汎

羣浮動輕浪單汎逐孤光沈休文詩

足蹠踵企

爾雅鳧鴈醜其足蹠其踵企足蹠謂相聯屬也

朱鳥

燕一名玄鳥鴈一名朱鳥

客南淮

往春翔北土今冬客南淮言鴈如此應德璉詩

鵲門

烏鵲南飛

月明星稀烏鵲南飛繞樹三匝何枝可依魏武帝

靈匹

雲漢有靈匹弥年闕相從 謝惠連詩

乾鵲

乾鵲知來猩猩知往淮南子

嚮天一

淮南子云螿蟲鵲巢皆嚮天一

鵲制蝟

蝟能制虎見鵲便仰腹受啄中其矢輒爛淮南子云鵲矢中蝟

鳩鵲

後漢章帝條支國貢異鳥名鳩鵲高七尺解人語國太平則羣翔鳴焉

神女

鵲一名神女七月填河成橋

芻尼

作七夕詩押潘尼字衆人竟和充成詩者僕時不曾賦  
後因讀藏經呼喜鵲爲芻尼許彥周詩話

鳳門

鳳十子

易林云鳳有十子同巢共懼以相保

鳳花臺鳥

幽怪錄柳歸舜泛舟巴陵風飄至一處有鸚鵡數千相  
呼姓字有名武遊郎者有名阿蘇兒有名武仙郎者有  
名自在先生者有名踏蓮露者有名鳳花臺者有名戴  
蟬兒者有名多花子者又云吾乃鳳花臺鳥也

鳳靡鸞吡

鳳靡鸞吡百鳥瘞之注云鳳死曰靡鸞死曰吡禽鳥豕

土以瘞藏之尔雅疏

玉池津

朝食琅玕實夕飲玉池津言鳳也嵇叔夜詩

瑞鷗

師曠禽經鳳亦曰瑞鷗盖瑞應鳥也

瑞鳥

又曰鸞瑞鳥注云鸞者鳳鳥之亞始生類鳳久則五彩  
變易故字從鸞

雞趣

鸞一曰雞趣王者有德則見尔雅疏

錦鳳

軒渠國有九色鳥青口綠頸紫翼紅膺丹足紺頂碧毛

海鏡圖  
卷五  
細背玄尾名曰錦鳳其青多紅少謂之綉鸞常從弱水西來或云是西王母之禽也

綉鸞見上

雙彩鳳

遙裔雙彩鳳婉變三青禽以歡秦娥意

白詩

鳳圓

流沙之西丹山之南有鳳之圓圓古卯字

和鸞

鸞雌曰和雄曰鸞禽經

白鳳雛

有燕巢長數尺忽羣鳥翔集因毀巢有白雛飛出羣從

去又有燕巢中有赤光毀之一赤龍子長尺許鱗甲皆具少頃故騰躍而去金華子

鳳凰子

王獻之詩客從北方來言欲到交趾遠行無他贖唯有鳳凰子百金我不欲千金難爲市

烏門

窮鳥

何遜作窮鳥賦云望絕侶於霞端聽翔羣於日晚

三足鳥

家語曾子至孝三足鳥棲其冠

烏頭白

燕丹質秦求歸秦王不聽曰烏頭白乃可歸丹仰天嘆

鳥乃頭白遂得歸

雅鳥

爾雅云小而腹下白不及哺者謂之雅鳥說文字林皆云楚鳥是也

集庭樹

虞博為都陽令白鳥羣集其樹晉本傳

聞弦驚

太宗鳥詩近日毛雖煖聞弦心已驚

鳥性壽

舊說鳥性至壽三鹿死後能倒一松三松死後能倒一鳥

尾畢通

漢桓帝時謠云城上鳥尾畢通

麗城

楊師道詩朝飛麗城上唐太宗咏鳥凌晨麗城去

孝鳥

許慎說文鳥孝鳥也

哀鳥

哀鳥吟夜注云鳥失雌雄則夜啼

巢門

吳順至孝養母有赤鳥巢門華陽國志

雀門

寒鳥噉

不覩白日景但聞寒鳥噉音歡



雀化 見水族門

義雀行

賈島賀朱評云玄鳥夕不歸曉曉遺衆雛雙雀抱仁義  
哺食勞劬劬禽賢雖自彰幸得主人書

嘉賓

黃雀一名嘉賓古今注

鶴門

丹歌

趙自然詩丹歌時引舞來去跨雲鸞丹歌鶴也

江陵鶴

劉義慶世說羊祜鎮荊州於江陵澤中得鶴教其舞動  
以樂賓友

鶴乘軒

狄人伐衛懿公好鶴有乘軒者國人受甲者皆曰使鶴  
鶴實有祿位余馬能戰遂爲狄滅

鶴知夜半

繁露曰鶴知夜半鶴水鳥也夜半水位感其生氣則喜  
而鳴也

還丹使

茅君傳云鶴者是九轉還丹使

子孫鶴

池棲子孫鶴堂宿弟兄仙陸龜蒙寄茅山何道士詩

獨足鶴

漢武時有獻獨足鶴東方朔曰此山海經所謂畢鸞

珠樹鶴

李白賀監借問欲棲珠樹鶴何年却向帝城飛

鶴怨鷄嗔

禽經曰鶴以怨望鷄以貪顧鷄以嗔睨鴨以怨雀以猜  
瞿燕以狂眈視也鷲以喜嚙烏以悲啼鳶以飢鳴鶴以  
潔喚梟以凶斗鷓以愁嘯鳴也

兵爪

鶴左右脚裏第一指名曰兵爪 酉陽雜俎

落子毛

鶴二年落子毛 鶴經

藻質明心

鍾浮曠之藻質抱清迥之明心 舞鶴賦

靈祀

積靈祀而方多鶴壽故云

翔紫蓋

衡山有三峯一名紫蓋天明輒有一雙白鶴翹翔其上  
清響亮徹 荊州記

養青田

沐溪野云青田九里有雙鶴年年生伏子長大便去只  
余父母一雙精白可愛多云神所養 永嘉郡記

九臯介鳥

九臯介鳥介大也謂鶴也 思玄賦

鸚鵡門

言鳥

漢異域志獻言鳥注云鸚鵡

鸚鵡

鸚鵡說文云能言鳥也張昭云鳥有鸚鵡請覓鸚鵡父

南越鳥

張祐鸚鵡詩栖栖南越鳥

鸚鵡塚

廣南進白鸚鵡洞曉言詞呼爲雪衣女一日爲鷹所斃  
遂瘞苑中爲鸚鵡塚見開元天寶遺事

鴛鴦門

匹鳥

文選注鴛鴦一名匹鳥也

孤鴛鴦

中有孤鴛鴦哀鳴求匹偶

河曲鳥

思爲河曲鳥鴛鴦也陸士衡詩

鴛鴦門

愁鴛

茅棟嘯愁鴛平岡走寒兔沈休文詩

梟反噬

北山錄曰鳥反哺梟反噬

梟鏡

古者祠黃帝用一梟破鏡以梟食母破鏡食父破鏡如  
狸

土梟

釋鳥梟鳩土梟也釋氏書云如土梟等附塊爲兒

鴉門

昏鴉

何遜詩城陰度塹黑昏鴉接翅飛老杜使此事云無人  
竭浮蟻有待至昏鴉

仁鳥

晉文公焚林求介子推有白鴉遶煙而燥呼曰仁鳥俗  
謂烏白臆者爲慈烏亦其類也

金背

魚衝駭浪雪鱗捷鴉閃夕陽金背光

燕鳥

爾雅云鷗白項而羣飛者謂之燕鳥白臆鳥是也

鳥鴛四

晨鳧

晨鳧于路鳴七命

月汀星沼

吳融鳧詩不在龍欄夜仍好月汀星沼剩徘徊

艷艷衣

野鳧詩三三兩兩自相隨檀頸頸看艷艷衣

家鶩

爾雅曰舒鳧鶩釋云鶩鴨也一名舒鳧李巡曰野曰鳧  
家曰鶩

露華鶩

露華鶩以秋冬生卵出廣志

鷹鷂門

鞞上鷹

昔如鞞上鷹今如檻中猿古候反鮑明遠詩

晨風

晨風懷若心注鷹鷂屬選古詩

青鞵

青鞵繫於籠中何以効其撮東郭於鞞下也

百中

秋緯進秋隼詩應隨明主意百中有光輝

鷹將軍

蕭轂野田黃雀行云寧死明珠彈且避鷹將軍

掠風翎

鷂兩翅各有複翎右名掠風左名掠草

鷹弭角

禽經曰鷲啄則絲弭鷹捕則角弭藏殺機也

白鵲將軍

朝野僉載太宗養白鵲號將軍取烏常驅至殿前故名  
落鴈殿常令送書從京至中都與魏王仍取報日往返  
亦陸機黃耳之類也

孔雀門

珠毛

孔雀尾端一寸名曰珠毛

因雷孕

釋氏書言孔雀因雷聲而孕酉陽雜俎

孔家禽

珠繁楊氏果翠耀孔家禽 林逋詩

子規門

怨鳥

杜鵑一名怨鳥夜啼達旦血漬草木

謝豹

江介日子規啼苦則倒懸於樹自呼謝豹也

催歸

退之詩喚起窻全曙催歸日未西無心花裏鳥更與有情啼催歸子規也喚起聲如絡絲員轉清亮備於春晚鳴江南云春喚山谷云

子雉

音規子雉鳥也尔雅疏

雉周

舊周尔雅注今之子規也

走獸門

猴無脾

猴無脾以行消食

鹿無魂

道書中言麋鹿無魂故可食

李耳

方言陳魏宋楚之間謂虎為李父江淮南楚謂虎為李耳注云虎食物值尾而止以觸其諱故止神虎記

麋暖

博物志麋掘澤草而食其場成泥名曰麋暖民隨此暖種稻其收百倍

購三千

漢律捕虎一購錢三千豺一購錢百

兼十牛

郭璞象讚云象實魁偉體巨貌詭肉兼十牛目不踰豕

於菟

音烏徒楚人謂虎爲於菟出左傳

一封駝

漢書大月氏出一封駝注脊上有一封李義山詩取酒一封駝

咆虎

咆虎響窮山鳴鶴聒空林咆虎鳴也張景陽詩

長鳴

騏驎長鳴伯樂昭其能盧狗悲號韓國知其才盧黑犬也曹子建表

烏龍

韋善俊有犬名烏龍後化爲龍乘之而去

阿紫

狐媚人自称阿紫搜神記

百錢狸

說苑騏驎至駿也使捕鼠不如百錢之狸

山都

異物志廬陵大山之間有山都似人裸身見人便走自

有男女長四五尺

麀尾

鹿之大者為麀羣鹿隨之皆視麀尾所轉

獸彖禽瞽

馬融賦云獸不及彖禽不及瞽彖走也丑戀切瞽視也必例反

狼狽

狼狽是兩物狽前足絕短每行常駕兩狼失狼則不能動故世言事乖張則稱狼狽

燾菽

冥鳥影照翮驚狐尾燾菽韓偓

牛龍贖

焦貢易林曰牛龍耳贖蓋牛耳無竅以鼻聽龍亦聾者也

食豹似麟

穆天子傳曰狡狴日走五百里郭璞注師子也食虎豹又司馬彪續漢書曰章和元年安息國獻獅子形似麟而無角

駝煙

駝糞煙直上如狼煙也

乘騶虞

山海經云騶虞五采畢具尾長于身乘之日行千里非辰屬

陶氏云麀鹿非辰屬八卦無主故道家聽許為脯



明驄使

妃子私發明驄使遺祿山瑞龍腦香明驄者股下有毛  
夜間能明

子路

東土呼熊為子路述異記

腸寸斷

桓温入蜀部伍得猿子其母緣岸號行百餘里跳上船  
而絕破視腹中腸皆寸寸斷

辟邪兄

漢武帝時月支貢猛獸使者云乃獲天之元王辟邪之  
長兄也帝以付上林苑徑上虎頭溺虎出十洲記

長喙參軍

長喙參軍猪也古今注

摩斯叱

摩斯叱梵言弥猴也

一角羊

獬豸一角羊也性知有罪者即以角觸之

山丈山姑

山魃嶺南皆有一足反踵手足皆三指雄曰山丈雌曰  
山姑夜扣人門雄求金繒雌求脂粉

孫供奉

昭宗播遷隨駕伎藝只有弄猴者其猴甚馴能隨班起  
居昭宗賜緋袍號孫供奉羅隱下第詩云何如買取猢  
猻弄一笑君王便着緋是也朱梁僭號取此猴亦令于

殿下隨班猴望見殿上乃朱全忠徑趨其所跳躍奮擊  
遂被殺唐臣愧此猴多矣吉凶影響錄

山公

李約有山林之致養一猿名山公

蒙貴

猫名蒙貴一名烏圓其目睛旦暮圓日午則細如一線  
洗面過耳則客至雜俎

狒狒讚

狒狒讚云狒狒怪萌被髮操行獲人則笑唇蔽其目終  
亦號咷反爲我戮

西巖谷

沈約猿詩旣歡東嶺唱復佇西巖谷

狐有三德

狐有三德其色中和小前大後死則丘首出說文

玉衡精

言兔是玉衡星之精梁簡文表

白銀麋

穆天子傳天子賜曹奴之鹿白銀之麋

歸終知來

猩猩知往歸終知來神獸也淮南子

挹婁貂

魏徒挹婁國出好貂今所謂挹婁貂是也

獸君

說文虎爲山獸之君

寅客

寅客虎也亦曰寅獸

猥狎

博物志蜀中西高山有物似獼猴長七八尺能人行健走名曰猥狎音猥一名馮花又名獲伺行道婦人有美者盜而去人莫能知其所處也

猿相連

對嶺人共語飲潭猿相連李白詩

暝猿悲

望極落日盡秋深暝猿悲李白詩

猿嘯苦

風悲猿嘯苦木落鴻飛早李白詩

猿父

猿父哀吟獼子長嘯獼胡毘反猿父也

白額侯

白額侯虎也

巴西侯

巴西侯猿也

鉅鹿侯

鉅鹿侯鹿也

玄丘校尉

玄丘校尉狐也

犀三角

山海經注犀似水牛而豬頭黑色有蹄三角一在頭上

一在額上一在鼻上

舍利獸

舍利颯化爲仙車注舍利獸名性吐金故名舍利  
選東京賦

狼頭牛尾

麟麇身牛尾狼頭一角黃色馬足何法盛晉中興徵祥記

龍鯉

選江賦龍鯉一角山海經龍鯉陵居其狀如鯉

犬信信

猛犬信信而迎吠音銀離駘

封狐千里

封狐千里言其捷走千里也上

九尾禽

七命云苑戲九尾之禽囿棲三足之鳥九尾狐也

囊裡

囊裡出賀州形如犬色青黃食果實其香如鹿

嬾婦獸

出象州異物志云昔有婦嬾織姑撻之死爲此獸其膏以照讀書績紡則暗若宴會歌舞則明

獨峯牛

獨峯牛出榴州土人乘騎如馬謂之角乘

六猿仙

宜州會仙有六猿仙隱于此

九尾狐

文王應九尾狐東夷歸周 選四子講德論注

麝食柏

麝食柏而香本草名醫云麝香形似麝常食柏葉五月得香又夏自食蛇多至寒香滿入春患急痛以脚剔去置矢溺中覆之皆有常處人得之勝殺取

猶豫

說文云隴西謂犬子爲猶顏師古以爲人將犬行豫在人前待人不得又來迎俟如此往還至於終日斯乃豫之所以爲未定也爾雅曰猶獸名鹿善登木聞人声乃豫升木如此上下故稱猶豫

馬驢門

漢驢

何承天纂文云驢一名漢驢

檀特驢

北齊南天竺國檀特山有寺以驢運食山下無人控御自知往來

象龍

馮奉世使大宛得其名馬象龍而還注馬形似龍也

龍騎

輕莢承玉輦細草藉龍騎莢音啼草初生也

倚輈

昔駮驥倚輈於吳坂長鳴于良樂知與不知也良樂孫陽也

飛燕

海昇平事卷一

飛燕躍廣途鷁首戲清沚飛燕良馬鷁首舟也

謝靈運

邊馬

朔風動秋草邊馬有歸心

王正長詩

娥離

娥離之馬注息廉反良馬也

李斯書

漢驪

何承天纂文曰馬一名漢驪其子曰駮

馬如遊魚

劉楨魯賦素秋二七天漢指隅日暮宴罷車騎就衢蓋

如飛鶴馬如遊魚

千金驄

劔照七星影馬鞞千金驄

龍之友

龍媒

天馬歌云今安足龍之友又天馬來龍之媒

青海驄

隋書西域傳吐谷渾馬放入海因生驄駒能日行千里

號青海驄

五花乘

畫斷說玄宗時有涇雲五花之乘

驥子

杜詩別養驥子憐神俊顏延年天馬歌云降靈驥子九方是選

飛霞驃

談賓錄唐太宗外國有貢馬甚駿號飛霞驃

欵段

欵遲也言其形欵遲緩馬少游乘下澤車御欵段馬

照夜白

上所乘馬有玉花驄照夜白杜詩曾見先帝照夜白見一作貌

七名馬

秦始皇七名馬追風白兔躋景追電飛翮銅雀神鳧

九花虬

九花虬代宗以賜郭子儀每一鳴羣馬聳耳身被九花天子馬

天子之馬走千里勝人猛獸天子之狗走百里執虎豹穆天子傳

渠黃乘

河宗柏天渠黃之乘爲天子先穆天子八駿曰渠黃穆天子傳

馬歎玉

天子東遊于黃澤宮樂謠曰黃之隄其馬歎沙皇人威儀黃之澤其馬歎玉皇人壽穀同上

銀蹄

李賀詠馬龍脊貼連錢銀蹄白踏煙

冬瓏

穆天子走龍媒八轡冬瓏逐天回李賀詩

參差錢

青衣驄馬參差錢李賀

生猱

朔客騎曰馬劔死懸蘭纓俊捷如生猱肯拾蓬中螢李賀詩

驚帆

古今注曹真有馬名驚帆言其驟如烈風舉帆之疾

花鷹

世說支遁好養花鷹駿馬曰我憐其神駿耳

蹄間三尋

張儀曰秦馬之良探前跌後蹄間三尋

駒隨母

范質言馭馬駒隨母月初生者在前中在旁下旬在後數驗不差玉堂閑話

九逸

文帝在代有良馬九疋號九逸如赤電鱗駒紫騮綠驄驄皆其名西京雜記

越三甌

秦叔寶所乘馬名忽雷駿者每月夜設三領墨甌當前躍而過西陽雜俎

紫叱撥

韋生有駿馬名紫叱撥抱鮑生女妓善四絃者

豹錢驄

豹錢驄子能擎舉兼看連乾許換無段成式

文馬

賈逵曰宋以文馬四百疋贖華元狸文也



西極馬

漢武初得烏孫好馬名曰天馬及得宛汗血馬更名烏孫馬曰西極馬宛馬曰天馬云

玉腕騮

聞說荆南馬尚書玉腕騮杜詩注五陵節度使衛驄

秀騏

駟秀騏之後駿載軫獵之輜車

文選

小步馬

烏秣國出小步馬注所謂百步千跡者也烏秣音鴉撾

金埒

洛京地貴王濟買地爲馬埒徧錢滿之時號金埒

晉書

紅暈衝口

紅暈衝口紫光騰目言馬之俊也

一形十影

殷文圭啟二首六身英雄雅符於魯史一形十影還程遂遶於燕山注周時燕王進馬一形十影言其駿也

師子駘

煬帝使李星御馬一疋名師子駘玉篇去吉切馬色也

飛龍秋

飛龍秋游上天言駕馬騰驤秋秋然也

房中歌

七日超母

孟康曰馱駿馬也生七日而超其母

龍文魚目

龍文魚目之馬充于黃門

西漢

白鼻騮

銀鞍白鼻騮綠地障泥錦李白

碧玉蹄

紫騮鳴且嘶雙翻碧玉蹄

黎眉騮

朝策犁眉騮舉鞭九不堪

飛龍馬

勅賜飛龍二天馬黃金絡頭白玉鞍

白花駱

醉騎白花駱西走邯鄲城

浮雲驄

歸時日已晚蹀躞浮雲驄已上並李白詩

青驪

颯沓青驪躍紫騮王維詩

鮑氏驄

鮑宣及子永孫呈俱爲司隸校尉及其爲公皆履乘驄馬京師歌之曰鮑氏驄三入司隸再入公馬雖疲行步工又慕容焦有駿馬比之鮑氏驄

龍種

甘松之南吐谷渾之地有青海周圍千里海中有小山每冬來合後以良牡牝馬置此山至來冬收之馬有孕所生得駒號曰龍種

天馬子

大宛國中有高山其上有馬不可得因取五色母馬置

其下與集生駒皆汗血因號曰天馬子

赤耳騮

隋西域圖記云大宛馬其騮馬烏馬多赤耳黃馬赤馬多黑耳唯耳色別自餘毛色與韋馬不異

駒駘馬

瑞應圖曰幽隱之獸也明王在位卽至

繁鬣

分其繁鬣兩鄉被之也記周人黃馬繁鬣

黃耳

魏時西卑獻千里馬四色而兩耳黃名曰黃耳

踏雪馬

踏雪馬四蹄皆白也

舞馬

宋孝武時西域獻舞馬

龍驤赤

齊高帝號所乘赤者爲龍驤赤

馬稱一疋

藝文類聚顏回望吳門見一疋練孔子曰馬也然則馬之光景一疋長耳故後人號馬爲一疋

青龍疋

馬之美者青龍之疋追風之乘

馬郡

馬郡宜馬代君以善馬奉襄子注異之北土馬所生故俗謂代郡爲馬郡

雙瞳夾鏡

雙瞳夾鏡兩權協月赭白馬賦

目成人

相馬經目成人者行千里注視童子中人頭足皆見

刷幽燕

且刷幽燕暮秣荆越馬賦

鴻驚龍翥

歛聳擢以鴻驚時濩畧而龍翥馬賦

齒歷衰

齒歷維衰而藝美不忒注歷數也馬賦

霜戾秋登

露滋月肅霜戾秋登戾至也登成也馬賦

晚影高鳴

晚影高鳴將超中折馬賦

修埒

修埒坦其平舒馬賦

紫燕綠虵

紫燕駢衡綠虵衛轂皆馬名馬賦

膺門

膺門沫赭汗溝走血馬賦

秀騏

尸子曰馬有秀騏逢騏

紅粟秩

處以黃龍之奧委以紅粟之秩言馬食粟馬賦

精權奇

雄志倜儻精權奇 馬賦

月駟雲螭

稟靈月駟祖雲螭 馬賦

控絕景

謝玄暉詩俠客控絕景馬名也

受精皎月

受精皎月稟虛靈淵言馬也 七命

沫如揮紅

沫如揮紅汗如振血 七命

整蘭筋

相馬經云一筋從玄中出謂之蘭筋玄中者目上陷如

井字蘭筋豎者千里

驟乘旦

駕則旦至故以爲名 王褒頌

如歷塊

過都越國蹶如歷塊言如歷小塊之間上

翠黃

招翠黃乘龍于沼翠黃乘黃也龍翼馬身黃帝乘之而

浮騫

浮騫無緩轍言馬飛浮而去 謝靈運

月駟

雲螭非易足月駟本難儔武三思馬詩

金絡腦

力憊未思金絡腦影寒空望錦障泥曹唐病馬詩

銀壓胯

臆大宜懸銀壓胯力渾欺着玉街頭秦韜玉紫駟詩

望雲驩

德宗以八馬幸蜀七馬道斃唯望雲驩來往不頓後死

天廐元稹作歌

胯竦三山

蹄懸四距腦顛方胯竦三山之一人直望雲驩歌

亞身

亞身受取白玉鞍開口銜將紫金勒上

紅玉輦

唐天寶中大宛進汗血馬一曰紅叱撥二紫叱撥三青

叱撥四黃叱撥五丁香叱撥六桃花叱撥明皇為製名

一曰紅玉輦二曰紫玉輦三瑤山輦四凌雲輦五飛香

輦六百花輦復命圖之平光殿改殿名為觀出洛中紀異

水族門

四腮鱸

松江集太湖賦四腮之鱸注云四腮者珍三腮者非

魚服

潘安仁西征賦云彼而就之魚服挂魚且之密網魚服也古史

牛魚

異物志東海有牛魚其形如牛引其皮懸之潮水至則

毛起退則毛伏

海月

謝靈運詩揚帆采石華挂席拾海月石華附石生海月如鏡皆中食

海錯

海物錯萬類陸產尚午名

華鱗

出華鱗於紫淵七命

槎頭鱖

漢水中鱖甚美常禁人捕以槎斷水因謂之槎頭鱖

縮項鱖

張敬兒爲刺史作六檣船置獻齊高帝曰奉槎頭縮項

鱖一千八百頭

練木華見節序門

冠鳧

吳地志石首魚秋至化爲冠鳧頭中猶有石也

鰾魚

鰾似魴而大頭魚之不美者故語曰黃魚得鰾不如噉茹徐州謂之鰾魚

王餘魚

比目魚江東呼爲王餘昔越王爲膾剖而未切墮半於水化爲此魚南越謂之板魚

庶魚

蛟龍生鯤鰾度魚生建邪庶魚生庶魚

魚上官

鱸魚三月上官於孟夏

洛鯉

語曰洛鯉伊魴貴于牛羊

赤鯿

唐律得鯉魚卽宜放之號赤鯿

縮魚

凡諸魚欲產縮魚輒舐其腹世謂衆魚之生母

蟹輸稻

蟹八月腹中有芒芒真稻芒也長寸許東輸海神未輸不可食

龜鼈

上其拘反下音壁似龜而大其文如玳瑁可以飾器

魚丁

尔雅魚枕謂之丁腸謂之乙尾謂之丙注其骨形似篆書丁字乙字丙字也

含漿

蚌一名含漿尔雅

魁蛤

魁蛤狀如海蛤圓而厚外有理縱橫卽今蚶也尔雅謂之魁陸

梁水魴

尔雅注魴一名鮓江東呼爲鮓遼中梁水魴特肥而厚尤美於中國故其鄉語曰居就粮梁水魴



尉魚

尔雅注東萊遼東人謂鮪為尉魚或謂之仲明

捨鯢魚

家語宓子賤治單父孔子使巫馬期往觀政見漁者得魚輒舍之期間焉曰魚之大名為鱣鱮吾大夫愛之其小者名為鯢吾大夫欲長之是以捨之

蟹奴

璣珩似小蜂有一小蟹在腹中時出來食故淮海之人呼為蟹奴

巨鼇鼈

巨鼇鼈屬首冠靈山上音備下許器反 吳都賦

沈虎潛鹿

沈虎潛鹿並魚名 選吳都賦注

玉珧

郭璞江賦玉珧海月吐肉石華海物異名江珧柱厥甲美如珧玉韓退之詩馬甲柱盖謂此而世人不用珧字盖未知耳 趙德麟侯鯖集

瓦隴

瓦隴一名魁陸嶺表錄異云瓦隴殼中有肉紫色曰天蠻肉

天蠻肉 見上

水蓄

陶朱公曰治生有五水蓄第一謂養魚也

曝腮點額

交州記交趾郡封谿有龍門水深百尋大魚登此門化  
成龍不得過曝腮點額血流此水常如丹池有秦潛江  
出漚山分九十九流三百里共會一口

丙穴

嘉魚出於丙穴在漢中沔陽縣北

叔鮪王鱸

叔鮪王鱸叔小者王大者郭璞曰鮪屬大者王鮪小者  
叔鮪

虎鹿魚

江賦或鹿脰象鼻或虎狀龍顏注今海中有虎鹿魚頭  
似虎鹿也

鱒魚

音團山海經其狀如鮒而彘尾郭璞注云言團如扇之

團

鱉似便面

鱉似便面雌常負雄而行失雄則不能獨活嶺南志

蝟魚

音媚似蝦食之益顏色有愛媚出臨海水上出廣志

鸚螺

江賦鸚螺蛭蝸注南州異物志鸚鵡螺狀如覆盃頭如  
鳥頭向其腹視似鸚鵡故以爲名

洪蚶專車

江賦洪蚶專車言其大臨海水土物志曰蚶徑四尺有  
餘背似瓦壘蚶呼甘反

石蛙

石蛙居葉反南越志石蛙形似龜脚得春雨則生華似草華

玄螭

江賦云玄螭硯礫而礪礪皆不平貌南越志如馬蹄

頰螿吐璣

江賦頰螿肺躍而吐璣山海經云珠螿之魚其狀如肺而有口六足吐珠螿灼滅反

文魷孕瑯

江賦文魷孕瑯音毗山海經文魷之魚其狀如覆鮐鳥首而翼魚尾其声如磬是生珠玉

游鱗灑漚上仕咸反下仕角反

選閑居賦游鱗灑漚注出沒之貌

石班魚

石班魚出九華山雪潭長寸餘身被五色食之甘肥

石邦

石邦類蛙而大出九華山山間閩越地蛤也

魚瞰鷄睨

王褒曰魚瞰鷄睨李善注以魚不瞑鷄斜視

蛤蚧

蛤蚧大月三声小月兩声

蝦蛇

水母亦曰蝦蛇亦名海月土人爲鱠謂之雪鱠蛇除駕

石鮭

龜脚生石上有甲其子如粟春夏生苗如海一作藻亦有花所謂石鮭揚葩其狀甚異

桀步

擁劍一名桀步蓋蟹之類蝥蛄是也

懷墨

南越志云烏賊懷墨而知禮

纜魚

舊說烏蚶有石遇風則蚪前一須下石一名纜魚風波稍急卽以其須粘石爲纜

燃鐵

舊說龜脂得火可以燃鐵

蛤無臟

裴頡崇有論曰鳥無胃肺蛤蜃無臟

鸞帆

鸞殼上有物如角常偃高七八寸每遇風至卽舉扇風而行俗呼之以爲鸞帆舊云視鷓制施觀鸞制帆

獺穴

淮南子云鵲巢知風之自獺穴知水之高下

猿婦

東晉發蒙記曰獺以猿爲婦

婢妾魚

綠珠傳曰州大荒山上有池池中有婢妾魚

魚婢

江東謂青魚爲婢鰮魚爲童子魚爲士父古今注

懶婦魚

述異記淮南有懶婦魚俗云昔陽氏家婦爲姑所怒溺死化爲魚脂可燃燭照歡樂博奕則明照紡績則不復明

無腸公子

無腸公子蟹也抱朴子

石蛆沙虹

武夷君食石蛆臘沙虹鮮河祗脯注石蛆小蟹沙虹蝦也河祗脯乾魚也武夷記

雀化

風土記六月東南長風海魚化爲黃雀又禮記季秋雀入大水爲蛤故荀昶黃雀詩云空城舊侶絕滄海故交

分樂府有空城雀

禁鯤鯪

魯語宣公夏濫於泗淵里華斷其罟而棄之曰魚禁鯪鯪鳥翼殼卵蕃庶物也爾雅注云凡魚之子摠名鯪

蟹螯如山

有海賈每見兩山相對出于波各高數丈已忽不見舟人云此巨蟹螯

金螯光

于頔在海南日一夜方三更忽曉如初出移時復暗徧嶺南悉然後有海客言其夜海中見大金螯浮出目光照耀天地如白晝徐徐復沒驗其日正同方知螯光紀聞談

河伯從事

世傳烏賊爲河伯從事以其含墨也又云烏魚墨爲字  
歲久盡脫如空紙無行者取爲契券酉陽雜俎

數圓

數圓居山岸如彭蠡取土作圓數至三百則潮至舟人  
以爲候呼爲數圓酉俎

海鏡

越絕書云海鏡廣人呼爲膏菜盤、殼相合以成形外  
圓而中甚瑩潔有少肉如蚌中有紅蟹子如小豆而螯  
足皆吳海鏡飢則蟹出拾合蟹飽歸腹海鏡亦飽嶺表  
異錄

劍魚

爾雅注鯨呼爲劍魚

魚倉

永嘉記青田谿冬水熱衆魚歸之曰魚倉

龍鯉

龍鯉陵居山海經

巴憂儵

山海經云帶山茈葫之水有儵魚食之巴憂圖贊云泪  
和損平莫慘于憂詩萱草山經則儵

鰈魚

鱗鬣有蛟蜃之狀土人碎以爲鮓出戎州

龜門

玄衣督郵

崔豹古今注龜名玄衣督郵

食飛塵

曹植龜賦食飛塵以實氣

能言龜

洞冥記元封二年外國獻能言龜東方朔云唯承桂露飲之

庶龜

玄旣生靈龜靈龜生庶龜

火龜

火龜生于火中皆大鼠之類尔雅疏

六眼龜

君山上有池池中出三足鼈六眼龜

洞玄先生

洞玄先生龜也宣室志

先知君

龜又號爲先知君抱朴子

居鵲尾

史氏曰龜生百歲故居鵲尾之上

龜出頭

黃安坐一龜長三尺云伏羲造網罟得之此虫畏日月光二千年一出頭我坐此龜五出頭矣時謂安萬歲洞冥記

玉靈

玉靈龜也出史記龜策傳

波臣

莊子曰我東海之波臣也山谷云吉凶更莫問波臣

玄夫

玄夫龜也見韓文東野夫子詩



國家圖書館, NATIONAL CENTRAL LIBRARY, TAIWAN, R.O.C.



海錄碎事卷第二十二下

宋

泉州太守葉廷珪 類集

明

河南僉憲劉鳳 重校

六畜門

長髯簿

崔豹羊一名長髯簿


六擾

豫州其畜宜六擾注謂之擾者人所馴養也六擾者馬  
羊牛豕犬鷄

蟲議所食

虱入豕柵議所食曰肥豕不度臘相與食其瘠者逸士傳

烏金



唐池州有人蓄猪致富因號猪爲烏金朝野僉載

中禁齋

猪肉項上一齋謂之中禁

古旃

北虜稱牛爲古旃

犀鎧

犀鎧今之水牛通謂之犀唐書

果下牛

出廣州以其庫小可行果樹下今之犍牛是也

黃耳冢

陸機葬其犬去家二百步聚石爲墳俗謂之黃耳冢述

烏龍

搜神記張然犬名烏龍殺其奴與妻奸者

黃蒼

張彪犬名黃蒼彪爲劫所殺犬號叫屍側宛轉血中

鷄鴨門

藁頭肥

山谷詩湖稻初春雲子白家鷄正有藁頭肥

狸膏

曹植鬪鷄詩願蒙狸膏助常得擅此場

長鳴鷄

西京雜記成帝時交趾獻長鳴鷄下漏驗之晷刻不差  
長鳴一食時不絕

鷄知旦

淮南子鷄知旦鶴知夜半言鶴知之早也坡詩獨鶴不須驚夜旦

潮鷄

輿地志移風縣有潮鳴鷄長旦清如吹角每潮至則鳴一名村鷄

魚瞰鷄睨見水族門

呼羣德

吳均曰鷄有呼羣之德鹿有食呼之美

五時鷄

有鷄夜鳴隨鼓節一更為一声號五時鷄失旦鷄

諸葛瑾曰失旦之鷄復思一鳴

鷄翹衛錦

鷄翹衛錦豈勝鮮華鷄翹冠也溫庭筠

芥鷄羽

季氏芥鷄羽邱氏金距左傳

鑿墻棲

詩鷄栖于墀注云鑿墻而棲曰墀

芥粉

周王褒闢鷄詩妬敵金芒起猜羣芥粉生梁孝威詩翅中含芥粉距外矚金芒

專棲之雄

抱朴子詩鷄有專棲之雄蟻有兼弱之智蜂有攻寡之

計

呼州州

遺却白鷄呼州州 音祝施肩吾詩

翰音跖

翰音之跖是也

伺晨鳥

譬彼伺晨鳥揚声當及旦 陸士衡

百日鵝

子鵝百日外子鴨六七十日佳過此肉硬矣

昇菀鴨

玄都有鴨丹毛而輕昇於芙蓉唼露而食曰昇菀鴨 洞

冥記

鷺警鬼

段氏云鷺警鬼鵠鵠厭人孔雀辟惡

雜蟲門

齊女

董仲舒云齊王之后怨恚而死尸化為蟬登樹而鳴故

蟬名齊女

含風蟬

蕭瑟含風蟬寥戾度雲鴈 謝惠連詩

肥遺

偽蜀王衍時自五月不雨至九月肥遺見紅樓注云肥遺蛇名角上有火見則大旱出山海經外傳華山亦有此蛇王氏開國記以肥遺旱見非也紅樓蜀端門樓也

食塵

山海經異水南有蛇曰食塵蔡邕云蚓食塵飲泉

蜂十圍

丹蛇踰百尺玄蜂盈十圍鮑明遠詩

吹蠱

含沙射流影吹蠱病行暉南方蓄蠱殺行人置飲食中人不覺其家遂滅則飛游妄逐行客中皆病死吹蠱飛蠱也鮑明遠詩

點白

食苗實碩鼠點白信蒼蠅言能變白為黑也鮑明遠

蓼蟲

蓼蟲避葵董言若不言排言小人不知曠士之懷如蓼

蟲不知葵董之美也鮑明遠

黑蟻

黑蟻躍重淵商羊舞野庭音戾地也皆欲雨之候張景陽詩

寒蟄

肅肅莎鷄羽烈烈寒蟄啼莎鷄促織也蟄蟬也謝惠連詩

數蝶

花叢亂數蝶風簾入飛燕謝玄暉詩

網虫

網虫垂戶織夕鳥傍簷飛沈休文詩

丹鳥

夏小正曰丹鳥羞白鳥丹鳥螢火也

景天

螢一名景天一名夜光

崔豹注

鳳車

蝶一名鳳子一名鬼車一名鳳車搜神記朽葦為螢麥為蝶蝶

稷螽

說苑螽者人之所攻鼠者人之所薰未嘗見稷螽見攻社鼠見薰

率然地

孫子兵法曰常山之蛇名曰率然一身而兩頭擊其一頭則一頭至擊其中則兩頭俱至

張華博物志

歡喜虫

雜俎歡喜虫能見眾夢

叩頭虫

小鳥聞批頰微虫弄叩頭

越王約法

尔雅注兩頭蛇江東呼越王約髮言其所變也

五技鼠

尔雅釋文鼯五技鼠也音石蔡邕勸學篇五技者能飛不能上屋能緣不能窮木能泅不能渡瀆能走不能絕人能藏不能覆身

胸肭

胸肭蚯蚓也夔州多此虫故以為地名

露珊 見露門

如絲氣

杜詩崔十九太平寺泉眼云青白二小蛇幽姿可時覩如絲氣或上爛熳爲雲雨

蜜房羽客

蜜房羽客類芳心冷葉倡條徧相識李義山

昆蟲

昆明也百虫待明而動故曰昆蟲

土鴨

陶隱居本草注蛙大而青脊者俗名土鴨其鳴甚大

丹書八字

抱朴子蟾蜍壽三千歲者頭上有角頷下有丹書八字玄中記云食之壽千歲

蝦蟇懷土

俗說蝦蟇懷土雖取置遠郊一夕復還其所

投機

古今注促織一名投機莎鷄一名絡緯

蜂無雌

古今注龜鼈之類無雄蜂蝶之類無雌

蛾眉

蛾似黃蝶而小其眉勾曲如畫詩言蛾眉

慕光

螢載火

飛蛾拂燈火夜飛一名慕光傳曰螢載火而寒一名挾火一名夜光一名宵燭

宵燭

見上

地腹窟

造化權輿云地腹窟蟻蟻背行

潔飢

抱朴子云玄蟬潔飢不羨蜣螂穢飽

商距

莊子使蚊負山商距馳河唧蛆一名商距

蜂臺蟻樓

古語蓋蜂窠疊構如臺蟻垤似樓

喜毋

絡新婦

郭璞云今小蜘蛛長股者俗呼喜子垂絲着人衣當有親客至荊州河內之人謂之喜毋又名絡新婦

疎蟬

歌女

歌女

江東人謂蛆蚘爲歌女或曰鳴砌

野蛾

蝶一名野蛾

弄圓

蜣螂一名弄圓一名轉圓

立針

蝦蟇一名立針

黍民

河內人見有人馬數千萬皆如黍米以火燒之人成蚊蚋馬成大蟻故呼蚊蚋爲黍民蟻爲玄駒



玄駒見上

怪虫

小說漢武幸甘泉道中有虫赤色以問東方朔對曰此虫名爲怪虫昔時拘繫無辜咸仰首曰怪哉怪哉上天憤所生也必秦獄地按之果然又曰凡愁者得解以酒灌之隨散

龍親家見水旱門

司城主簿

李知微宿都省夜聞呼馳道都尉司城主簿者見數小人入古槐下一穴明日發視乃鼠耳

釀蜜蜂

樹宿含櫻鳥花留釀蜜蜂含櫻鳥鶯也庚信

蟻載粒

符子東海有鼈冠蓬萊而浮游羣蟻相謂曰彼之冠山何異我之載粒逍遙封壤之巔伏乎窟穴之下

銜窠藪

楊惲曰鼠不容穴銜窠藪也

青弁使者

青弁使者蜻蛉也古今注

虫緝絲

八月詞傍簷虫緝絲向壁燈垂花李賀

水虫卸弩

廣記云水弩之虫常自四月上弩至八月卸之見人影則射

蟬罅生

爾雅注蟬屬皆剖坼毋背以爲孔罅而生

步屈

尺蠖一名步屈

鳴砌

蚓謂之鳴砌亦謂之歌女古今注

朱浚元

有人得朱虵故之後來致謝補進士朱浚元幽怪錄

仙鼠

蝙蝠謂之仙鼠古今注

蠅豹

蠅虎謂之蠅豹古今注

蟻城

有甬端者因營壑掘地遇蟻城方丈城壘皆具若雕刻  
中有街徑樓閣二大蟻居樓閣中一紫色足翅皆如金  
酉陽雜俎

蜉蝣王

徐玄之夜讀書見人物如粟數百皆具甲冑擁一紫衣  
者行案上傳呼曰蜉蝣王欲觀於紫石潭見魚數十硯  
中皆獲小魚玄之大駭以書冊覆之照者皆無異聞實錄

鳴虵

山海經鮮水多鳴虵其狀如虵其音如磬四翼見則其  
邑大旱

駮蝦

南都賦駮蝦蛄蛇駮大也爾雅注蝦大者長一二丈

飛生

鼯鼠一名飛生上林賦注

黃要

郭璞云穀似鼯而大要以後黃一名黃要食獼猴

熠燿

秋興賦熠燿粲於階闥蟋蟀鳴乎軒屏注熠燿螢也

蝼蛄蜿蜿

嘯賦蝼蛄蜿蜿龍蛇之貌

赤蟻若象

赤蟻若象玄峰若壺離騷

黃犢舍

蝸牛螺中之有角俗或呼為黃犢舍

唐公鼠

唐君字公房白日昇天鷄鳴天上犬吠雲間唯以鼠惡留之鼠乃感激自出其腸胃時人謂之唐公鼠

巨斧

兗豫間螻蛄為巨斧出方言

笛師

蜂燕趙間曰螻蛄音蒙翁其小者謂之螻蛄小而蜜者謂之壺蜂注云穿竹木作孔有蜜者又謂之笛師出方言

夜遊女子

夜遊女子螢火也此伏尸之精燒香辟之若入人家其色青者吉紅者有禍殃玉箱雜記

海鏡 卷三十一  
飛軍糧

飛軍糧蜂子

伏翼

伏翼蝙蝠也

地螾

黃帝得土德黃龍地螾見注丘蚓也音引漢志

短狐

漢五行志云蠃生南越又云短狐卽蠃也在水旁能射人南方名短狐注射工也亦名水弩

青喚蟬

白若白鷺鮮清若清喚蟬李白

豹文鼠

豹文鼠終軍以尔雅辨其名而受賜

蝦蟇

墨子曰禽子問曰多言有益乎曰蝦蟇日夜鳴口乾而人不聽之

蛇醫

蛇醫方言蝦蟇也

曹氏子

齊人曹氏子乃蟻螯出宣室志

日兩衛見方技門

龍門

雲螭

雖欲騰丹谿雲螭非我駕注雲螭龍也 郭景純詩

澆澗

魚龍澆澗山鳥羣飛上士咸下助角切魚龍游水声嵇叔夜

龍有五種

龍有五種一象形二虵形三馬形四魚形五蝦蟇形

三種過患

龍有三種過患一熱沙墮其頭二以虵形行欲三有金翅鳥畏又有一苦以風吹寶衣露身生苦

不能變形

四分律文中說諸龍初生時睡時暝時行欲時不能變形餘時皆能變形

多舌龍

德又迦龍王舊云多舌龍由多言故此是第六般若波羅蜜門善說多法故云多舌託此龍位寄顯法故

射獵門

雙鶴

列子蒲子之弋連雙鶴於青雲之際

飛土逐內

古人彈歌曰斷竹屬木飛土逐內

殼者

漢書發似飛殼者注謂能張弩者

忘歸

左擘繁弱右接忘歸繁若弓名忘歸矢名嵇叔夜

尉羅

寄言尉羅者寥廓已高翔尉音尉所以張捕謝玄暉

馳馳

馳馳未能半雙兔過我前曹子建

接飛鳶

餘巧未及展仰手接飛鳶曹子建詩

輕繳

高鳥未挂於輕繳注繳矰射也曹子建表

飛羅修罟

音罟網也布飛羅施修罟七命

毛林丹薄

數為毛林隄為丹薄言田獵殺多也七命

解勞

韓偓出獵歸詩紅袖擁門持燭炬解勞今夜宴華堂

贊獲

贊獲一声連朔漠賀杯環騎無優侶韓偓

射雉翳

掃掠走馬路整頓射雉翳平声李義山詩

走狗塘

走狗塘鶴陂墟菴巷皆吳王田獵之地平江圖經

鶴陂墟見上

雙鶻

射詩雙鶻摧孔雀一矢殞貪狼

九規

射詩百步望雲立九規看月張敘神堯皇帝之射

龍臂

龍臂勝猿臂星芒起箭芒

銀鏑

薛逢獵詩金鞍俯鞚塵開處銀鏑離弦中瑟聲

打圍

山谷射獐肉果然口腹爲災怪夢去呼鷹雪打圍

素支

赭白馬賦歷素支而冰烈注云射的也

寧不食

後魏咸陽王坦好田獵曰吾寧三日不食不能一日不獵

聞弦虛墜

折翮翻飛隨轉蓬聞弦虛墜下霜空李白

行圍

江沙橫獵騎山火繞行圍李白

五茸

陸魯望詩二茆涼波魚絕動五茸春草雉媒嬌注陸士衡對晉武帝二茆冬溫夏涼五茸吳王獵所

射雉場

東昏置射雉場二百九十六處翳中帷帳及步障皆給以綠紅金銀鏤弩牙瑇瑁帖箭

獲車

田獵收所得禽以實獲車

獲旗

田獵建獲旗

射侯制

射侯制上廣下狹取象於人也張臂八尺張足下六尺

梁鄒

制同乎梁鄒義合乎靈囿東都賦天子田獵地名也毛詩傳曰古有梁鄒者天子之田也

割鮮染輪

子虛賦割鮮染輪言田獵其血染車輪也

垂天畢

荷垂天之畢張竟野之罟羽獵賦

媒翳

潘安仁射雉賦因講肄之餘而習媒翳之事

兩禽連

左挽因右發一縱兩禽連曹子建

東津南圃

魏文帝詩校獵東橋津又張衡羽獵賦曰夏遙集乎南圃

弋高雲

弋下高雲之鳥餌出深淵之魚應休璉書

矰繳

矰繳繳之若反矰矢射也亦作繳曹子建曰高鳥未挂輕繳上音曾下音酌鄭玄曰結繳于矢謂之矰矰高也

漁釣門

漁師



王泓之釣于上虞江或問漁師得魚賣否

箸筴

上蘇挺切下音令竹器也山谷詩云漁父矰網投箸筴

篠筴

釣者以獨繭絲爲綸芒針爲鉤荆條爲竿剖粒爲餌

桂餌

初學記有以桂爲餌

翠綸

關子曰垂翡翠之綸

宿沙

魯連子云古善漁宿沙渠子使漁山側雖汀宿沙子不  
得漁焉宿沙非暗於道也彼山者非魚之所生也

釣師

人間幸有篔簹笠且上芳舟作釣師

林逋詩

漁墅

林逋雪詩寒連水石明漁墅猛共松篁壓寺歸

曳寒蓑

陸龜蒙手提孤篔簹曳寒蓑言釣也

玄洲

宋玉釣賦云玄洲天下善釣者也

八絲線

玄洲以三尋之竿八絲之線以出一二尺之魚

施技

玄洲因水勢而施技

仁義爲釣

禹湯之釣以賢聖爲竿節德爲綸仁義爲釣利之爲餌四海爲池萬民爲魚釣道微也

白鷺縶

爾雅疏白鷺頭翅上皆有長翰毛今江東人取以爲捷攤名之曰白鷺縶

百囊罟

爾雅注緩罟者今之百囊罟也九罟者魚之所入有九囊也

曲梁

詩魚麗于罟注曲梁也其功易故謂之寡婦之笱

採捕郎

藥不應阻蟹螯香乞與江邊採捕郎謝寄蟹

漁蕪

三茆涼波漁蕪動五茸春草雉媒嬌注見前

扈葉

吳都記江濱漁者插竹繩編之以取魚謂之扈葉

沉絲

沉絲結飛矰注沉絲漁網也

捕魚翁

捕魚翁龜蒙詩

蟹斷音綴

江東云蟹稻之登也率執一穗以朝其魁然後任其所之蚤夜曹沸指江而奔漁者緯蕭承其流而障之名曰

蟹斷斷其江之道故焉耳陸龜蒙蟹志

半尺鱸

寄淮南鄭賓書記清詞醉草無因見但釣寒江半尺鱸

釣具

寒衣釣具脛

編霜莢

編霜莢緝寒茅出沈休文

漁兄漁弟

漁兄漁弟喜到來李夢符漁父詞

草門苦蘇附

書帶

三齊記鄭玄教學處有草如薤而細俗謂康成書帶

葳蕤

選百卉挺葳蕤注初生之貌也王仲宣詩

陽卉腓

淒淒陽卉腓音肥言風霜慘淒草木色皆病也

蘭薄

遠巖映蘭薄白目麗江臯薄叢也江臯江曲也謝靈運

臯蘭

臯蘭被徑路澤畔曰臯阮嗣宗

忘歸草

安得忘歸草言樹背與襟忘歸草即忘憂草也嵇叔夜詩

青青河畔草

離離山上苗青青河畔草選古詩

芳荃

忘歸屬蘭杜懷綠寄芳荃沈休文詩

芷薜

塘上行芷薜生幽渚微芳不足宜注芷薜香草也喻婦人居幽閑之室德微不足奉君子也陸士衡詩

紅藥

紅藥當階翻蒼苔依砌上謝玄暉詩

薜蘿

相逢詠薜蘿無辭寵悲團扇古詩上山採薜蘿下山逢故夫薜蘿善本作薜蘿謝玄暉詩

綠錢

賓階綠錢滿客位紫苔生古今注苔薜一名綠錢沈休

霜根

仲秋邊風起孤蓬卷霜根王僧達詩

被幽崖

綠竹夾清水秋蘭被幽崖魏文帝詩

宿莽

夕舉洲之宿莽草經冬不死曰宿莽音姆宿草也

蕙蔴

蔴香草也昌亥切一音齒離騷

九畹蘭

余既滋蘭之九畹兮又樹蕙之百畝三十畝曰畹上

葉蘋

葉蘋齊葉白芷生

霍靡

蘋草霍靡注華敷貌

神藟

仰折神藟俯采朝蘭音鷲香草

臯蘇

王朗書云雖復萱草忘憂臯蘇釋勞年以過也

神漢草

神農本草常山有草名神漢置之門上每夜叱人

白氈

白氈徒葉切草也出高昌國粗者名吉具細者名白氈

昔邪

瓦松也在屋曰昔邪昔墻曰垣衣梁簡文詠薔薇詩云

緣階覆綠綺依簷映昔邪

夢草

漢武帝時異國所獻晝縮入地夜若抽萌帝思李夫人  
懷之輒夢洞冥記

草盤青

半欄花藉田一徑草盤青

夫須

臺草一名夫須可為蓑笠南山有臺是也

水英

爾雅云芹楚葵注水中芹菜本草一名水英

鳩脚莎

爾雅云葦玉芻郭景純云葦葦今呼鳩脚莎詩瞻彼淇

奧綠竹猗猗是也

鳥曰見鳥門

蘚色

劉昭禹詩蘚色圍波井花陰上竹樓

不成錢

水凍菖蒲未生節閑寒榆莢不成錢

兔葵

兔葵苗如龍芮花白莖紫

燕麥

燕麥草似麥亦曰雀麥

夜光芝

華陽洞有五種夜光芝

豐草蔓

女蘿旒詩四月秀蔓盛貌也

燕胎芝

茅君傳句曲山有神芝名燕胎芝紫色狀如燕欲飛食  
一株為太清仙正一郎中

燕尾香

蘭葉尖長有花紅色白俗呼為燕尾香煮水浴療風

馬蹄香

馬蹄香杜衡也葉似葵形如馬蹄

千步香

南海貢千步香佩之聞千步今海隅有千步草是其種  
也

萱蘭訴

修竹彈甘蕉文云有臺西階澤蘭萱草到園同訴言陽  
景所照由來無隔而甘蕉攢莖布葉獨見障蔽雖處臺  
隅遂同幽谷

蒞蘭

使嘉夜蒞蘭芳俠與挾同嘉夜芳草也蒞卽今白蒞  
日

俗草

枝下無俗草所植唯蘭孫

卷施草

贈君卷施草心斷竟何言李白詩此草拔心不死

蒞蘭

清英神仙骨芬馥蒞蘭

蕨枝拳

不知舊行徑初拳幾枝蕨

流草

流草蓬也病草艾也

忍草

清香惹苔蘚忍草雜蘭孫

媚草

述異記媚草鶴子草也蔓生色淺紫蒂形如飛鶴春月  
生雙虫食其葉越女收養虫老蛻爲蝶帶之號媚蝶  
嶺表異錄

寡婦莎

述異記秦趙間有相思草節節相續又名斷腸草孀婦

草寡婦莎

無情草

范陽貢無情草使人無情雜俎

睡草

又桂林有睡草見之則令人睡一名醉草亦呼懶婦歲

懶婦歲見上

澤葵

又苔錢亦謂之澤葵又謂之重錢草亦呼宣蘇南人呼  
妬草

重錢草見上

蘇陣

鷄毛橫蘇陣蟻穴入莎根

采華草

太極山有采華草服之通萬里言

苔絮

手牽苔絮長蓴花

菱絲

釣魚詩菱絲縈獨蘆蒲米蟄雙魚又瀉詩木蘭椒葉蓋  
病容扶起種菱絲

湘蕤皓本

武夷記武夷君食之注湘蕤苻也皓本根也

榮榮

榮榮牕下蘭密密堂前柳

羊齒草



本名縣馬細葉葉蘿生而毛有似羊齒今東人呼爲鴈齒線者以取芥緒也

連錢荇

太液池有連錢荇 洞冥記

躡空草

烏莽國有草如芥葉食之能行空中號躡空草 洞冥記

太陽草

天老曰太陽草服之長生卽黃精也 博物志

鼠莞

織細似龍須可以爲席蜀中出好者

地血

舊草可染絳陸機云一名地血

蟠蒿

詩云于以采繁毛傳云蟠蒿也郭氏云白蒿又云葉似艾上有白毛粗澀俗呼爲蓬蒿可以爲菹

布護

蘼芜布護於中阿音護

菑萸

雜以菑萸草也

幽蘭

雪賦以幽蘭儷曲

蘭猗靡

藉蘭臯之猗靡

香掩掩

越香掩掩言草木之香發越也

幽薄

白華朱萼被于幽薄白華絳趺在陵之阪

平蔚

原薄信平蔚

蘭茗

翡翠戲蘭茗

相因依

芰荷迭映蔚蒲稗相因依

朱柯

西京賦擢靈芝之朱柯

綠葉紫莖

秋蘭兮青青綠葉兮紫莖

甜娘

甜娘草名廣南人造酒多用之

合歡

合歡蠲忿萱草忘憂崔豹古今注曰合歡樹似梧桐枝葉繁互相交結每一風來輒自相離了不相牽綴樹之階庭使人不忿也

萱草 見上

九衢之草

九衢之草千計其枝交錯相重九出也山海經少室之山有木焉名曰帝休其枝五衢其花黑實服者不怒

木門 樹林野燒附

鞞鞞法

龜蒙詩手携鞞鞞法若在中印國鞞布頂反鞞大各反  
唐言楊枝也

陽林

白雪停陰同丹葩曜陽林左太冲

九秋幹

心契九秋幹目覽三春莢謝靈運詩

阡阡

遠樹曖阡阡注茂美貌也

前林

秋風吐商氣蕭瑟掃前林張孟陽詩

梢梢

梢梢枝早勁塗塗露晚晞梢梢勁強無葉之貌塗者厚也謝玄暉詩

脩薄

谷風拂脩薄油雲翳高岑注草木叢生曰薄陸士衡詩

鳴鳳條

假翼鳴鳳條濯足升龍淵謂梧桐也

枌欂

揮手告鄉曲三期載歸旋且為樹枌欂無令孤願言謝靈運

八桂

天台賦云八桂森挺以凌霜

長楸

闢鷄東郊道走馬長楸間魏文帝詩

豐條

豐條並春盛落葉後秋衰陸士衡詩

蕭森

谿壑無人迹荒楚鬱蕭森木叢生曰楚蕭森條長貌張景陽詩

槭槭

蕝蕝芳葉零葉々芬華落槭所隔反落葉声盧子諒詩

萬年枝

風動萬年枝日華承露掌萬年枝木名

平楚

寒城一以眺平楚正蒼然之上並謝玄暉詩

玉階樹

切愁涼風至吹我玉階樹班婕妤

宿楚

青苔日夜黃芳蕤成宿楚叢木也張協詩

翳蒼

促鮮之遊汀渟短羽之棲翳蒼

鼎足松

平江學中有十題曰辛夷百幹黃楊公堂槐鼎足松雙桐石楠龍頭檜蘸水檜泮池玲瓏石或云蘇子美嘗掌學命名也

三榮三悴

晉陽都城北角有槐木一日之間三榮三悴

陽葉陰條

陽葉春青陰條秋綠

小棠

詩甘棠注云棠杜也一名杜梨而小也召伯不欲勞民止舍於小棠之下而斷訟焉

三眠柳

李義山賦豈殊河畔牛星隔歲才聞一過未若苑中人柳終朝剩得三眠注漢後苑中有柳似人形一日三倒三起

蒼官

樊宗師絳守居園記云有柏蒼官青士環列與禔朋友稚杉見竹門

拘尸陀

雜拘尸陀樹見月光卽開

鴈翅檜

李德裕平泉花木記有鴈翅檜葉婆娑如鴈翅也又有珠子柏實如珠子生葉

林光

林光稱避暑引伏出郊行張正見上之回

君子樹

梁元帝芳人詩芬芳君子樹交柯御宿園

柳半眠

煙柳半眠藏利臉雪梅含笑綻香唇

松釵

長松夜落釵千股小港春添水半腰韓偓詩

殺羊角

江東謂皂莢爲殺羊角

衝枝

穗柏一枝衝枝偃覆疑四達之枝也

鳳條

酉陽雜俎人有折博陵君豹山園桐枝者公曰何爲傷我鳳條

端正樹

玄宗發馬嵬至扶風道上有石楠樹團々愛翫云呼爲端正樹盖有所思也

嘉林

傳曰有神龜在江南嘉林中嘉林者獸無虎狼鳥無鴟梟草無毒螫野火不及斧斤不至是爲嘉林

守門閭

松柏爲百木長而守門閭

五大夫

始皇上太山立石封祠祀下風雨暴至休於樹下因封其樹爲五大夫

麩塵絲

江邊楊柳麩塵絲

松籟

但將松籟延住客常帶嵐霏認遠村林逋詩

暗黃

正月樂詞上樓迎春新春歸暗黃着柳宮漏遲薄淡  
靄弄野姿 李賀詩

秋香

畫欄桂樹懸秋香三十六宮上花碧 李賀

古香

山頭老桂吹古香

五衢枝

山海經少室之山上有木焉名曰帝休其枝五衢注枝  
五出如路

黃夾櫨林

白樂天詩黃夾櫨林寒有葉碧琉璃水淨無風

柳一澗

太平州作歐靚膏支柳一澗

負霜柏

負霜柏一作宜霜柏

鼠梓

鼠梓其樹葉木理如楸也

攝攝

說文云楓木厚葉弱枝善搖一名攝攝

守宮槐

郭云槐葉晝日聶合而夜炕布者名守宮槐

梓實桐皮

陸機云梓實桐皮爲椅

女桑

郭云今俗呼桑樹小而條長者爲女桑詩云猗彼女桑是也

松葉相身

爾雅曰樅松葉柏身檜柏葉松身

左人精

柏木也

右人精

松木也

鬼老

樅木也

舞兒腰

榆穿菜子眼柳斷舞兒腰

楓子桐孫

庾信詠樹詩楓子留爲式桐孫待作琴

一霜兩霜

一霜兩霜猶可當五晨六旦颯已黃梁豫章王綜悲落葉詩

百木長

史記松柏爲百木長也而守宮闕

姑榆郎榆

廣志有姑榆郎榆郎榆無莢

濟南榆

應璩與龐惠恭書曰頻見所上利民之術植濟南之榆栽漢中之漆



朝菌

朝菌謂之朝華亦謂之木槿亦謂之白及亦曰舜華

帝梧

張正見鳳樓梧詩云丹山下威鳳來集帝梧中

天上樹

李紳詩序新昌宅書堂前有藥樹一株今已盈拱則長慶中於翰林院西軒藥樹下移得纔長一寸僕夫封一泥圓以歸植今則長成名之曰天上樹詩云白榆星底開紅甲珠樹宮中長紫宵

鬼庭

柏者鬼之庭也注言鬼神尚幽暗以松柏爲庭府  
千千萬萬

千千石楠樹萬萬女貞林

榮柯

衆鳥集榮柯

鬱金枝

燕趙青青遊子悲河堤弱柳鬱金枝

情深樹

題情深樹寄象公詩云腸斷枝上猿淚添山下樽

引東枝

漢陽江上柳望客引東枝

桂子落

還聞天竺寺夢想還東越每年海樹秋桂子落秋月  
攢叢

黃山過石柱巘嶸上攢叢

綠玉樹

李白贈王屋山人魏萬詩君來幾何時仙臺應有期東  
窓綠玉樹定長三五枝

森柯

積雪照空谷悲風鳴森柯

繇幕

南軒有孤松柏葉自繇幕

君遷樹

陸龜蒙寄南海同年度中必有君遷

漢朝交州記有君遷樹有朝臺尉他望漢所築也

叢條疊穎

叢條臆胆疊穎怒魄

柳葉無陰

柳葉無陰檳榔無柯

丰茸

雪後朝寒猶凜冽柳梢春意已丰茸

柳絲絲

張蓋欲判江灩、迴頭更望柳絲、

白甲蒼髯

雙龍對起白甲蒼髯煙雨裏東坡咏松

霜下傑

淵明芳菊開林耀青松冠岩列懷此貞秀姿卓爲霜下  
傑

厄閏年

東坡詩黃楊厄閏年自注俗說黃楊歲長一寸遇閏退三寸

女兒腰

子美詩隔戶垂楊弱嫋、恰如十五女兒腰

甘木

西都賦竹林果園芳草甘木

栢櫚

栢櫚上林賦注曰栢也其皮可爲索香并

女貞木

女貞木葉冬不落上林賦

連抱

長千仞大連抱言木之大也上林賦

落落長松

蔭落落之長松天台賦

桐乳

空門來風桐乳致巢注桐子似乳著其葉而生鳥喜巢其中也

椅梧

椅梧桐也琴賦

玄木

玄木冬榮高唐賦

密微

密微、其清閑言木之密葉微、然幽邃琴賦

林藹

瞻彼宗丘其林藹々補亡詩

蘭林

結風竹蘭林陸士衡

摩蒼天

脩條摩蒼天魏文帝芙蓉池詩

葉卷

攀林摘葉卷葉初生未展謝靈運

暖阡阡

遠樹暖阡阡美身謝玄暉

樹扶疎

繞屋樹扶疎陶潛詩

故藪

孤獸思故藪離鳥悲舊林陸士衡

不死木

不死木食之令人長壽出柳州

百籟吟

百籟坐自吟張景陽

造夫

松柏豫章條上造天七發

藤輪

李德裕詩松蓋低春雪藤輪倚暮山

帶癭松

吾看有花樹不及帶癭松

赤燒

獨鳥青林暮鷺磨赤燒殘 温庭筠

突波羅樹

突波羅樹出梧州安折縣壅腫盤結堪以爲器

豫章似枕

譬之豫章七年然後可覺耳延叔堅曰豫章與枕木相  
以須七年乃可別枕 音尤

千仞無枝

魯連子曰東山有松千仞無枝

神王一丘

符子云蔭百丈之松蕭々然神王一丘

十里香

述異記千年松香聞十里外一名十里香

香村

其土唯松檜檉柏每風拂脩林則香聞數里傍有古僧  
塔人疑其異因號香林石塔

玉女幢

木葉細長自根而上皆成層級故名玉女幢

飛仙蓋

木高無枝其末下垂如蓋出九華

仙掌扇

其木葉如扇兩相合如掌

穰槐

穰槐上古回反又戶垂反槐之别名下戶灰戶垂二切

爾雅云槐葉大而黑爲櫟又守宮槐葉晝日聶合而夜布

冬頌木

五嶺無冬頌之木 嵇叔夜養生論

雜花門

蒼筤花

蒼筤花卽今山梔子花也佛說譬如入蒼筤林中唯聽  
蒼筤不聞餘香禪月詩云白蒼筤花露滴滴山谷云染  
梔子花六出雖香不濃郁山梔子花八出一株可香一  
園

薜榮

薜榮不終朝蟬蛸豈見夕注薜槿花也朝榮暮落詩頌

如薜華 郭景純詩

丹榮

曲池揚素波列樹敷丹榮謂花也 王仲宣

藥

穉、芳葉零藥、芬花落垂落兒 盧子諒詩

歸華

歸華先委露別葉早辭風 鮑明遠

瓊藥

上山采瓊藥窮谷饒芳蘭玉英也

木蕖

木蕖芙蓉也山谷詩紅裝滿院木蕖秋

具多

巴苴

漢書注巴苴一名芭蕉

優曇花 同上見佛僧門

好行市

石竹花詩莫管金錢好行市寂寥相對是山家陸魯望詩如今莫共金錢鬪買斷秋光是此花

後庭花

蘇黃門詠鷄冠花詩云後庭花草盛憐汝繫興亡注或言矮鷄冠卽玉樹後庭花

菖蒲花

菖蒲花可憐聞名不相識

藥氣

豔歌行雲楣桂成戶飛棟杏爲梁斜窓通藥氣細隙引塵光

小蓓

漸蔓墜長茸烏花垂小蓓

摘索

陰沉天氣連翩醉摘索花枝料峭寒 林逋詩

紅髮髻

欄藥日高紅髮髻 反声李義山

酴醾

酴醾本作稌糜後又加酉

蕙香

李賀南園詩可憐日暮蕙香落嫁與春風不用媒





兒女花

種菊詩云種花莫種兒女花老大誰能逐年少

鹿蔥

風土記云鹿蔥宜男草也宜懷妊婦人佩之必生男穉  
合賦序云荆楚之士號鹿蔥

艷中閑

榴詩繁中能薄艷中閑杜牧之

三春萸

心契九秋翰目翫三春萸謝靈運詩

芙蓉媒

楚辭因芙蓉而為媒

罷花

堦蕙漸翻葉池蓮稍罷花何選詩

山琵琶

駱谷中有毒樹曰山琵琶其花明艷與杜鵑花相似樵  
者曰早花殺人李紳詩云澗底紅花奪火然搖風有毒  
愁行客

露英

飲若木之露英注花之含露英甘泉賦

春翹

翫春翹而有思注翹英也思舊賦

晨葩

晨葩朝華也補亡詩

日及花

但看日及花唯是朝可憐橙花也施肩吾詩

綠葉紫裹

綠葉紫裹朱莖白蒂裹去声實皮也高唐賦

絳趺朱萼

白華朱萼被於幽薄白華絳趺在陵之陬補亡詩

狗脊花

施肩吾春日贈臨平湖主人云池塘已長鷄頭葉鶯落初開狗脊花

金步搖

金步搖叢生其花四出皆偶對無風常搖蓋幹弱而枝繁也

玉纓絡

其花圓潔如真珠散綴柯條

南大竹

木虛中疎節如竹春青夏碧秋丹冬紫

鉢囊花

其花生葉之上

櫻欲然

野棠開未落山櫻發欲然沈休文詩

花匣樹

開花已匣樹流鶯復滿枝上

菊有芳

蘭有秀兮菊有芳秋風詞

桃李酣

遙想故園陌桃李正酣李義山

菊門

時菊

常恐鷹隼擊時菊委秋霜

落英

憇石挹飛泉板林寥落英  
羣居偃反沈休文

散金

青條若總翠黃花如散金

東籬

采菊東籬下悠然見南山陶詩

紫冠黃鈿見雜花門

菊未莎

杞菊賦云尔杞未刺尔菊未莎其如予何

制頽齡

酒能祛百慮菊爲制頽齡陶詩

苦蕒

陶隱居云菊有兩種一種莖紫氣香而味甘葉可羹食者爲真一種莖青而大作蒿艾氣味苦不堪食名苦蕒非真也出補注本草

陰威

陰威本草菊名

汎寒榮

羣菊汎寒榮李白

蓮門

芬陁利

梵語芬陁利此言白蓮花也涅槃經云如來之身非胎所汚如芬陁利花本身清淨故也

並目蓮

青陽樂府云青荷蓋綠水芙蓉發紅鮮下有併根藕土生並目蓮

水花

李賀水花晚色淨庶足克淹留古今注芙蓉亦名水花

雙南

王禹玉白蓮詩莫將試輕步彫刻任雙南

波頭摩華

亦蓮花也

優鉢羅花

青蓮花也

綠房紫的

芙蓉也

迭映蔚

芰荷迭映蔚蒲稗相因依

出田葉

雖無田田葉及尔泛漣漪古樂府云江南可采蓮：葉何田田陸韓卿

卷葉荷

白樂天晴沙金屑色春水麴塵波紅蕖交枝杏青含卷葉荷

梅門

南枝

六帖大庾嶺上梅南枝落北枝開

培堆

梅花詩一枝臨路雪培堆

月老

林逋梅詩任教月老須微見却為春寒得少留

玄冥節

韋莊奔詩不隨妖豔開獨媚玄冥節

竹門

此君

世記王子猷每假人宅必種竹人詰之曰不可一日無

此君

初篁

初篁苞綠籜新蒲含紫茸謝靈運

斤竹

謝靈運有從斤竹澗越嶺溪行詩

竹花

竹花何莫莫桐葉何離離言鳳所棲宿也范彥龍

冉冉

冉冉孤生竹結根泰山阿冉冉漸生進見阿曲也謝古

愛竹及酒見酒門

祖竹

吳融詩祖竹定欺簷雪折稚衫應拂棟雲齊

叢篁

時佐堯詩叢篁宿鳥喧

天簾

荊州記天門角上各生一竹倒垂下拂謂之天簾

剝竹

音果割也文粹有剝竹記

亞梢

粉竹亞梢垂宿露翠荷差影聚游魚

玉差差

韓丕秋竹詩風韻曉生泉細細月華霄泛玉差差柳宜

竹籟

林逋春夕詩微風引竹籟斜月轉花陰

竹子

張廣神異經云竹子筴子出談助

竹笑

竹得風其體大屈謂之竹笑

煮篁

六雲笑林云漢人適吳吳人設筴問何物曰竹也歸煮其篁不熟曰吳人欺我哉談助

報竹平安

李衛公言北都唯童子寺有一窠纔長數尺公書與維綱毋日報竹平安

偷筍

偷筍閭閻人隔離必埋狸於家墻下明年筍自迸出一

本作埋猫沙門贊寧筍譜

紫雲蓋

紫雲蓋慈竹也

赤玉脂

赤玉脂桃竹也

青蛇枝

青蛇枝苦竹也

紅鵲尾

紅鵲尾青竹也

篔簹席

尚書顧命曰敷重篔簹席孔安國曰桃枝竹

敲訪客八反

蕭騷寒雨夜敲訪晚風時杜牧之

貞幹臣

梁沈約修竹彈甘蔗文曰長淇園貞幹臣脩竹稽首云

蕭洒侯

溪山自是清涼國松竹合封蕭洒侯陸龜蒙

九種竹

成都出十色牋九種竹

夜鳴秋

池花春映日窓竹夜鳴秋李白詩

慈姥竹

白有姑熟十詠姑熟溪丹陽湖陵歛臺慈姥竹望夫

公宅桓公井牛渚磯

竹約

節

節曰約

檀欒蟬娟一緣反

檀欒蟬娟皆美兒

梢雲

無以踰言其高梢雲

慈母竹

江圖曰江寧縣慈母山生竹作簫笛有妙聲

鐘籠

惟鐘籠之奇生今于終南之陰崖注音鍾籠竹譜曰竹名也

雪封枝

秋潦漱其下趾冬雪揣封乎其枝揣音團

汶陽孤篠

鄒魯之珍有汶陽之孤篠

節竿勁

鮑明遠詩巖秋節竿勁竿公旱反

碧鮮

令狐楚齊中栽竹地窓邊素壁初開見碧鮮

高苦竹

梧州思安縣多竹有黃苦竹白苦之名東越謂之高苦竹

八月春

贊寧竹譜竹根曰鞭以鞭行時八月爲春二三月爲秋



凡百谷皆以始生爲春熟成爲秋也

蛇祖龍孫

梅堯臣詩蛇祖龍孫生產後

龍生日

岳州風土記岳人五月十三日謂之龍生日可種竹即齊民要術竹醉日也

問訊

杜甫何將軍山林詩問訊東橋竹將軍有報書

易根

雜俎竹六十年易根則結實枯死

花復

談助竹將枯死花復乃懸

僧體盤殮

僧體盤殮惟笋味魏野詩

果實門

都蔗

曹植詩云都蔗雖甘杖之必折巧言雖美用之必滅晉張協有都蔗賦

塗林

陸機與弟書云張騫爲漢使外國十八年得塗林塗林安石榴也

含桃

含桃櫻桃也呂氏春秋注以鶯鳥所舍故名之禮仲夏含桃薦寢廟

胡甘

風土記橘柚之甜美有類者謂之胡甘

木奴

李衡種甘橘千樹號千頭木奴言利博也

沙棠

前庭樹沙棠

芳藜

茂林列芳藜上並潘安仁詩

南甘北橙

在南稱甘度北則橙言生於江南則為甘而芳香種於北地則為橙枳亦猶人之變節潘安仁詩注

華果

靈囿耀華果通衢列高椅

山櫻

野棠開未落山櫻發欲然沈休文

五色瓜

見枕簟門

辰日瓜

瓜宜辰日種山谷兄大臨詩云夏栽醉竹餘千个春糞辰瓜滿萬區

四剖三離

劉楨瓜賦析以金刀四剖三離承之以雕盤幕之以織締

崖蜜

鬼谷子照夜青螢也百花醴蜜也崖蜜櫻桃也

二花梨

一歲二花梨

三節蔗

一丈三節蔗

湖目

湖目蓮子也

越王頭

椰子爲越王頭壺樓爲杜預頸

柿七絕

俗謂柿樹有七絕一壽二多陰三無鳥窠四無虫五霜葉可翫六有嘉實十落葉肥大

蓮苞

夏雨蓮苞破秋風桂子彫張祐天竺寺詩

栗罅

風剪荷花碎霜凝栗罅開耿緯詩

傷荷藕

唐世蘇州進藕其最佳者名傷荷藕或曰葉甘爲虫所傷或曰故傷其葉以長根也

綠帶金衣

宰臣賀蓬萊宮甘子結實表云綠帶含霜芳流綺殿金衣爛日色麗彤庭

梅林饒子

魏武行役失道三軍皆渴乃令曰前有大梅林饒子甘酸可解渴聞之口皆出水遂得進前

仲思棗

仲思棗長四寸五寸圍紫色亦名仙水棗

韓終李

琳園生玉李韓終嘗食之號韓終李

菱翻雞

玄都有翠水水中有菱狀如飛雞謂之翻雞菱

菱芰

武陵記四角三角曰芰兩角曰菱一名水栗一名薺

味諫

山谷謝惠橄欖詩方懷味諫軒中果忽見金盤橄欖來  
想共餘甘有瓜葛苦中真味晚方回注戎州蔡次律家  
軒外有餘甘余名之曰味諫

生人髮

生人髮掛果樹烏鳥不敢食其实

連二

劉貢父瑞荷詩連二彫成碧玉盤合歡裁作青油扇

鹿梨

鹿梨亦名鼠梨山梨也今人有種者其味極甘美

荆桃

荆桃郭璞云今櫻桃也

麥李

麥李與麥同熟故名

山檣

尔雅云梨山檣郭云言其在山之名則曰檣人植之曰

梨

鑽梨

尔雅檠梨曰鑽梨注恐有虫故一一鑽看其虫孔也

華瓜

瓜曰華瓜注華謂半破也降于天子破破而不四析也亦橫斷之而巾以綵也礼記爲天子削瓜副之巾以綵

石阿措

崔玄微常遇數美人其一曰石阿措一日封十八姨封卽風神石卽石榴也

土乳梨

土乳梨金鋸棗牙樣棗半斤李子皆苑帝苑中所植也

第果食名

李直方嘗第果实名如貢士者以綠李爲首楞梨爲副

櫻桃爲三甘子爲四蒲萄爲五或薦荔支曰寄舉之首

范暉以諸香品時輩侯朱虛撰百官本草皆此類也

國史補

百子蓮

西王母見穆天子進素蓮一房百子拾遺記

崆峒靈瓜

明帝時燉煌獻異瓜云崆峒瓜四劫一实拾遺記

李如瓶

李少君言冥海之棗大如瓜種山之李大如瓶也漢武故事

五鬣松

海錄事

卷三十三

七

松言兩粒者五粒者粒同言鬣自有一種名鬣皮無鱗甲而結實多新羅取種世傳千歲萬頃平平偃蓋然有數年輒偃但命根下遇石則偃耳萬頃蓋平偃耳酉陽雜俎

草龍珠帳

具丘之南有蒲萄谷有僧遊谷食蒲萄折一枝以歸插地遂活明年結實極盛號草龍珠帳酉俎

木威

橄欖獨根東向枝曰木威南向曰橄欖同上

仙术

桃者五行之精能制百鬼謂之仙术荆楚歲時記

虎蹄爪

陸機爪賦云爪有狸首虎蹄玄爵素腕之名

崑崙

崑崙蔗蔗之赤者

羊角棗

鄴中記石季龍園中有羊角棗長一尺

雞心棗

梁簡文詩風搖羊角樹日映雞心枝已聞安邑美永茂玉門垂

玉門棗

西王母與老子共食玉門之棗

安邑棗

魏文帝詔曰凡棗味莫若安邑御棗

杏實主穰

杏實主穰師曠占梅杏實多來年穰

三玄紫杏

南岳夫人傳仙人有三玄紫杏

文杏

西京雜記上林苑有文杏謂有文彩也

蓬萊杏

上林苑有蓬萊杏西京雜記

魁栗

又云上林有魁栗

荔枝五滋

庾肩吾謝檳榴無勞朱實兼荔枝之五滋能發紅顏類

芙蓉之十酒

青頭雞

青頭雞鴨脚也

似古賢

晉劉涓母答吳國書胡桃本生西羌外剛朴內柔甘質似古賢欲以奉貢

含消梨

三秦記漢武樊川園有含消梨

蜜筒瓜

吳淑瓜賦甘號蜜筒

桂髓瓜

又芳稱桂髓瓜

土芝

嵇含瓜賦世云三芝瓜處一焉謂之土芝

黃色瓜

吳淑甘賦黃色稱異

平蒂甘

又平蒂標奇

三玄柰

南岳夫人傳稱爲西喬設三玄素柰

橘官

異物志交趾有橘官置長一人秩三百石主歲貢御橘

橘籍

吳闕澤表曰請除臣橘籍

橙橘戶

越多橘柚有稅謂之橙橘戶

黃甘守史

晉令閩中縣置黃甘守史一人

橘樹家僮

橘樹當家僮盧綸詩

綠荔枝

綠荔枝戎州所出肉熟而皮猶綠

餘甘

餘甘青實狀如山李味若橄欖生于近郊者肉脆而虛其味薄生于馬湖者肉堅而實在戎州

高聰梨



高聰爲幽州刺史以高肇黨廢于家斷絕人事唯修營園果世稱高聰梨以爲珍異

東陵瓜

邵平者故秦東陵侯秦破爲布衣貧種瓜長安城東瓜美故世謂東陵瓜

朗公橘

岩種朗公橘門深孟渡松李白隱靜寺詩

霜梨

高僧拂玉柄童子獻霜梨李白詩

白胡桃

李白白胡桃詩紅羅袖裏分明見白玉盤中看却無疑是老僧休念誦腕前推下水精珠

飲霜栗

朝來果是滄洲逸沽酒提盤飲桑栗

三十子

陸龜蒙橘詩珍重更過三十子不堪分付野人邊王僧辨嘗爲荆南得橘一帶三十子以獻梁元帝

披黃苞

披黃苞以授甘注言剥之也 筆賦

鎮心瓜

南史鄭灼苦心熱以瓜鎮心劉子化詩七盤妙舞頻揮汗五色嘉瓜互鎮心

金桃

貞觀間康國獻黃桃大如鵝卵其色如金亦呼爲金桃

珠纓

凌花咀粉藥削縷穿珠纓

鴻頭

鴻頭排茨刺鵠殼攢瓌橙鴻頭茨別名

金菱銀粟

杜陽編咸通中開昌公主下嫁有金菱銀粟連珠帳却  
寒簾犀簾牙席蠟忿犀如意玉九鸞釵辟邪香

稜橙鄧橘

稜橙鄧橘南陽郡有稜縣鄧縣蜀都賦

大谷梨

張公大谷之梨梁侯烏桺之柿注國侯有烏桺柿代傳  
之閑居賦

周文棗

周文弱枝之棗房陵朱仲之李周文王時也上

沉朱實

夏李沉朱實秋藕折輕絲謝玄暉詩

火山

火山在梧州之南陽大江頂常有火光其上生荔支四  
月熟

獼猴桃

洋州雲亭山生獼猴桃其甘酸食之止渴

荔枝奴

嶺表異錄荔枝過龍眼始熟故名荔枝奴言在後也

亞荔枝

龍眼一名亞荔枝

閩中第一

圖經荔枝閩中第一蜀川次之

置騎

楊妃嗜荔枝明皇置騎傳送走數千里

紫粉包

蕭嵩為丞相帝以紫粉包黃甘賜之粉巾也

丁香子

明皇命方士以藥傳荔枝根得核小宮人呼為丁香子

求黃甘

魏文帝征彭城遣送九種鹽并胡豉求黃甘

壺甘

崔豹古今注甘實形似石榴者名壺甘

建春山柑

東方朔云東南有建春山上多美黃甘神異經

綠蒂含霜

綠蒂含霜金衣爛日黃甘賦

分甘圖

明皇得合歡甘與宰臣分食之又令畫工畫分甘圖

金彈圓

神異山橘子大者如土瓜小者如金彈圓

璇星散

斗樞璇星散為橘柚

胡甘

本草柚酸者名胡甘

給客橙

花木志云給客橙出蜀土似橘而非若柚而香冬夏華實相雜或如彈圓或如拳通歲食之名盧橘

盧橘 見上

刻根

圖經云橄欖生嶺南閩廣木高峻不可梯刻其根下方寸許納塩于中一夕子皆落

益智

圖經龍眼一名益智言味甘歸脾而益智也

芡盤

退之詩平池散芡盤

栗如拳

上林有嶧陽栗大如拳本嶧陽都尉曾寃所貢

熨齒

韓偓禁中詩綠香熨齒冰盤果清冷侵肌水殿風

園圍門

修竹園

梁孝王有修竹園

芳甸

暄鳥覆春洲雜英滿芳甸 謝元暉

氛雜

園中屏氛雜清曠招遠風 謝灵運

花瀨

陸龜蒙自遣詩花瀨濛濛紫氣昏水邊山曲更容村終須揀取幽棲地老桂雙成便作門

雙桂門見上

花城

李賀三月詞東方風來滿眼春花城柳暗愁幾人複宮深殿竹風起新翠舞衿靜如水

南圃北園

南圃無遺秀枯條盈北園

奴橘女桑

舊栽奴橘老新殺女桑肥陸龜蒙

蘭臯

蘭臯々澤也蜀都賦

橙橘園

家有盜泉之井戶有橘柚之園上

瓜疇芋區

瓜疇芋區疇界埒也區畦也上

蘭唐

蹂蕙圃踐蘭唐注蘭生唐中也羽獵賦

蘭路

清蘭路蕭桂苑月賦

繁園

惠風蕩繁園繁茂也殷仲文

蘭野

蘭野茂美英顏延年

春王園

逍遙春王園躡躅千畝田晉宮閣名洛陽有春王園

芳林園

芳林園在青溪菰首橋東齊高帝舊宅

晏陰

塵事久謝絕園廬方晏陰

林逋

蘭臯

步余馬于蘭臯馳椒丘且焉止息

楚詞

桃溪李逕

顧野王詩日映桃溪色風吹李逕香

黃菊宅

羅含黃菊宅柳惲白蘋汀

李義山

青璣文具

圖落青璣瓜畦爛文具

海錄碎事序

予幼學為詩嘗從先生長者質問為  
詩之利病或告之曰詩當博當專能  
專能博未有不造其妙者也韓退之  
言張旭善草書不治他技喜怒窘窮  
憂愉佚怨恨慕悲思酣醉無聊有動

於心必於草聖發之故其書變動鬼神不可端倪謂詩為當專者之論如此夫詩之為用所以摹狀四時之造化陶寫平生喜怒哀樂之性靈前輩言凡天下之書雖山經地志花譜藥錄小說細碎當無所不觀古今之詩

雖巖棲谷隱漏篇缺句當無所不講謂詩為當博者之論又如此予深然其言曩時為高澹者作送行序私竊識焉曲折累數千百字其說甚備獨恨後學之士或能專而不能博或能博而不能專而予於斯二者皆不能



致力焉若今泉州太守前兵部郎中  
翠巖葉侯嗣忠其可謂兼之者乎予  
嘗得見侯所謂海錄者凡十數大冊  
皆親書蠅頭細字惟謹蓋亡慮十餘  
萬事大抵皆詩才也侯因自言游宦  
四十餘年未嘗一日不作詩食以飽

口怠以怡神此書之力為多其博與  
專乃如此以是其詩老而益工如題  
琴泉軒云不是妙音生妙指只緣流  
水似流泉無名水云人休清樾摩挲  
認鳥泊高枝睥睨看置於唐人詩集  
中殆不能辨至其味錢起江行百詩

用事精當寓意清高與起詩甚類士  
大夫間多傳錄之故吏部員外郎宋  
侯高年與予雅游厚善高年有能詩  
轍議論高甚少許可顧常喜稱侯詩  
暨侯來守泉南而予賓客寓此郡聲  
聞豫熟既見歡如平生雖月卒不過

一二還往然見輒論詩無它談凡一  
歲間相與更酬迭唱甚樂間一日侯  
誦所作郡舍羅漢室詩示予其斷章  
言幾多雁鷺行間吏衙退頻來禮釋  
伽予曰韋蘇州詩云今朝郡齋閒欲  
問楞伽字某每讀至此未嘗不廢卷

太息想像應物之風流醞藉而有以  
知蘓臺當時之無事也泉為劇侯能  
鎮之以靜而不擾使吏輩優游如此  
抑可以見大府辨治而侯之風度矣  
侯忻然以予為會心之友未幾予來  
佐臨漳郡事侯送之以詩有戍兵數

有流星遞元白詩筒幸寄將之句予  
益知侯專於詩未嘗頃刻忘也雖然  
使侯向者不能博極群書撮其機要  
廣錄而儲用之雖能專如此吾恐發  
而為詩事不足以副力枯而不腴華  
而不實未必能如是之工也然則所

謂海錄者其可謂之小補云乎哉侯  
既自序此書登載門類卷秩之目詳  
矣又以書謁予文乃為具道少時所  
以聞於先生長者之說及屬者與侯  
酬唱論議之益著於篇之首夫春秋  
美君子樂道人之善況於會心之知

乎此則予之意也覽觀者其自知之  
紹興十有九年冬十一月十九日河  
陽傅自得安道叙

萬曆己亥清和閏月吳郡錢允治書并校